

金石萃編

掃

葉山房

發行

唐駝署

金石萃編卷一百五十五

賜進士出身 誥授光祿大夫刑部右侍郎加七級王昶撰

金二

乾州思政堂記

碑連額高七尺八寸五分廣三尺七寸一十三行行四十九字正書篆額在乾州

大中大夫行乾州刺史兼知軍事輕車都尉滎陽郡

開國伯食邑七百戶賜紫金魚袋鄭彥文述并書

徵事郎充乾州軍事判官崔良弼篆額

乾本漢池陽縣至唐改奉天後置為州梁乾化中升咸

勝軍後唐同光年乃復今名距京匪不越數舍其地平

敞四達自昔關中事亦用武之地也比年以來宿師

多壘應辦浩大瘡痍未平風物凋弊而不振為難治

大定戊子歲余刺北幽庚寅被 命移守來此丁雨

暘不時傷我穡事在牧民者當得安養拯恤之方敷循

空疎魯鈍怵傷軫慮惟恐蹶失致以罪去昔集賢校理

太原王公為池州日治其後堂命曰思政謂其出政於

南嚮之堂思之於此也曾子固作記美王公不敢忘政

其於治民之意勤矣余愛其言之有理与余意合私竊

慕之而未克遂志適此公署廳事之次有屋一區雖劇

宏壯然以廢置之入上下頽圯隅角墊缺風雨摧剝烏

鼠攸宅不可居處乃檄計司報命工重加完繕補葺

罅漏塗墍丹雘乃復充堂衍宇之舊觀爽朗軒豁以便

遊息為退食之所亦以思政榜之蓋欲踵武太原王公

雅志高躅焉嘗聞子大叔問政於子產子產曰政如農

功日夜思之思其始成其終行無越思其過鮮矣余故

忽之哉值乾路當衝要輜車駟騎電擊星馳迎饒旁午

加之諸邑租庸征賦公務執掌民素訴牒吏鈔紙尾幾

不勝聽剖析次遣若匪三復審諦寧不有誤者故每公

餘吏散正襟危坐于其中澡淪神觀踈剔荒塞私自訟

曰不於事 君之忠有未盡乎行己之道有未得

乎學校有未修乎鰥寡有未恤乎獄訟有未平乎農桑

有未勸乎謹當誦前言而不敢違庶幾幸免曠斥少圖

補報 國恩以寬尸素之愧焉堂之側亦有茂林

翠竹可以招邀風月領略芳華或隱几以休詩書或酌

酒以娛賓客雖在談笑觴豆徜徉中履中念所以為政

之本未始造次而忘也嗟余束髮登仕代匱州縣之職

雖一再鳴而起校吏事於朱墨簿書中奉行 天

子教條惟恐不克仰副 委付之意周遊而河暨

陝服不啻萬餘里奔走匏繫垂五十年其羈僑亦久矣

寧不負平昔之志哉昔東坡先生守膠西治新寢於黃堂之北名曰蓋公堂且自作記蓋慕其人也余與坡公賢愚固不同而徵太原王公思政名堂余豈不得慕其人而襲其遺範哉於是乎書置之左右庶朝夕臨觀以自警其不逮云大定辛卯歲冬十二月初一日

昭武大將軍同知乾州軍州事上輕車都尉隴西郡開國伯食邑七百戶李仲仁上石

文有云乾本漢池陽縣至唐改奉天後置為州梁乾化中升成勝軍後唐同光年復今名以唐志合之改縣為州乃乾寧二年也太平寰宇記云李茂貞建後覃王出鎮為成勝軍文又云距京兆不越數舍寰宇記東至長安一百八十里

關中金石記

按陝西通志乾州知州署在城內西偏即唐德宗行在故址後改為州治金大定戊子刺史鄭彥文

修二堂顏曰思政堂即謂此碑也文云乾本漢池陽縣至唐改奉天後置為州考池陽縣在周為焦

獲地秦為涇陽邑漢惠帝四年即其地置池陽縣屬內史後屬左馮翊後漢因之迨苻秦時於池陽

東南析置涇陽縣宇文周時廢池陽不復置歷代至今但有涇陽縣其縣今屬西安府並非乾州地

至今但有涇陽縣其縣今屬西安府並非乾州地

乾州始於唐睿宗文明元年析醴泉始平好畤武功幽州之永壽置奉天縣以奉乾陵至昭宗乾寧

二年以縣置乾州其地與池陽東西相距穰然兩處碑云本漢池陽縣者誤也鄭彥文大定庚寅移

守來此庚寅是大定十年碑立于辛卯則十一年矣金史百官志州刺史正五品同知正七品判官

從八品文階從四品上曰大中大夫正五品上曰中議大夫中曰中憲大夫下曰忠順大夫正七品

上曰承德郎下曰承直郎從八品上曰徵事郎下曰從仕郎武階正四品上曰昭武大將軍碑於刺

史鄭彥文以正五品官而用正四品上之大中大夫階同知李仲仁以正七品文官不用文階而用

正四品上之昭武大將軍武階史志無明文可攷其制莫詳

莊嚴禪寺碑

石高廣俱三尺二寸大小字共十四行每行字數不等下層刻僧象及各村人名行書在高陵縣

尚書禮部牒莊嚴禪寺

尚書禮部牒

尚書戶部差委京兆府發賣所據京兆府高陵縣慶安

鄉幡于村院主僧法淳善江宗昉狀告見任本院自來

別無名額已納訖合着錢參伯賈文乞立莊嚴禪寺名額勸會是實須合給賜者

牒奉

勅可特賜莊嚴禪寺牒至准

勅故牒

大定四年五月

日令史向昇押主事安

假權郭

押

奉直大夫行太常博士權負外郎劉

中憲大夫行員外郎李

宣威將軍郎中耶律押

侍郎

中奉大夫禮部尚書兼翰林學士承旨知制誥修國

史王

本村賈福

賈永興

鄭再興

徐志

南順 孫

展 張安

吳再立

張俊

韓廣

進義校尉韓

卞 朱琦

韓浦

韓永興

蕭張村王昺

王仁美

劉志

許村進義校尉王儀

進義校尉孫喜

柳昇 丁

進

小王村進義校尉姚順

牛直

牛彥

坳下村進義校尉劉潤 進義校尉曹榮 進義校尉劉清

僧永琦 智顯 智雲 僧永堅 智遷 僧智存

智隱 僧智賢 法均 法詮

講瑞應經僧文綬 講唯識論僧文慶 講准識論

僧智英 講經僧法振 僧口口

大定十六年歲次丙申二月丁丑朔二十一日丁酉

住持僧法淳上石

講經律論傳大乘戒沙門善江

按大定初年寺觀納錢請賜名額之事金史無攷

今所得於陝西者凡十四碑文稱尚書禮部牒是

牒由禮部發也又稱尚書戶部差委某州發賣所

是戶部設官差委外州發賣牒文也金史百官志

戶部既無發賣所之官禮部亦不載牒文格式及

發賣錢數但詳僧尼道女冠限度試經之數與夫

中選給據之法而已據同官縣靈泉觀記云大定

初王師南征軍須匱乏許進納以賜宮觀名額若

然則是大定初權宜設置之事非常制也十四碑

中在長安者五碑在涇陽者七碑在同官者一碑

在高陵者一碑似其制獨行於陝西殆即辦軍須

之所也其牒起於大定二年迄四年是時世宗初

卽位用兵契丹因暫行此制想四年以後卽停也

牒文之式不一大定二年祇稱陝西各路轉運司

三年以後則有尙書戶部差委京兆府發賣所又

有差委耀州發賣所是發賣所始於三年而各州

皆有也其錢數大定二年但云已納訖合着錢數

三年以後則著明錢數伯貫至四年四月清涼禪

院牒錢壹伯伍拾貫五月莊嚴院牒錢叁伯貫逾

時未久牒價懸殊不能知其故也諸碑皆稱發賣

所獨福勝院牒稱發給所小有不同有額名同者

如洪福院有二牒一在京兆府一在涇陽縣同爲

洪福字前爲禪院後爲院清涼院有二牒一在長

安縣一在涇陽縣同爲清涼字前爲院後爲禪院

也或當時院與禪院畧有辨歟凡請牒必由狀告

與唐宋之制不同詳議于此亦可備一時掌故牒

雖多種俱于大典無關今錄此一牒以志大概其

餘牒內官旣無名可考亦無文字可傳姑從刪削

疑真大師成道記

碑連額高五尺五寸廣二尺七寸分三層上層繪成

道圖中層記二十九行行二十字下層田土地基三

十六行行二十餘字不等正書額題驪山

靈泉觀疑真大師成道記篆書在臨潼縣

故靈泉觀主疑真大師成道記

李輔書

大師諱子翬姓劉氏開封人也生有奇相人知不凡年

甫數歲居然厭俗自投牒於太清宮受業爲道士既守

真戒奉行教法功德不可思議旁通醫術能處砭劑全

活者不可勝數歷歲滋久升聞於朝前宋 仁宗召

赴闕廷師之入見也年已幾耄鬚髮皆黑面有壯容進

趨如儀登對有法帝曰避哉詔賜號曰 疑真大師換

紫衣 勅授靈泉觀主賜秦帝陵旁并諸庄地土計一

百五十頃及山林湯泉水磨臨潼縣地基房廊盡充靈

泉觀常住道業 師既蒞事一新規畫數載之後租入

有餘謂尙座李藏用曰此觀實唐之華清宮也今圯廢

如此幸有積貯可以繕脩於是創毀閣立堂齋鑿新湯

築花圃成之不日壯麗可觀迨至和元年正月二十日

師忽沐浴更衣而出擊鐘集道衆遺言曰公等自愛我

今歸去言畢遂兩手結印端坐而化是時方春林鶯秀

茂鸞鶴飛翔空中翳翳有樂音衆皆瞻仰望 師隱隱

而昇矣後經一月有客自西蜀來者云我於今年正月

二十日逢一道士騎青驪者自稱曰我是靈泉觀主劉

子翬煩你傳語在觀道衆聞斯語欽仰讚歎曰師達

子翬煩你傳語在觀道衆聞斯語欽仰讚歎曰師達

子翬煩你傳語在觀道衆聞斯語欽仰讚歎曰師達

者也自師西昇迄今百有餘祀其後代門人馬景陽陳守靜劉守冲携師之行狀踵門而求記於予至于再至于三予嘉其勤而諾曰試即其行狀直書以叙云爾大定丙申四月初五日渭南王鎬記

劉仲永 惠口一 王守恭 姚若谷 曹仲昌

劉仲弼 楊守中 劉守冲 王慶道 寇仲實

陳仲寧 龐仲先

監觀道士馬景陽 觀主道士陳守靜等重立石

武略將軍行京兆府臨潼縣主簿兼縣尉飛騎尉李

温敬

宣威將軍行京兆府臨潼縣令上騎都尉蘭陵縣開

國伯食邑五百戶蕭麻鞋 南圭刊

靈泉觀山林水磨田土地基

一山林一所東至天澗水西七盤谷南至分口口口

口口口

一東宮城裏外并繚牆東口角口毬場上下耕種地土

口口三十二頃五十畝

一毬場官道北東西畝地二十八畝東西至口南至道

北民田

一望仙橋河南菓園地東至河西至觀下車院牆北河

南口

一西宮城裏外并禮子谷村口禮窠五聖觀上下口城

北菓口地共八段計八頃三十三畝

一丹霞泉西南山坡耕種田口計四頃五十畝

一口口山坡地土計二十頃二畝東至天河西道南水

溝

一南衛村官口下地土口段計四十五頃口畝東至口

西北溝

一窰村谷底并東西口塘口口地土計四頃口口畝

一口邊村東西畝地土計一頃二畝東西南並至道北

口

一西輔村南北畝地土計八十畝東西至民田南口口

口

一秦始皇陵廟周圍地土計四十二頃四至並外陵牆

一觀門東南畧角地基計三十八間東至石埭道西至

官道南至觀客院北至官街

一簿尉衙東客院東南門裏石埭頭地基計五十八間

西至簿尉衙東南北並至觀

一觀門西南畧角地基三十一間東至官道西官南觀

北官街

一倉門南面西裏角地基二十二間半東倉牆西街東南觀倉口巷口西南民田北倉門道

一倉門北面西裏角地基一百二十五間口尺東至倉城牆南至口門道西至街道北至望仙河民田

一北十字街南東壁上面西向街地基一十二間內九間長一百五十尺東至民田西至官街南至衙牆北至民田

一新巷南街西面東地基一十二間東至街西新巷南民田北新巷道

一水巷街東南裏角地基八間東至官地西至街南至街北至口

一水巷街東面西地基二十五間東至官地西街南觀北民田

一水巷街西南裏角地基二十三間東至水巷西至民田南至街北至觀相接係菜園地北至墩

一水巷街西面東地基二十五間半東至官街西南觀北民田

一城西街南面北并上西門街西地基四十一間東口

口口口西至舊城牆南至墩北至下西門口口口西口口口地基東至街及街東面西地基東至民田西至

街古城牆南北至觀下墩

碑陰題名

三行行七字八字不等草書

少華高元龍趙勉功同登朝元氣象豁然因題於壁少華党元之率鄉人高子堅楊質夫登朝元於壁間見元龍草腥惜其侵滅遂書于後元符庚辰中秋日質夫題

靈泉觀主姚有祥 上座蘇有志 直歲馬思口重

陽日立石

安延年刊

按陝西通志靈泉觀即華清宮晉天福中改賜道士故以觀名華清宮在臨潼縣南唐咸亨二年始名溫泉宮天寶六載更曰華清碑前載觀主凝真成道記乃宋仁宗時事師歿於至和元年此記作於大定十六年丙申距師西昇一百二十三年矣記後載山林水磨田土地基四至畝數凡二十四條有東宮城西宮城之名即謂華清宮城也有秦始皇陵廟在臨潼縣東一十五里可見其觀地自南而東亦云廣矣年月後列銜縣令曰宣威將軍主簿曰武翼將軍金史百官志赤縣令正七品文階上曰承德郎下曰承直郎諸縣令從七品文階

上曰承務郎下曰儒林郎主簿皆正九品文階上  
曰登仕郎下曰將仕郎武階正七品上曰承信校尉  
尉下曰昭信校尉從七品上曰忠武校尉下曰忠  
顯校尉正九品上曰保義校尉下曰進義校尉至  
宣威將軍乃正五品中階武畧將軍乃從六品下  
階此碑系銜縣令不用文階而用正五品中之武  
階主簿不用文階而用從六品下之武階皆未詳  
其制金碑中多類此者後不具論

三清觀鐵盆記

盆不知大幾許茲就銘而計周圍環一丈四尺七寸寬四寸九分單行凡一百九十字正書

維大金大定十七年歲次丁酉八月戊辰朔十五日壬  
午三清觀道士趙師通 小師趙准壽 鄉貢進士鄭  
時舉獻銘曰

金當鎔方柔而貞兮採摸堯氏踐踞虎形不湧不躍大  
器混成不曰鍾乎徒希其聲不曰鼎乎姑旌其名茲惟  
仰象告於神明動天之德也醮祭惟馨奚取夫罇相之

腥

禮部令史題名記

石二一橫廣二尺八寸一橫廣一尺高各一尺八寸  
四分共計三十八行行十七字至二十二字不等正  
書在京師  
法源寺

初大定乙酉歲既刻題名為諸部倡猶以不能備紀始  
末為未足至崔君頴士迺更刻石悉書鄉里官品與夫  
入部及出職歲月所以示君子仕進之難持已既廉從  
事既勤而又積日衆久無簿書文墨之失然後可以有  
立非徒記姓名銜階秩而已也夫仕宦窮達固繫時口  
口口在於自為者如何前刻謂今之責顯口口此出如  
諸君奚患不榮更在審其所以自為者勉之戊戌焯八  
月三日儒林郎國史院編修官武騎尉賜緋魚袋党懷  
口記

武略將軍崔頴士貫滄州大定八年五月到部正芝州  
軍判

武略將軍張瑩貫口州大定口年三月到部嵩州軍判  
昭信校尉鄭愿貫遂州大定十年十二月到部

張口貫濟南府大定十五年正月到部  
忠翊校尉李徵貫大興大定十五年五月到部沃州軍  
判

昭信校尉柴庭貫口口大定十六年八月到部宣德州  
軍判

石瑋貫口口大定十七年四月到部  
張範貫晉口大定十七年口月到部



忠翊校尉蘇賜賈口大定十七年八月到部

忠翊校尉傅愿口口口口口口口十七年九月到部

修武校尉王仲口口口口口口口十九年十一月到部

敦武校尉周口口口口口口口口口口口口口到部

敦武校尉王口口口口口口口口口口口口口到部

昭信校尉李口口口口口口口口口口口口口到部

敦武校尉李嗣温口口口口口口口大定二十一年九月到部

保義校尉石亨口口口口口口口口口口口口口到部

保義校尉口口

保義副尉口口口口口口口大定二十九年十月到部

進義校尉魏慎口貫延安府明昌元年三月到部

保義副尉王谷貫平州明昌元年三月到部

馬伯禎貫順州明昌元年三月到部

和僅貫蠡州明昌元年九月到部

保義副尉李浩然貫延安府明昌元年九月到部

口口貫口州明昌元年十月到部

口口口口州明昌二年六月到部

口口口口口明昌二年正月到部

口口口口口明昌二年五月到部

按金史百官志禮部令史十五人內文直五人譯

史二人通事一人此碑題名凡二十六人不見有女直譯史通事之別文云大定乙酉既刻題名至崔君穎士迺更刻石悉書鄉里官品與夫人部出職歲月今碑題名始於大定八年正是乙酉歲是合前後并刻也但所書止有到部年月並無出職歲月與記不同題名自大定八年至明昌三年而止凡二十五年此後不復續刻禮部官品止於主事其令史有官無品職亦卑矣乃刻石題名為諸部倡亦是勤于職業之一端然未見諸部有碑能仿而行之者獨此碑流傳於世亦可珍也党懷英作記歲在戊戌為大定十八年傳稱懷英字世傑馮翊人大定十年進士除汝陰縣尹國史館編修應奉翰林文字翰林待制兼同修國史能屬文工篆籀當時稱為第一据此碑結銜是尙未官待制時也題名諸人史俱無傳

重修漢太史公墓記

碑高一尺四寸廣二尺五分分二十一行行十五字正書在韓城縣

嘗考漢史司馬太史公生於龍門十歲誦古文二十而南遊江淮上會稽探禹穴窺九疑浮於沅湘北涉汶泗講業齊魯之都以觀孔子之遺風過梁楚以歸焉於是

遷仕爲郎中父沒三年而爲太史令乃述陶唐以來至于麟趾袖石室金匱之書據左氏國語采世本戰國策述楚漢春秋上協六經馳騁古今不虛美隱惡可謂命世之良才及其卒也葬於梁山之崗至今韓人享祀不絕惜乎時代歷久舊塚傾頽今春姚定乃率里人命工修復其意欲以光華文史之風激勵襄鄙之俗屬余爲記但以文荒才認爲愧堅不獲辭直書日月耳

特大定己亥清明後二日進士趙振記

稷山石匠王遇良琪 磚匠張立王正

化主任 道成 施栢樹伍拾根杜村張吉

開沽芝川酒場本縣韓樂坊姚定立石

水經注陶渠水又東南逕司馬子長墓北墓前有廟

廟前有碑永嘉四年漢陽太守殷濟瞻印遺文大其

功德遂建石室立碑樹桓太史公自序曰遷生龍門

是其墳墟所在矣攷陶渠卽芝川水今墓在水南俗

說云漢武帝于此得芝草改名也

關中金石記

按陝西通志太史公司馬遷墓在韓城縣南二十

里芝川鎮墓前有坡因號司馬坡西枕梁山東臨

大河氣勢雄闊古柏數十百皆蒼老如鐵懸於兩

崖作蛟龍狀邑令翟世祺築高砌以磚石層級而

上冢漸圯縣令康行個重修之而獨不載姚定重修之事姚定開沽芝川酒場無守土之責而尚賢崇古可謂賢矣碑立于己亥歲爲大定十九年

九陽鐘銘

鐘十二方橫廣二尺三四寸不等高各一尺八寸每方或七行至十三行字數七至十七各不等正書在

臨潼縣

臨潼縣令柴震題

鍾乃古樂制於聖人不石不播可扣可闔固將設之以

饗嘉賓固將奏之以和鬼神豈特於斯仍告朝昏

本觀先於元豐年官鑄九陽神鍾到今百有餘年今

蒙銅冶 宣差到觀爲見銅鍾破裂委官別行

鑄造永爲嘉用昔大金大定二十一年辛丑歲四月

十七日壬戌重鑄記

知庫田仲和

直茂馬仲口

監条口

尙座鄧仲弼

副觀王慶道

知靈泉觀事兼本縣監觀劉守冲

監觀道士馬景陽

助緣人等 姓名不錄

助緣道士 姓名不錄

本觀道士 姓名不錄

助緣人等 姓名不錄

保義校尉猛安千戶王明

昭信校尉猛安千戶劉昌

昭信校尉知事 景淵

忠武校尉府推官任企 口

少中大夫府判官郭元康

昭毅大將軍統軍判官耶律 口口

昭毅大將軍府少尹兵馬副都總管 口口 成

定遠大將軍同知府尹兵馬都總管 口口

陝西路統軍都監

尹本路兵馬都總管夾谷清臣

龍虎衛上將軍陝西路統軍使兼京兆規措銅冶鑄

錢所麻

宣差中大夫尚書吏部員外郎規措銅冶鑄錢所張

宣差朝散大夫尚書戶部郎中

轉運司都目官扈彥

孔目官 姓名不錄

押司官 姓名不錄

司吏 姓名不錄

樸陽縣金火匠程用男程彥

進義校尉商酒同監郭元貞

修武校尉商酒都監孫備

宣武將軍行縣尉李朮魯 口不

文林郎前主簿

委監鑄官耶律德

承信校尉行京兆府臨潼縣令使府差

昭毅大將軍支度判官孫 口口

奉訓大夫鹽鐵判官李必說

宣武將軍都勾判官劉仲仁

奉直大夫陝西東路轉運副使陳訥

明威將軍陝西東路轉運使高蘇

京兆府孔目官 姓名不錄

司吏 姓名不錄

本縣司吏 姓名不錄

高陵縣 姓名不錄

本縣助緣人 姓名不錄

臣佐

皇帝萬歲

千秋

臨潼縣九陽鐘銘縣令柴震所作淺陋無足觀周遭

刻官吏及助緣人姓名殆遍其最貴者曰宣差朝散

大夫尚書戶部郎中規措銅冶鑄錢所張曰宣差中

大夫尚書吏部員外郎規措銅冶鑄錢所麻曰龍虎

衛上將軍陝西路統軍使兼京兆尹本路兵馬都總

管夾谷清臣曰陝西路統軍都監曰定遠大將軍同

知府尹兵馬都總管李口曰昭毅大將軍府少尹兵

馬副都總管段成功曰昭毅大將軍統軍判官耶律

一里哥其餘不能悉數矣攷金史食貨志大定十二

年正月以銅少命尚書省遣使諸路規措銅貨能指

坑冶得實者賞十八年代州立監鑄錢命震武軍節

度使李天吉知保德軍事高季孫往監之而所鑄斑

駁黑澀不可用詔削天吉季孫官落職更命工部郎

中張大節吏部員外郎麻珪監鑄卽此鐘所列張麻

二人也史稱大節工部郎中此刻云吏部者益由工

部轉吏部耳

潛研堂金石文跋尾

按鐘在靈泉觀重鑄於大定二十一年前銘後記

皆臨潼縣令柴震所題次列觀中道職七人存其

姓名以後助緣人等四十八人助緣道士九人本

觀道士十五人又助緣人等七十八人姓名俱不

錄此後監鑄各官銜名十四人又火匠以上暨轉

運使銜名十二人其中孔目官五人押司官四人

司吏十九人京兆府孔目官五人司吏三十人本

縣司吏二十二人高陵縣五人又本縣助緣九人

姓名俱不錄

博州重修廟學記

碑高八尺五分廣四尺二寸二十九行行字數不等行書額題新修廟學之記六字篆書在東昌府學

博州重修廟學記

石硤王去非記

庭筠書

東平党懷英篆額

夫有國家者欲成長久之業建不拔之基莫大乎厚風

俗厚風俗之道莫大乎興學校蓋學校者教化所由出

也孟子曰夏曰校殷曰序周曰庠皆所以明人倫也此

之謂矣昔孔子欲行是道而不得其時乃修六經以詒

後人孔子既沒之後雖復揚墨于戰國火于秦佛老子

晉宋齊梁然其道揭日月卒使天下尊之以爲 先

聖白京師至郡縣成立廟學春秋釋奠與社稷通祀之

至今不能易者何耶蓋自暴秦之後二千有餘歲其間  
願治之君有能尊夫子而行其道者幼著于當年澤流  
于後裔故也略以近古治化最隆者明之漢唐之興莫  
不敦尚經術開設學校為先務而繼體承流者復能守  
而不失間得人如文翁常袞由是漢唐之風忠信廉耻  
庶幾三代及其季也先吏治而後德教政令因而失叙  
水旱緣以為災是時雖有外陵內侮之虞而國祚猶能  
綿綿不絕至于三四百年之久者豈非人被先王之澤  
情止乎禮義之效與即是以觀則崇學校以宣教化有  
國者不可緩也 本朝興太學于京師設祭酒司

業博士之員以作新人材又興天下府學州縣許以公  
府泉修治 文宣王廟舊有瞻學田產經兵火沒縣  
官者亦復給于學此 國家崇儒重道之意也州

縣能體 是意而奉行之不無其人而能如  
王公所居必興學見諸生以為政先出於中心之誠者

幾何人哉公由 太子司經來倅博州兼提舉廟學  
事既下車謁 宣聖廟是時惟大成殿始新而未完

餘屋皆敝塑像置平地土中 公因諸生侍坐而問  
其故有對者曰始徐大夫興崇廟學置瞻學之資逮兵

火廟學為灰爐天眷間趙大夫為學官以此地創建幾

於苟完今弊若此適太守完顏國公欲修崇之既口新  
大成殿俄去郡厥功是用弗集公聞而歎曰今不嗣續  
其功殆非體 上意而昭吾道也於是確乎以興

作為己任必欲凡所謂廟學者無一不具焉乃請於州  
賴 太守金吾劉公賢明樂善欣從其請於是正其

地而垣之廣袤伍畝有奇鳩材募工自大成殿始塗墍  
潤色役不踰時而制作粲然 宣聖之貌則取乎闕

里之像顏孟之容則法乎秘閣之本皆作藻井華蓋以  
尊嚴之升堂之像自袞而下繪壁之像自驚而下皆循

其禮制而飾之其贊則有唐名臣之文講堂雖仍舊增  
標以廣其制使寬而有容儀門復改作增土以高其基

使翼然其正從祀畫像之廡經籍祭器之庫隸業之館  
庖厨之室高下相對凡四十楹皆創建而一新之壯麗

宏敞合禮應圖以至塔序之布列垣墉之環繞水竇之  
溶治花木之栽植一一如式計其費無慮五百萬皆瞻

學之贏也原 公之意以為苟不如是徒有修學之  
名耳自非知教化之原惟在於學者其誰能之普漢之

文翁為蜀郡守乃選明敏有材者親自飾厲每行縣益  
從學官諸生明經飾行者與俱吏民榮之由是大化蜀  
地學比齊魯于時人材有至郡守刺史者唐之常袞由

宰相出福建觀察使治臨於粵至爲設鄉校民有能誦書作文辭者與爲客王鈞禮觀游燕饗與焉俗一變歲貢士與內州等十時歐陽詹獨秀出學既成舉進士登第與韓退之輩同中選謂之龍虎榜今 王公東漢

彦方之苗裔家聲赫奕文采風流則與文翁常衮不相上下若乃勸學則加於二人一等矣若二人止能待士以禮 王公又能課諸生以文獎其勤以勵其游尚

其能而勉其未至其肯承口講指畫爲文者皆有法度可觀推此則過於二人爲不妄博關號爲上州從來服儒冠道先王語登科者舉不乏人今又化 王公之

德將見豪傑之士應時所選比肩繼踵而出豈如蜀粵止稱文常所得人材而已哉去非耄矣無能爲也郡庠諸君屬之作記去非既嘉 王公之興學又感諸君

之知待不敢以鄙拙辭去非曰自徐公之守是邦當宋元豐戊十距 聖朝大定辛丑蓋百有餘年矣歷

官者不爲不多能推至誠興崇廟學者不可一二數是知漢唐之治數百年史稱文翁常衮興學校移風俗其美爲二人所專爲不妄噫 王公方宣 天子

崇儒重道之德意學者方嚮 王公之化風俗將益厚矣博人何其幸哉公名遵古字元仲好學守道天下

目爲遠東夫子其爲政也緣飾以儒雅故所口稱治云 學正晉紳 信武將軍口口州口候騎都尉高陽

縣開國男食邑三百戶 得中

金吾衛上將軍充博州防禦使上護軍彭城郡開國

侯食邑一千戶食實封壹伯戶劉 義 立石

碑陰

碑陰記文十四行行三十三五字不等 行書額題廟學碑陰之記六字縮文

熊岳王遵古記

博州廟學厥惟舊矣宋元豐間徐公爽以已俸置房廊

施於學以贍學者厥後值宋季兵火廟學被蕩學之故

基因擾攘間保聚爲縣署所占今聊城縣廨是也

聖朝天眷間學正祁彪始謀指射舊都監廨基以議

興建學錄尙戢輔之適趙公慤來爲教授公與之錄戮

力規畫以贍學之資郡人之施建版堂三間兩廡十六

間儀門三間門樓一間又塑宣聖顏孟三像既成廊中

既公格宅有舊十哲像施於學又繪七十二賢像於兩

廡亦可謂之苟完矣後十餘年防判趙紹祖與學正成

奉世創葺講堂三間至大定甲午歲防判馮子翼爲釋

奠行禮之隘以作新大殿請於州方委正錄晉紳路應

辰以贍學錢市材木築基址會太守完顏國公允節來

守是邦知諸生當此重任力不能勝乃假以力功未及成移守於清此數君子有權輿庠序者有分祿養賢者有富貴而好禮者宜專其美為不朽之傳而廣道諸儒歸功於僕蓋欲使後來者用心益勤將有大於是者遵古惟墮成是懼故孜孜然卒其事安敢有其功哉若夫教化流行風俗移易人識廉隅國興仁讓然後語其成功不負數君子之志僕亦以此仰望於後來者焉

大定辛丑季夏晦男庭筠書門人李穀篆額

齊西王世永模刊

東昌府學有三絕碑金大定間重脩文廟王去非撰

記党懷英篆額王庭筠書丹時號三絕山堂肆考

金王庭筠號黃華老人善寫梅書法沉頓雄快與南

宋諸老各行南北元初曠子山諸人不及也六研齋筆記

王庭筠在金與趙秉文党懷英輩同負書名而庭筠

酷似南宮此書是也攷是時庭筠父遵古實成廟學

事王去非記之而令庭筠書之故尤為得意篆額者

卽懷英也石壘錄

王去非三人俱有傳庭筠之父遵古時為博州倅以

興學自任而去非作記時年八十有一耄而能文亦

可稱也遵古字元仲好學守道當時稱遼東夫子官

至翰林直學士而庭筠傳中祇一見其名未免略矣廟學碑陰記遵古撰亦庭筠書而筆勢尤絕逸以古文篆題其額者遵古之門人李穀亦不減党承旨筆法也未行自題熊岳王遵古熊岳縣屬東京路之葢州故有遼東夫子之稱金史庭筠傳以為河東人誤

潛研堂金石文跋尾

按此碑正面王去非撰文稽之東昌府志已載入

學校卷中碑陰王遵古撰記府志不載東昌府宋

金時皆謂之博州聊城縣倚郭當時祇有一學州

縣合之故元豐間徐爽所建廟學其後淪為聊城

縣廨至金天眷間祁彪即舊都監廨重建今府學

是也碑云始徐大夫興崇廟學即謂徐爽不詳其

里居永樂舊府志稱其元豐中知博州捐資修學

校有惠政碑又稱趙大夫為學官趙大夫者名懋

時為教授碑又稱太守完顏國公者名允節又太

守金吾劉公者名義即碑末列銜者也碑陰王遵

古撰記遵古字元仲其子庭筠兩面碑文皆庭筠

所書庭筠時為恩州判官金史文藝傳云庭筠字

子端河東人中州集稱庭筠為熊岳人碑遵古自署亦作熊岳文亦稱遵古天下目為遼東夫子或

者金時之所謂河東與唐宋以晉陽爲河東者自  
別歟庭筠卒後章宗以御製詩賜其家其引云王  
遵古朕之故人也乃子庭筠又以才邊直禁林是  
王氏父子受知於章宗如此撰文之王去非無攷  
篆額者党懷英傳稱其爲馮翊人而此碑自署東  
平未詳





金石萃編卷一百五十六

賜進士出身 誥授光祿大夫刑部右侍郎加七級王昶謨

金三

重修中嶽廟碑

碑高一丈三尺九寸五分廣六尺四寸三十三行行七十字正書篆額在登封縣

大金重修中嶽廟碑

中憲大夫充翰林待 制同知 制誥上騎都尉江

夏縣開國子食邑五百戶賜紫金魚袋臣黃久約奉

敕撰

奉政大夫充翰林修撰同知 制誥兼 國史院編

修官驍騎尉賜緋魚袋臣郝史書

承直郎應奉翰林文字同知 制誥兼 國史院編

修官雲騎尉賜緋魚袋臣党懷英篆額

大定二十二年十月庚申以重修嵩山 中嶽廟成

未有紀述 制詔臣久約書其事于石臣學術荒蕪

實懼不克奉 詔然忝屬翰林以文字為職雖甚愚

陋其何敢辭於是承 命戰兢而書之臣聞五嶽在

宇宙間繇胚胎剖判之初鍾造化神秀之氣鎮壓厚地

莫安一方噴薄風雷蒸騰雲雨材用繇是乎出寶藏繇

是乎殖形勢巍然非它名山鉅鎮所可方擬若夫挺峻

極之狀著高大之稱據天地之中央得五行之正位差

幾岌業俯瞰河洛號眾山之英者惟嵩為然爰自書契

以來事跡靈口非一祝融降而啓夏申甫生而興周浮

丘公混俗以僑居王子晉得道而僊去自餘高真遊覽

元聖棲遲圖讎所傳不可殫舉維 神尸之聰明正

直克相 上帝保佑生民是宜歷代帝王靡不崇奉

凡巡狩四方往往款謁其下而封爵之隆所以褒大之

每有加而無替也舊有廟在東南嶺上年祀綿邈莫知

其經始之由魏大安中嘗徙于神蓋山唐開元間始改

口於此遭宋靖康兵革之難海內俶擾饑僅存瑋郡邑

凋殘寇盜充斥齊國建立創痍未瘳用兵不休賦役煩

重故伊維淮甸之間戶口蕭條為甚廟之基構僅存而

繕修不時上漏旁穿風雨霽剝翫歲愒日殆不能支歲

時祭奠牲酒寂寥鼓鐘不設 神弗顧享可勝嘆哉

皇朝混一區夏方隅辰寧解燒除苛政教清肅涵

養休息復見太平自爾公私獻功稍就完葺然積久弊

陋未足以稱 神之居且當 國家開拓之初地

大物眾經營締構不失先後緩急之宜顧與仆起築之

功力或未暇如有待者洪惟 主上纂明昌之緒題

熙洽之期蒐獵遺文禮樂備舉嚴奉 宗廟肇厘郊

丘懷柔百神無文威秩至於崇飾海內前代祠廟恒敬不忘况嶽瀆之在祀典有功烈于斯民者宜如何哉先是十四年秋九月 赦遣口人諭 指宰相諸嶽

廟久闕修治宜加增飾其選使馳傳遍詣檢視以聞明年使者復命即以諸應費材用工徒與夫百物之數具圖上之粵十月壬午乃有重修之 命且 詔有

司凡一夫之役一物之用悉從官給無得煩民仍寬與之期戒勿倉卒涉于不敬以稱所以事 神為民祈福之意維 中嶽口河南府登封縣之境內尚書省

廼以其事下於府二以是下之縣地官則以其費用屬本道轉運司出公帑之口合廟中前後供施餘利驗其

數以時給之冬官則以其夫匠均賦河南及附近諸郡發其騶馭役夫之羨卒闕或不足則募諸遊手之民墮

時之高下而優予其直以付本縣令臣張子夏監護役事又命同知河南尹事臣宋嗣明總治之誨日鳩工衆

作畢舉廟制規摹小大廣狹位置像設悉仍其舊無事改作視其棟楹椽楠之撓折朽敗者則徹易之垣墉階

凡之缺罅摧圯者則更築之髹形點聖藻繪之湯滅不鮮者則加飾之煥然一新窮壯極麗吏無遺力人不告

勞總為屋二百三十有八間其西齋廳以待每歲季夏

遣使祭祀之次舍不與焉始事於十六年四月丁未絕手於十八年六月戊子費錢以貫計之為一萬四千九百六十有四用力以工計之為四萬八千三百六十有二落成之日丁壯垂白執持香花遠口畢湊皆大知會不謀同辭咸謂物之廢興成敗自有數存乎其間殆有非人力所能致而致者夫以五十年日循委靡之弊一旦變為殊絕偉麗之觀匪夫遭時隆平 聖天子在位文明勤儉無為而成何以臻此嗚呼休哉昔漢武帝元封口嘗登口山從官吏卒咸聞呼萬歲者三流傳後世至今稱美矧 吾君壽考與山齊等永永無極其陰相之功又豈特區區徒見于祝願之間而已耶臣既序其本末以展歸美之報敢拜手稽首作為頌詩繫之于後頌曰

瞻彼崧高維嶽之雄穹窿隱嶙屹然地中奕奕 神宮

權輿東阪繇魏以來再徙寬衍上棟下宇揭虔安靈規模顯敞氣象崢嶸遭時否屯兵火饑饉天方厭難人不

堪命酒甓有闕黎頑弗支上雨旁風過者嗟咨大金受命恢闡疆宇煥休撫摩躋民口土 皇帝御極寢兵

措刑山川鬼神亦莫不寧維時 神宮久未邊邨

皇帝曰喜我心之惻迺諭近輔迺詔羣司去舊取新經

之營之母資民財毋勸民力一出於公訓其成式千柱  
眈眈萬口差差金鋪璇題輝映陸離落成之初四遠咸  
集峰巒增明雲煙改色邊豆在席笙鼓在庭 神之格  
思松風冷泠工祝無求施則甚厚雖不望報 神其敢  
後厥報維何篤生賢人左右 王室如甫如申  
天子萬年永宅口有巍巍堂堂如山之壽下臣獻頌以  
相工歌刻之豐碑萬世不磨

此碑正書方整遒勁書者名郝史不立傳亦無書名  
觀其結構王庭筠輩似不及也党懷英號爲能書乃  
任篆額不任書知郝書在當時亦自知名碑立于大  
定中與博州碑同時世宗勵精政事頗稱太平故以

其暇得修祀事耳 石壘  
鐫華

此碑與宋盧多遜王曾陳知微碑體制豐崇相等今  
列立於崇聖門外左右各二人呼四狀元碑內銜名  
俱翰林官兼騎尉文臣兼領武職附紀以備官制之

考說  
嵩

碑述大定重修中嶽廟始於十六年四月丁未絕手  
於十八年六月戊子二十二年十月庚申制詔臣久  
約書其事于石按黃父約字彌大東平須城人也金  
史有傳稱其雋朗敢言性友弟爲文典瞻云碑作郝

金石錄卷一百一十五 新刊 金

史書尙可識而庚子銷夏記云書者止云目郝不著  
其名石又完好非泐也蓋未諦視之党懷英金史有  
傳稱其工篆籀當時爲第一童鈺河南府志云中嶽  
廟按唐韋行儉廟記云魏徙廟于嶽之東南卽黃久  
約所謂舊有廟在東南嶺上者也行儉謂元魏徙廟  
而黃以爲莫知其經始記文偶疏耳至黃謂魏大安  
徙于神蓋山葦則不及合觀二記則元魏兩徙廟也  
初徙于東南嶺上又徙于神蓋山所謂東嶺者今廟  
東南玉案峯也所謂神蓋山者今廟東黃蓋峯也又  
峻極中峯上傳爲元魏中嶽廟遺趾是又曾建廟山  
上矣童珏字二樹山陰人所修方志與核可觀近今

著述之善者 中州金  
石記

靈巖寺滌公開堂疏

碑高七尺四寸廣三尺六寸十三行行三十  
一字正書額題開堂疏三字篆書在長清縣

僧義瑄書

左平章政事

今請

滌公 長老住持濟南府十方靈巖禪寺爲

國焚修開堂演法祝嚴

聖壽者

二二

口曰達磨不西來孰能薦祖盧公既南度始見分枝雖無毫髮示人要在承風孔說例開法施各踞名坊厥有濟南靈巖佛寺利洽鄒齊襟吞兗魯二百年叢林浩浩三千里香火憧憧飛關蓮宮粹容金界不期偉匠焉振宏綱伏惟

滌公 長老守文三代接武四禪歷歷下之機緣續方山之勝蹟遂使白蓮真蹟無根而鬱鬱騰芳青社餘光不鏡而綿綿照世正好高提祖印獨步大方祝

吾皇萬載之昌圖繼古佛一乘之慧壽謹疏

大定二十三年九月 日疏

金紫光祿大夫平章政事宗國公蒲察通

山門知客僧宗秀道璘立石

右碑額題開堂疏三字橫列徑四寸前列左平章政事末題大定二十三年九月空日不書中鈐平章政事印最後題金紫光祿大夫平章政事宗國公蒲察通名案金史世宗紀大定二十一年三月尚書左丞蒲察通為平章政事二十三年十一月丙寅平章政事蒲察通罷據此疏左平章政事即左丞也通居此官為宰相之貳故當時亦云左平章政事矣始請滌公在二十三年三月之前及疏文立石實為二十三

年故前云左平章政事後書平章政事官序可案如

此通本傳大定十七年拜尚書右丞轉左丞閱三歲

進平章政事封任國公百官志封號小國三十內有

萊云舊為宗以避諱改據是則通封宗國其後當避

睿宗諱易號任國史本此書之耳

山左金石志

按靈巖寺有皇統九年寶公開堂疏請看為濟南

府尹此疏為左平章政事所請則其禮愈隆矣月

日中間有印方二寸五分文曰平章政事之印亦

與寶公疏之用濟南府印者同例文云祝嚴聖壽

他碑皆云祝延聖壽殆以音近而通用耶末署平

章政事不加左字與首行異金史蒲察通傳但云

進平章政事不加左字百官志尚書省尚書令一

員左丞相右丞相各一員平章政事二員亦無左

右字然平章政事既有二員自應分左右與左右

二丞相分列碑之前有左字者可據也

華州城隍神新廟碑

碑連額高七尺五寸廣二尺九寸五分二十五行行五十六字正書篆額在華陰縣城隍廟

華州城隍神濟安侯新廟記

鄉貢進士張建謹記

鄉貢進士蔚口篆額并書

嗚呼唐室之表也豈一朝一夕而然哉其所由來者漸矣自安史之亂置軍節度而號爲方鎮鎮之大者連州十餘小者猶兼三四故兵驕則口口而自立帥疆則叛上而不朝魏博鎮冀奮臂而唱於前淄青澤潞躡跡而和於後皆互相表署合從連衡欲效戰國肱髀相依以土地傳子孫口口稅爲私有天子不問有司不呵舍育貨忍百有餘年以爲後世子孫背脅疽根此大懼貞元所以守邦也乾寧三年鳳翔李茂貞以兵犯京師口口將奔太原次渭北華州刺史韓建遣其子允請天子幸華州昭宗畏僞復欲如鄭建追及昭宗於富平泣而言曰藩臣僭疆非止茂貞若捨近口口巡極塞車駕渡河不可復矣昭宗亦泣遂幸華州時天子孤弱獨有殿後軍及定州三都將李筠等兵千餘人爲衛以諸王將之建已得昭宗口口制之因請罷諸王將兵散去殿後諸軍昭宗難之建自率精兵數千圍行宮以謀請誅李筠以清君側昭宗不得已遽斬筠以謝迺悉散殿後口口都衛兵幽諸王於十六宅建又使中尉劉季述誣諸王謀反以兵圍十六宅諸王皆登屋號呼遂皆見殺是夜建袖劔詣行宮將及御幄有神口口御幄旁厲聲叱曰汝陳許間一卒爾蒙天子厚恩至此輒敢爲弑逆事乎

建蒼惶而退亦莫知爲誰明日物色訪之廼華之城隍神也昭宗亦口口遂徙其神於行宮明年八月己未車駕還京師甲子御端門肆赦改元光化以華州爲興德府封城隍神爲濟安侯遭五季亂離典籍廢滅史逸口口事而不傳然華之父老至今能言之而言之未嘗不流涕也當是時王珂鎮河中羅紹威鎮魏博趙匡凝鎮河陽朱全忠鎮汴梁李克用鎮太原口口行密鎮淮南李仁福鎮靈夏錢鏐鎮吳越皆能踰虎踞垂涎舐掌幸時之亂以飽其欲曾不能遣偏裨將率老弱兵爲勤王衛社稷之計乎今此神口口縛草傅泥彩色外飾假以成像尙能赫怒奮威呵叱不祥拯天子於至危極難中以此知當時藩鎮大臣皆土木之不若也蒼天蒼天此何人哉口口何心哉自五代歷宋以行宮爲太守之署迄今因之署之東北其祠在焉大定甲午太守完顏公口晝錦是邦每布政之暇常憫此祠處于隘口百姓朔望奠酌艱於出入而葺飾不繼棲瓦朽落貌像黯昏神雖不言若有所待公屢出言如有財力之士而能遷建增廣者許之州人張鐸口口楊林暨前道正韋道機聚父老而謀曰吾鄉雖屢遭兵革殘毀之甚口口而不被弑逆之名者賴此神之力也盍遷其廟於外以便祀享衆允其請

口口得爽塏地於子城之東南隅正當向拱揖佑德之觀且其神明得所安焉遂平其坳垤以基以築百堵既興寢殿斯構迺立高門高門有開口口乙未五月旦日以牲幣告神而遷于新廟禮也於是輦石北山募而碑之求文於僕以紀神之英烈且俾後世亂臣賊子聞之有所戒懼焉吾口口之父老篤於忠義不忘我侯濟安之德既已記其營建之始又為作迎享送神之詩以遺華人俾歲時歌以祀焉其辭曰

聰明正直兮惟神之德矯誣竊攘兮惟神是殛謂唐室之襄兮神猶主乎山川謂唐民之匱兮神尚歆乎血食何凶悍之難制兮敢乘幾而肆逆口震怒兮威聲雷吼彼姦孽兮掩耳而走主雖弱兮時獲載寧城雖危兮民得固守華之父老兮至今思之念昔艱難兮悲歌涕洟感神之德兮家口而戶奠蒼神之休兮秋嘗以春祠薦肴蔬兮川玉井之芳蓮進酒醴兮挹渭水之清瀾神之來兮旒綵霞翻神之醉兮瓊舞風旋父老兮欣欣偃口兮拜神願神兮無斃降福兮孔均日將暮兮神事歸風蕭颯兮雨霏微爾公田兮及我私望有年兮其庶幾  
大定二十四年十月初一日里人張瑀立石

刊石王口

按碑敘乾寧三年李茂貞犯京師韓建請昭宗幸華州語與唐書本紀合以下敘建誅李筠散殿後軍圍十六王宅殺諸王是夜建袖劍詣行宮將及御幄有神厲聲叱退明日訪之迺華之城隍神云云本紀書於乾寧四年而於城隍神之事略焉五代史韓建傳載其父叔豐謂建語與城隍神叱退之語略同殆儒者不諱怪之竟碑於此段失書四年二字下文遂云明年八月己未車駕還京師甲子改元光化以華州為興德府封城隍神為濟安侯所謂明年者似三年之明年則四年矣碑誤也改元光化是五年八月事升興德府據唐書地理志實是四年事碑蓋牽連書於改元之後未分晰耳升府與封神自是一時之事升府既在四年則封神亦在四年亦為碑所牽連也然升州為府本紀四年不書至光化元年八月壬戌書至自華州此下乃紀改元事設使華州已升為府則紀當云王自興德府矣此事雖碑誤而紀與志亦不能無疑因附識之碑文作於乙未為大定十五年其立石則在二十四年濟安侯廟碑唐光化二年別有李巨川撰文柳懷素正書王弇州顧亭林朱竹垞諸家皆有跋惜搨本未備附識之

同官縣靈泉觀記

碑高八尺二分廣三尺三寸文刻碑之下載三十行行五十五字正書篆額在同官縣

華原竹溪散人楊峻撰

邑士劉利賓篆額

月山鄉貢進士劉光書

粵以元璞未分竊冥而含五太淵宗至寂恍惚而蕙二神雖萬強名難窮妙體上無復祖惟我是身在乎太初太易之前生乎無象無形之內塵劫雖環亘古常存分清濁而厚乾坤運化育而誕景曜允為萬烝之祖宏闢眾妙之門鑽仰而彌高弥堅究詰而至靈至妙孰知空洞而內隱別體寧測太無而中蘊至真肇自公孫黃帝之登極也以道化天下志洞清虛心傾妙有感西王母而降駕授帝玉像元始天尊帝置宮中道觀之上辰夕朝謁然官觀之号繇黃帝之始也厥後漢唐仙宮道觀碁布天下去縣之北僅二里餘有靈泉觀者豈岱宗之行宮鎮銅川之福地形勢雄壯殿宇崢嶸西腋嶺峰之雲崑翠侵戶牖東瞰漆水之煙浪潤徹軒楹南面孤祠暮雨猶孟姜之泣淚北覬神水鹿苑隱梵僧之譯經周迴顧盼嵐光堆裏松蘿影中霞闕連雲重樓聳漢誠一方之奇觀也政和初道士口景安迺元魏天師謙之苗

裔醱厥塵網栖心物表飄然而至此忻然曰吾願真之地也未迨再葺創營北極殿于西崑之上日以焚修為事逮四十餘載而羽化師法眷孫党存信繼而住持性頗敦厚心尚恬澹言論朴直授伏魔錄戒律嚴肅擬碧潭之明月清無纖翳駢邪療病應猶谷聲孳切扶耄以求救治獲痊愈者不為數矣由是父老莫不欽慕其行業暨召齋醮遠邇雲集迄大定初 王師南征軍須置乏許進納以賜官觀名額法師喜曰斯廟雖勝東嶽聖帝之廟名然非 朝廷允賜竊觀廟有甘泉疫癘者飲之輒愈老目之曰靈泉不若具厥事跡陳告儻得一領茲亘古亘今之難遇也諸道友咸憚其說法師遂以狀聞 省部迨于 勅下賜今名額

法師欣然曰况吾教中立觀度人取為鴻因今契吾昔宿之志矣由是萌心營葺鳩工市木創建三清殿重修岱嶽殿炳靈公殿嘉應侯殿西齋王殿法堂三門客廳廊廡廚庫寮房咸整嚴備墀像繪壁尤極臻妙若斯經營三十餘載厥工告畢參差殿閣瓦砌鴛鴦而凝煙屈曲廊廡堦甃瑰潔而晃日重門啓鑰風光凝壺中之洞天危檻橫虹眼界擬海面之閬苑莓苔徑辟蔓繡墻曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素

曉捲珠簾聳天峰蘸揉藍之碧夜涼玉宇和月泉飛素



練之寒雖曰華胥未易過也法師曰生平之願足矣或曰大道無形上真非象胡為勞役形神而事土木之工耶師荅曰道雖無形無形莫宏其道真雖非象非象奚彰其真雖微妙而差別終有無以相依管黃帝睿聖聰哲尙事玉象于道觀之上余何人哉安敢不營葺觀宇欽事真聖哉至大定歲次大荒落師春秋七十有五八月十五日而羽化門人有二長曰李冲虛次曰党冲惠孫前管内威儀裴宗微小師党冲惠謂余曰本觀爰古嶽祠不知元起何代也先師住持垂逮三紀晝不暇餐夕不暇寐罄竭囊軀專事經營暨于完就然厥勤勞固非一朝一夕矣况本觀額名雖荷 宸恩所賚非先師亦不克得也冲惠雖不肖濫叨冠裳夙管追省誠愿先師平替之勤績湮滅于千載之下存恐後世罔知創資觀額之由煩公為我記之刊于翠嚳庶俾後人知本觀肇起之根因耳余辭曰峻沮濱布衣假使有倚馬之才難免雌黃不若求文于權輿雖匪吐鳳之句褒踰金玉冲惠曰此聳警之識見况文章天下之公論幸公勿辭僕不獲已勉書記銘曰

至道希夷塵精一炁視聽無形生先象帝寔侶淵宗塵知誰子難窮難詰強名強字宏屢妙門溥育羣彙昭明

兎烏最負天地中誕人居上豎君治逮于軒皇洞究至理格彼羸文密授奧旨玉像欽崇道觀肇起宮闕葺修秦漢奢熾黃冠党公紫府傑士佩籙捧符誠妖剪崇德服者艾行播遠邇殿宇經營囊笥捐棄聳雲樓臺見日金翠福鎮銅口雄莅漆水皇恩優渥實領頒賜勤勤一身住持三紀道懋元因遇書銘記萬載千春永播休美武義將軍行耀州同官縣主簿兼縣尉飛騎尉李拱宣威將軍行耀州同官縣令上騎都尉汝南縣開國子食邑五百戶周允中

大定二十五年歲次乙巳重陽日住持觀事法錄道

士党冲惠立石 汾水高宇刻

右碑兩截上截即刻三年牒文下截刻此記文甚華

贍字法亦似稽虞金人碑刻之最佳者 關中金石記

按陝西通志靈泉觀在同官縣治北崖下有靈泉

飲之已疾禱之能雨因以名觀碑云靈泉觀者寔

岱宗之行宮鎮銅川之福地東瞰漆水之煙浪南

面孤祠暮雨猶孟姜之泣淚云云通志載岱岳廟

在同官縣北二里金山之麓金山在縣西北三里

有姜女祠靈泉在山之西麓自石罅中湧出旱禱

有應銅川即銅官川一名同水在縣東北一里西

南流合漆水入耀州界漆水在縣東北五十里以地多漆木而名其水善溢甚為邑患南面孤祠者

謂孟姜女廟也廟在金山巖下

淳化縣重修岱嶽廟記

碑高六尺八寸廣二尺六寸五分分二十三行行六十七字正書在淳化縣

邠州淳化縣重修岱嶽廟記

武義將軍行邠州淳化縣尉飛騎尉劉景山篆額

夫太極初分兩儀肇判萃爾精英之秀為乎山岳之靈

嶽之最尊首稱於岱鎮彼兗州之域巖巖然魯邦所瞻位

居五嶽之伯號美上天之孫不歆季氏之旅祭豈假秦

皇之升封掌人倫之摠籍主生死之權輿言其神則微

妙無方變通莫測繫人之吉凶禍福有感必至應如影

響焉言其體則峩峩崇崇風雲會聚雷雨蒸騰扶持造

化茲為地之德也爰自歷代以來封崇旌顯表其神異

者莫越是嶽乎管虞舜之為君也望于山川徧于羣神

歲二月東巡守至於岱宗柴夏禹之時別九州也莫高

山大川九山刊旅唐錫元圭告厥成功焉周之受命也

武王既定天下載戰千戈載橐弓矢歌時邁之詩至于

方岳之下告□□□大漢之興武帝放古巡守之事

薦禮百神封泰山禪梁父以刻石紀功焉頌於詩載於

書編於史傳皆帝王之休功茂烈丕著莫不率由舊章

嚴修祀禮稽周禮大宗□□□祭用牲用騶大司樂

廼奏蕤賓謠函鍾舞大夏所以傾鬼神也故得陰陽和

風雨時五穀熟草木茂禽獸蕃財用於是出焉寶藏於

是央焉無一物不資其生成無一口□□□育者也

洪惟 聖朝奄有四海 懷柔百神 保社稷

等山河之固 任公卿法台岳之靈以增修於□□

□□□於諸祥惟 嶽瀆之神載於祀典者艷邑官

屬歲時祭饗夫淳化為邑在城之東北依山之險舊崔

府君祠後人易為東嶽廟歲月浸久楹欹棟榱瓦墮壁

摧聖□□□□下濕殆將顛仆真可歎惜加之基址

褊隘人皆相與非稱事神之所有邑人郭浹等廼啓願

言化到市民曹成曹珪□□□已業稅地周圍坎畝零

在於舊廟之□□□□奠塋之區復葺是廟繪塑結構

累年於茲猶未畢備至大定癸卯之夏也 太谷白

公來宰是邑下車之始敬謁 祠下遂親修葺之事

勸諭工師莫肯怠墮繼□□□亢旱率其僚佐精意以

禱神神歆其誠屢降膏澤或肯之疫癘民之疾疹復致

哀禱即獲康愈公之用心益加嚴奉庶幾變凶歎為豐

穰變愁嘆為權謠豈惟一方之民得□□□之祐助抑

亦百里之內蒙 公之庇廕今廟也殿宇宏麗門墉

崢嶸碧瓦煥日雕甍飛空體辰極之正位名蓬元之洞

天迴環廊廡二百餘椽繪畫神靈七十四案既□□

革故無兩制以風披神之燕喜以來寧人皆鼓舞而瞻

仰嗚呼天下之事言之易為之難作之於始者易廢而

復興者難是廟起於將廢作之於難為甚可慶也與人

□□□是宜刻之琬瓊傳之永久來請於僕欲紀其

實愚固鄙陋上不能發揚 公之美事下不足副眾

意之懇求安上義不獲已謹述此廟之廢興而為之詞

以遺其民使□□□祀神其詞曰

岱嶽巖巖 萬古尊嚴 于天駿極 為國具瞻 丘

墟雲雨 主宰蒸黔 靈鑒昭格 害盈福謙 於皇

時周 □□□詎 哀時之對 來朝諸侯 魯僖之

世 秩祀嘗修 霈然徧雨 協氣橫流 漢武欽崇

歲至元封 王母親降 圖受真容 唐翼在位

稱其岱宗 天齊為聖 美號穹隆 梨園舊址 □

□□矣 仲山之陰 古廟頽毀 邑人二三 有汾

陽氏 豈憚艱難 神宮載徙 干彼高崗 莫此一

方 培坳錐凸 補陋蕪荒 繡葺畫楹 廣殿長廊

繕飾未備 屢換星霜 粵有白宰 □□靈祠

因歲早曠 憂民阻飢 用伸懇禱 甘露應期 勿

黍芡稌 如京如坻 公之推誠 喜是經營 廟負

奕奕 民皆樂成 有餉既馨 有酒既清 薄莫匪

報 于心震驚 神之來速 聲口應谷 神之聆鑒

民之為福 災害不生 豐登屢卜 文賴神功

誰不祇肅

大金大定二十七年歲次丁未三月二十八日建

進義校尉可淳化縣商酒同監張居信口報劉松

修武校尉可淳化縣商酒都監李紹先口報劉馬

典史馮翊 怨希 董或 魏晃 張慶 福宜

馬選 張唐 傅祐 助緣 張德 張庚 孫錦 霍沂 楊輝

將仕郎邠州淳化縣主簿斜卯劉家

朝散大夫行邠州淳化縣令騎都尉南陽縣開國男

食邑三百戶賜紫金魚袋白偉立石

按岱岳廟在淳化縣北二里高岡上其山名壽峯

山或謂即甘泉賦所云三巒山也今俗呼為三楞

山文選甘泉賦服虔注椽巒為甘泉南山又李善

云三巒即封巒觀疑椽巒為三楞山而三巒為觀

名也今封巒觀已無攷或後人即其址為崔府君

祠久之又易為東嶽廟也碑於年月後列銜一日

進義校尉淳化縣商酒同監一日修武校尉淳化

縣商酒都監金史百官志酒使之官使從六品副  
使正七品掌監知人戶醞造麴蘖辦課以佐國用  
都監正八品掌簽署文簿檢視醞造凡京都及真  
定皆爲都麴酒使司它處置酒使司課及十萬貫  
以上者設使副小都監各一員五萬貫以上者設  
使副各一員一萬貫以上者設使及都監各一員  
不及一萬貫者爲院務設都監同監各一員不及  
千貫之院務止設都監一員此碑有都監同監當  
是及一萬貫者矣然謂之商酒則史志所無又  
攷官階之制武散官正九品下曰進義校尉從八  
品上曰修武校尉今淳化縣都監用從八品階同  
監用正九品階亦史志所未詳也碑書寶藏於是  
央焉央是興之省筆俗書蓋昉於此

蓮峯真逸詩刻

石高一尺四寸廣二尺八寸詩九行行十字跋  
十三行行十六字二十二字不等行書在薊州

興慶池

華萼樓傾有故基路人空讀火餘碑可憐興慶池邊月

曾伴寧王玉笛吹

家集甲  
伴作照

李氏園

央央冰泉漱竹籬一林寒玉鏤煙霏青裙白髮人何處

閑殺南樓冷翠微

故大理丞喬君先生以文章起家迹其德業宜有後  
者也正隆之亂丞蒲邑保全一城關陝至今稱之京  
兆所留題咏雖一時游戲然今日運會有足奇者  
先生仙去十年於茲其子德容以戶曹來光遺跡公  
餘搜訪得數絕句命刻之石豈特使芝蘭久而益芳  
圭璧久而益貴將見苗田構室不負所托矣天祿鄉  
里晚進嘗接餘論方漫令長安此一段因緣喜與德  
容共之不揆狂斐於是乎書大定戊申正月上沐古  
唐申天祿跋

此口得之錄事口口明昌七年二月因府衙委錄事

司口整興慶流杯亭以此石置之壁間錄事馬釗錄

判馬祥記

右蓮峯真逸興慶池李氏園二絕句喬君名辰字君

章洪洞人元裕之中州集稱其詩樂府俱有名然所  
錄詩止一篇又不著其歷官本末據此刻知喬君官

至大理丞正隆之亂丞蒲邑保全一城可補中州集  
之闕矣喬德容當爲京兆戶曹中州集亦未載戊申  
蓋大定紀元之二十八年上沐猶言上辭也申天祿  
時爲長安令

酒研堂金  
石文跋尾

按中州集稱喬辰字君章初名逢辰洪洞人天德三年進士所載詩祇凌虛堂五律一首碑所刻二絕句俱闕焉詩後申天祿跋云正隆之亂丞蒲邑保全一城關陝至今稱之蓋自登進士至此越十一年矣金史海陵紀正隆六年六月備法駕入于南京九月上自將三十二總管兵伐宋命河中尹徒單合嘉為西蜀道行營兵馬都統制平陽尹張中彥副之由鳳翔取散關駐軍以俟後命十月宋人攻秦州臘家城德順州克之申跋所謂蒲邑一城保全者殆卽此時事也申跋作於大定戊申云先生仙去十年于茲則喬辰之卒在大定戊戌距正隆之亂又十六年其子德容名字中州集稱其八歲能鼓琴名入東宮顯宗稱其不凡大定十六年登科貞祐初為益都按察轉運使與田涿器之俱歿兵間顯宗者太宗之子楚王允迪大定二年五月壬寅立為皇太子二十五年六月庚申薨二十九年正月世宗崩章宗卽位二月癸亥追尊為皇帝廟號顯宗德容名入東宮約略在大定七八年德容時年八歲則其生在大定初年當申天祿作跋時德容以戶曹來京先是登科後十二年自

戊申後越二十五年為貞祐初其時德容官益都按察遂遇兵難計其年可五十五六矣此碑移置流杯亭壁在明昌七年二月是作跋後九年不知德容是時居何官也明昌無七年是年十一月始改元承安故二月仍得稱七年洪洞喬氏父有功於蒲邑子被難於兵間兩世忠貞久無傳述金史既不為立傳省志又不詳事蹟賴中州集略述其父子而尤賴此碑之存與中州集參攷得其大槩備載於此俾作志者或有取焉

雲寂院鐘款

鐘不知大幾許分上下或書每敲界為八區上敲每區一字下敲書勸緣監儲及與僧諸人姓名正書在淳化縣

皇帝萬歲臣佐千秋

大定二十九年十月十七日雲寂院住持僧道演

都會首沙門僧守彥

勸緣眾法口僧義達 義遠 守進 守嚴

講經論沙門僧守固

講經論沙門尊宿僧守一

鑄鐘大鑑富平縣名村劉閏 劉信 寇榮

同監女口烈查刺

奔界都監大珪

忠翊校尉淳化縣商酒都監郭彬

口武將軍淳化縣尉義騎尉叻古信年

登仕郎淳化縣主簿干邦達

顯武將軍縣令騎都尉路豐縣開國男食三伯戶楊

定

按雲寂院今謂之雲寂寺在邠州淳化縣西南一

里陝西通志不詳其興建始末此鐘鑄於大定二

十九年而院之創始亦無攷款列住持僧以上至

淳化縣令止凡十七人姑存其姓名內有鑄鐘大

鑑富平縣名村劉閻留字不可識此後周刻男

女姓名一百三十餘人大都皆助緣人今皆不錄

然其中村名有曰崇德村李譚空村盈倉村口保

村口泉村甘村車馬村安樂村俱口村西甘村巨

店東控村百家谷砦村小禮社東草市賀莊村

孟墩村秋社村四泉村西陽口屯莊北步昌東甘

皆金時村庄之名可資志乘攷證者識此以備採



金石萃編卷一百五十七

賜進士出身 誥授光祿大夫刑部右侍郎加七級王昶撰

金四

三官宮存留公據碑

石高三尺九寸廣二尺三寸四分上截公據十九行  
下截記二十三行每行字數十六至十九二十餘不  
等正書在  
高陵縣

三官宮奉聖旨存留公據之碑

京兆府

□□□ 尚書禮部□節□承

都省劄□備奉

聖旨楊□制□後創造到□名額寺觀者□是尽行□

□仍令除去緣其間有□繪塑□佛容像□不忍除毀

特許存留其創造罪名□與免放若今□有犯本人科

違

制司縣中知□不□依制斷□仍並解見□□委司縣

正官一員遍詣應有寺觀神祠等處一一躬親點檢如

係自□□□塑繪□神佛容像□□所□官并司縣先

□□□具申州府令司縣并僧道□及州府□□□籍

仍從各州府排立字號□□□簽印□合同公據賣付

住持寺觀人等□執并造一般合同文簿申覆使府備

坐□□隨處遵依委官點檢施行去後據申到事因除  
別外□管□司縣數內高陵縣奉政坊

三官宮內□□□□

右今出給公據付□□□□□□□□□□執照大定二十年

十一月 日

使

茲者三官宮元在官道之西起自唐宋迄今數百餘年

累□兵火殿像俱廢至 皇統甲子有村人馬志買到

上件地基及員與邵顯亦捨已地方得完備與眾社人

同議徙於此處修蓋堂宇聖像一口幸而繼□ 大

定庚子使府降到 聖旨存留公據□慮年深片

紙湮沒遂刻金石傳之永久皆明昌二年八月一日崆

峒趙□□記今具社人于右下有社人姓名不錄

按高陵縣三官宮今已無攷但存此碑金史世宗

紀大定十八年三月己酉禁民間無得剏興寺觀

此碑所云奉聖旨嗣後創造到無名額寺觀者盡

行除去即此事也碑又云有繪塑佛容像不忍除

毀特許存留創造罪名並與免放是以禮部出給

公據執照稽之史志不得其詳公據降到大定

二十年越十二年為明昌一年而後立碑年月後



有社人姓名五十餘人今不錄內有助緣者曰塑

三官人曰粧三官人當時粧塑蓋分二事也又有

龔與姓名龔姓不見於史惟華陽國志昌寧大姓

有龔習蜀錄有交州刺史龔深此龔與或即其苗

裔歟

高曼卿增修宣聖廟記

石高五尺廣三尺八寸十一行二十五字正書在曲阜孔廟

僕鄉為令長山被檄泰安嘗謁

宣聖廟歷觀前人碑志自漢魏以來代無不修其舊制

稍隘未足以副天下之望茲者

朝廷右文命開州刺史 高公曼卿特為增葺凡弊者

新之狹者廣之下者高之舊所無者創之莫不曲盡其

善僕與公有一日之雅喜而謂曰公為吾儒獲膺此委

而能大其規模俾雄麗如此可謂無負矣明昌辛亥復

因奠拜過此安陽赫煇十月二十有七日題

武亭鐘款

款共六方各橫廣二尺七寸高二尺二寸或四行或六行八行至十行行或四字至十六字不等正書在

乾州

皇帝萬歲臣佐千秋國泰民安法輪常轉

尚書禮部牒

牒奉

勅可口

勅故牒

金明昌叁年柒月 日令史向昇 主事安口口權

郎

中憲大夫行員外郎口

宣威將軍郎中耶律

侍 郎

奉政大夫禮部尚書兼翰林學士承旨知制誥修國

史王

鄜州鄜城縣陽務村鑄鐘大口

維大金國歲次明昌叁年壬子二月癸卯初一日甲

戌 記

陝西京兆府路乾州武亭縣界崇教禪院

先住持祖師僧口口先師僧口照

翻建屋舍聖像鑄鐘都會首住持沙門僧

崇教禪院本在武功于金為武亭縣是鐘于康熙中

出自河畔時巡撫某公方修薦福寺因載歸焉鐘後

有尚書禮部牒文 關中金石記

按陝西通志崇教禪院一名慈德寺在乾州武功

縣治南卽唐慶善宮故址金大定十六年修勅賜  
崇教禪院今據鐘款前刻明昌三年禮部勅牒則  
崇教之賜額在明昌三年或修院在大定十六年  
也鐘刻破地獄真言寶樓閣真言大明六字神咒  
及助緣三十餘人姓名今俱不錄

高陵縣張公去思碑

碑連額高七尺八寸廣三尺一寸五分  
二十行行四十九字正書在高陵縣

大金京兆府高陵縣令張公去思之碑

將仕郎充書畫局直長張建撰

文林郎楊庭秀書

隴西李居中篆額

太史公序循吏傳曰奉法循理之吏不伐功不矜能百  
姓無稱亦無過行子始疑其說以謂循良之吏必有赫  
赫之名著人之耳目或號霹靂手或號神明政而曰百  
姓無稱何也豈不以循理之吏不求近功有愛民之誠  
心使民陰受其賜歲月既久民知其愛已故思之無已  
非若沽名釣譽之徒內有所不足急於人聞而專苛察  
督責以祈當世之知求其愛民之誠心則蔑如也久之  
情態俱露詢亦隨之是以民視吏之去如越人之視秦  
人肥瘠了不加意斯人也烏足謂循理之吏乎故吏之

良者不伐其功人所以高其功不矜其能人所以稱其  
能及受代之後人思其德繪其像而事之此其所以謂  
之良吏也口川張翺字子翔博學有才識著名於時大  
定十三年登進士第釋褐授單州軍事判官尋遷狄道  
高陵北海三縣令東京留守推官今爲解鹽副使自公  
之去高陵也既更三政矣而民猶念之豈非有愛民之  
誠心教之以孝悌廉恥不爲鈞距詭異之行雖嘗加刑  
責者亦服其義而稱頌之初公之莅職於是也有訴其  
男毀奪女娣之粧奩者公以子之長幼妻之前後諭之  
其口悔悟而去有妯娌不睦日相詬訾聲徹縣署者公  
遣女婢以義責之其人慚而止三莠之間所斷訟獄不  
啻數千百使人修省改過皆此類也歲或亢旱公爲之  
焚禱無不感應士或憤學公爲之誨諭無不勸勵今口  
口口爽谷公尹京兆暨陝西路提刑使栢德公同尹日  
凡幕職有關必委公權行其事非廉能夙著何以致此  
公解職之明年 朝廷遣使廉問備得公善政之  
詳不數歲三遷其職任邑人曹璋率諸父老繪公之像  
構祠堂而事之朝夕瞻望而不忘其德如周人勿剪甘  
棠而思召公也明昌五年春友人王彥達赴試來  
京師丐文於予口口口之政予曰昔子產爲政三年而

人歌之孔子所以謂古之遺愛者以其久而不忘也今張君去職八年而人尙思之是亦口之遺愛也予既嘉張公之善政且喜高陸之民不忘公之德故系之以銘

曰 猗歟張公 治適厥中 人樂其政 不自爲功 其

功不有 積而愈厚 賢者德業 可大可久 晉之

小民 競利紛爭 感公之化 禮義由生 昔之士

子 佻兮達兮 服公之教 朝書暮詩 今公既去

繪像於堂 千載之下 以配甘棠

按高陵縣名始於周秦之間三國魏及後魏嘗改

高陸隋大業初復名高陵相沿至今此碑前云尋

遷狄道高陵北海三縣令下云自公之去高陸也

既更三政矣後云且喜高陸之民不忘公之德蓋

高陸高陵今古之名互用也碑云口川張翔字子

翔陝西通志循吏傳張翔字子翔淄川人名與字

與碑倒互當由志誤而淄川則可補碑之泐文撰

文者張建金史附呂中孚傳稱建字吉甫蒲城人

有詩名明昌初授絳州教官召爲宮教應奉翰林

文字以老請致仕章宗愛其純素不欲令去授同

知華州防禦使仍賜詩以寵之自號蘭泉有集行

於世此碑立於明昌五年而張建系銜爲將仕郎

充書畫局直長不云應奉翰林文字殆未任此官

時也然碑所系銜傳則略焉金史百官志應奉翰

林文字從七品書畫局直長一員正八品掌御用

書畫紙札屬祕書監其文散官階從七品上曰承

務郎下曰儒林郎正八品上曰文林郎下曰承事

郎正九品上曰登仕郎下曰將仕郎此碑張建蓋

以正八品官而用正九品下之階以系銜所未詳

也首引太史公序循吏傳語据今本史記循吏傳

太史公曰法令所以導民也刑罰所以禁姦也文

武不備良民懼然身修者官未曾亂也奉職循理

亦可以爲治何必威嚴哉祇此數語與碑所引全

不同銘詞後列進士李文本等六十七人姓名皆

邑人無知名者今不錄

劉仲游詩刻

詩刻在多寶塔碑右側共四

行字數不等碑書在西安府

觀京兆府學 大成殿後古碑題六言詩兩首

寶墨銀鈎蠶尾豪文玉振金聲一覽古碑辭翰頓還舊

觀神明 西秦觀覽古字碑刻長安最多未勝家藏墨跡羨之帖

換羣鷺

明昌五年二月八日中大夫同知京兆尹兼本路兵

馬都總管府事提舉學校事燕臺劉仲游書

按劉仲游詩不見中州集金史亦無劉仲游傳據

碑仲游自署其貫曰燕臺而史有劉仲洙傳字師

魯大興宛平人累官定海軍節度仲洙有兄仲淵

皆與仲游名同用水爰而又同賁或即仲洙弟兄

行也

靈巖寺詩刻

二詩刻在一石石橫廣三尺八寸高一尺八寸前詩共九行行八字後詩十行行八字十字不等在長清縣靈巖

巖寺

琛公堂頭和尚有題超然亭頌因次其韻

冀州節使路伯達

六合空明現此亭本來無垢物華清客來便與團樂坐

萬偈何妨信手成

明昌五年二月十五日十方靈巖禪寺住持傳法沙

門廣琛立石 濟南梁宗誠同李堅摸刊

巡按詣靈巖名利禮佛焚香憇坐于超然亭覽堂頭

琛公佳製謾繼巖韻

山東路提刑王珩

鍾山英秀草堂靈林下相逢話愈清聞道謀身宜勇退  
得閑何必待功成

明昌五年十月十五日十方靈巖禪寺住持傳法沙

門廣琛立石 濟南梁宗誠同李堅摸刊

案金史地理志山東東西路提刑司此王珩結銜稱

東路提刑即巡按濟南諸屬也冀州節使天會七年

置安武軍節度是也路伯達見中州集云仲顯字伯

達冀州人正隆五年進士明昌初投武安軍節度使

據金史本傳伯達字仲顯與中州集稱字伯達者異

今詩刻為其自題不宜署名是名伯達無疑爾本傳

稱改鎮安武宋朝事實冀州慶歷八年陞安武軍節

度金蓋依其舊名而中州集為武安制訛之故也伯

達詩為遺山所採

山左金志

按靈巖寺有明昌六年周馳撰田園記見山左金

石志記云明昌三年提刑司援他山例許民採伐

由是長老廣琛訴於部省五年琛復走京師詣登

聞院陳詞蒙奏斷用阜昌天德所給文字為準盡

付舊地云云據此則琛公自明昌三年以迨六年

皆住持靈巖也當明昌三年時許民採伐之提刑

不知何人假使即此和詩之王珩則不應縱民採

伐致琛公有奔告跋涉之苦矣此碑二詩一刻於

明昌五年二月十五日一為十月十五日不知琛

公走京師又在何月王琦詩不載中州集廣琛超

然亭原倡亦無攷

安陽縣重修唐帝廟記

碑高六尺七寸廣三尺二寸五分兩面刻  
各十六行行三十三字正書在安陽縣

彰德府安陽縣乞伏村重修唐帝廟記

前應奉翰林文字同知 制誥趙秉文撰并書題額

夫道足以為萬世法而澤足以為萬世祀是將有以備

制法闢百聖參天地之化育後天地而不亡者矣故桀

紂為獨夫而仲尼得通祀景公有千駟而夷齊到今稱

之德之在人焉可誣也況乎有聖人之德都天子之位

首出百王之上而幾傳百世之下者故傳曰惟天為大

惟陶唐則之今夫日月星辰之昭回雷風雨露之鼓蕩

寒暑陰陽之變化春生而秋殺明來而晦謝以終始萬

物者豈非天之化也哉今夫君臣父子之懿仁義道德

之實金木水火土穀之用壯者力於作而老者休於廬

生者養而死者葬以衣被天下後世者豈非陶唐氏之

遺化也哉陶唐氏之化在於斯民日用之間而莫能名

其所以然非天也耶然則去之千百世如將見之廟而

宇之尸而祝之以鼓舞斯民者亦天也是非所謂不亡

者耶嘗謂帝之德當世思之可也後世何自而思之賢

者知之可也野人何自而知之舊邦饗之可也佗邑何

自而饗之譬之說食必飽說穢必噀此亦人之情也有

人於此暴其人之孤誠與不識必環視而怒匍匐而往

救之親與不親必相顧而歎親非在己而喜怒為用凡

所以為彼者為我而已且夫帝既外口身以先人亦所

以為天下後世是故教莫正於敘彝倫降二女以刑家

則志在和口口矣法莫公於傳神器捨其子以禪舜則

志在為蒼生矣德莫大於振大災治水以命禹則志在

利萬世矣功施於彼而利及於此恩加於當時而廟食

於後世生而不以黃屋為心沒而享崇軒之貴生而不

以彩椽為飾沒而都華構之安康衢古謠也後世里歌

社舞簫鼓嘈雜有遺音者矣土銅土簋昔所御也後世

山肴野蔌羶薌苾芬有遺味者矣易曰咸感也夫咸至

於有心則不足以有感矣相之西六十里而遠有聚落

曰乞伏帝之祠在焉西挹太行北枕漳水古木森然上

闕漢晉居人張伯厚等易其棧棟之朽折者而新之治

其垣甃之毀缺者而復之廟成謁文於僕竊惟相古邑

也若殷王甲之居相文王之居羸里皆有祠廟載在祀

典獨唐帝之祠義若無所出意其神不相於茲土也顧嘗以爲帝之神如雨露之在天水泉之在地何所往而不在獨惠彼而遺此豈理也哉嗚呼以如神之智變化往來其有方乎以如天之仁徧覆包函其有殊乎以靈象授時之政安知不佐歲功以成物乎以博施濟眾之心安知不相 明天子以惠於惇獨乎生而厚其恩沒猶被其賜展敬乞靈烏可已也敢爲之銘銘曰

鬼神睚眦伏義受圖人文權輿堯倫既敘五教既敷唐文煥乎披昏抉塗藥民之愚有典有謨位非我娛萬民其孥丹朱爲疎陸水其都人蟲其居吁嗟都俞恩漸於膚今其已夫祀焉忽諸遺祠路隅田婦耕夫或祝或巫白馬形車清風肅如神來有無清漳之墟歲孰一區神游貌孤 明昌有道千載同符擊壤康衢走不知乎今之世陶唐氏之民歟

明昌六年六月望建

觀臺張居仁刊

案金史地理志彰德軍節度明昌三年陞爲府以軍爲名記在六年稱府與史相村又傳載趙秉文明昌六年入爲應奉翰林文字同知制誥亦與碑符文內引傳曰惟天爲大惟陶唐則之易堯爲陶唐蓋以堯爲名臨文避之惟稱論語爲傳尙書序正義凡書非

經則謂之傳言及傳論語孝經正謂論語孝經是傳也漢武帝謂東方朔云傳日時然後言人不厭其言又漢東平王劉雲與其大師策書云傳曰陳方就列不能者止又成帝賜翟方進策書云傳曰高而不危所以長守貴也是漢世通謂論語孝經爲傳也以論語孝經非先王之書是孔子所傳說故謂之傳所以異於先王之書也据此記亦名論語爲傳殆本於此然唐宋以來如昌黎集燕喜亭記引傳曰知者樂水仁者樂山新唐書魏徵傳引傳曰君使臣以禮臣事君以忠劉貢父公是先生集序傳曰不知言無以知人也亦沿是稱因欲此并及之

安陽縣志

碑云相之西六十里而遠有聚落曰乞伏帝之祠在焉西挹太行北枕漳水古木森然上閱漢晉又云相古邑也若殷三甲之居相文王之居羗里皆有祠廟載在祠典獨唐帝之祠義若無所出子按太平寰宇記云永定縣本漢內黃縣地隋開皇十八年改爲堯城縣因堯所居之城爲名唐未改爲永定縣又云丹朱墓在縣東一里堯之子也攷永定廢縣在今府城東四十里宋省入安陽縣則其地祠堯實當以此丹朱墓亦在府東南殿邨趙秉文不能遠考故以爲義

無所出耳 中州金石記

太一靈湫詩

石橫廣二尺三分高一尺六寸共十三行行十字正書在西安府

太一靈湫

直疑仙掌捧龍津落葉無留意覺神福地尙將魚鳥護  
不思哀憫望雲人

右一

終南見說畜靈湫秋旱虔誠徑一求石磴未容穿屐歷  
夜窗喜聽聚簷流已便客枕消殘暑將見農家慶有秋  
自愧書生無異報強搜佳句荅神休

右二

明昌六年中元日知先天觀事奉香火道士何元濟  
立石

按太一靈湫在長安縣終南山漢書地理志太一  
古文以爲終南五經要義曰太一一名終南山在  
扶風武功縣初學記引福地記曰終南太一山左  
右四十里內皆福地靈湫卽湫池宋敏求長安志  
池上有澄源夫人湫廟今縣有顯應夫人廟當是  
澄源夫人改封在終南山炭谷去縣八十里唐封  
澄源夫人湫池尙在韓昌黎有題炭谷湫祠堂詩

卽此靈湫也起在長安六七月旱亦嘗遣官求之  
取水往往有應此碑刻太一靈湫詩七絕一首七  
律一首不著作者姓名玩詩意皆是爲靈湫禱雨  
而作碑刻于明昌六年中元日不知是追刻前人  
之作抑是當時禱雨有應之作詩稱自愧書生知  
非守土之官亦非奉香火之道士也

靈巖寺記

碑高八尺四寸廣四尺五分十九行  
行四十八字隸書篆額在長清縣

十方靈巖寺記

翰林學士朝散大夫知制誥兼同修國史上護  
軍馮翊郡開國侯食邑一千戶食實封壹伯戶賜紫

金魚袋党懷英撰并書篆

名山勝境天地所以儲靈蓄秀非福力淺薄者所能模  
止必待僊佛異人建大功德以爲眾生無量福田泰山  
爲諸嶽之宗口峯巒拱揖谿麓回抱神秀之氣九鐘於  
西北而西北之勝莫勝於方山昔人相傳以爲希有知  
來於此成道今靈巖是其處也後魏正光初有梵僧曰  
濃定杖錫而至經營基構始建道場定之至也蓋有青  
蛇前導兩虎負經四眾驚異檀施雲集於是空塵絕谷  
化爲寶坊歷隨至宋土木丹繪之功日增月葺莊嚴爲

天下之冠四方禮謁委金帛以祈福者歲無慮千萬人  
佛事口興而居者益眾分而為院者凡卅有六趣嚮既  
異遂生分別主僧永義律行孤介以接物應務為勞力  
辭寺事時開封僧行口方以圖覺密理講示後學眾共  
推舉可以住持乃更命詳實來代義仍改甲乙以居十  
方之眾實熙寧庚戌歲也越三年癸丑仰天元公禪師  
以雲門之宗始來唱道自是禪學興行叢林改觀是為  
靈巖初祖爾後凜席或虛則請名德以主之而不專口  
宗暨今琛公禪師廿代矣其傳則臨際裔也師至之日  
屬山門魔起規奪寺田四垣之外皆為魔境大眾不安  
其居師為道口猛卒以道力摧伏羣魔山門之舊一旦  
還復眾遂安焉師以書屬懷英曰吾寺之名著於諸方  
舊矣繇希有至於定公則不口計其歲月繇定至於今  
幾七百年中更衰叔歷朝刊紀斷泐磨滅蕩然無餘而  
佛祖之因地建置之本來與夫禪律之改口口派之承  
傳後來者解或知之念無以起信心鎮魔事雖然佛凜  
堅固與虛空等而魔者如浮雲浮雲彈指變滅而虛空  
無有口盡何憂乎魔事惟是著述銘勒佛事門中舊所  
不廢子無以有為譙我奮為我一言余報之曰諾已乃  
敘師之所欲言者書口遺之若夫山川尤怪靈蹟示現

山中老宿皆能指其所而詳之此不復道也明昌七年  
秋九月十有九日記

首座僧即敏 書記僧普真 知藏僧蘊奧

知客僧宗徹 知閣僧廣仲 殿主僧宗堅

監寺僧邊敘 副寺僧普遷 維那僧悟寶

典座僧普守 直歲僧志功 庫頭僧覺慶

明昌七年十月十四日當山住持傳凜嗣祖沙門廣

琛立石 歷山賈德摸并刊

碑陰

題名二段第一段詩又僧名共  
十行行十一字正書間雜古篆

遊靈巖留題

天下三巖自古傳靈巖的是梵王天羣峯環寺連叢柏

雙鶴盤空湧二泉此日登臨驚絕景當年經構仰良緣

停雲妙憶 寥林子好伴 真游方公社白蓮禪師

丙辰冬至日蓬山劉惠淵識

監寺淨善維那淨悅典座正寧直歲善全住持清安

野叟提點行實都綱普謹命工刊

又一段題名  
五行行書

冠氏帥趙侯濟河帥劉侯率將佐來游好問與焉丙申

三月廿五日題



右碑額題十方靈巖寺記撰書篆額皆党懷英一人

兼之碑陰兩段一題丙辰冬至日蓬山劉惠淵識丙

辰當是蒙古憲宗時也一題冠氏帥趙侯濟河帥劉

侯率將佐來游好問與焉丙申三月廿五日題遺山

手蹟世不多見書字勁逸不失古法武虛谷云丙申

為蒙古太宗之七年于時金亡三年矣趙侯者案遺

山集冠氏趙侯先塋碑稱冠氏帥趙侯天賜字受之

今為東平左副元帥兼分治大名府路同知兵馬都

總管事宜授將軍千戶者即此題趙侯也遺山嘗容

冠氏又與趙侯銘其先人宜其有此勝遊耳山左金石志

按此碑党懷英撰文書篆一人兼之惜搨工每行

失搨一字使文不全然存者皆完善也碑稱琛公

之傳為臨際裔臨際即臨濟齊乘載濟陽大定六

年避金王允濟諱改曰清陽允濟遇弑復舊此碑

刻於明昌七年宜遵大定制為衛紹王諱也鐘於

西北鐘即鍾通用字廣琛住持靈巖當明昌三年

提刑司援他山例許民採伐由是琛公訴於部省

才得地之十一二至五年走京師詣登聞鼓院陳

詞蒙奏斷用阜昌天德所給文字為準盡付舊地

周馳為記趙渢書党懷英篆額碑立於明昌六年

越一年又立此碑蓋在復地事定之後碑故稱琛  
公以道力摧伏羣魔所謂羣魔者指侵地之羣其  
事起於提刑之許民採伐而其禍遂及於羣奸之  
侵地此是立碑要旨文故特書之

太平院石幢

幢高二尺五寸四面各廣一尺六分皆分上下藏書  
上三面皆像一面刻年號二行行入字下四面各刻  
真言或五行或八行或九行每行  
二十二字至十四五字不等正書

佛母准提神咒文不錄

熾盛光佛消災吉祥陀羅尼文不錄

延壽真言

破地獄真言

文殊五髻真言

僧伽吒密語

滿願真言文俱不錄

昔明昌七年 月 日太平院沙門

按明藏經有準提慧業以六梵字為用與無量壽

及觀世音大勢至所說不同蓋西方之教大勢至

法王子與其同門攝念佛人歸于淨土至有五十

二菩薩故準提亦其一耳今蘇州城西有準提庵

明唐寅所居相近來往修習其間故庵內有文徵

明祝允明及寅像設焉

重修文宣王廟碑

碑連額高一丈七尺一寸廣六尺二十九行行七十字篆書額題大金重修至聖文宣王廟之碑十二曲阜孔廟

大金重修 至聖文宣王廟碑

翰林學士朝散大夫知 制誥兼同修 國史上護

軍馮翊郡開國侯食邑一千戶食實封壹伯戶賜紫

金魚袋臣党懷英奉 勅撰并書丹篆額

皇朝誕受 天命 累聖相繼平遠舉宋合天下

為一家 浹仁厚澤以福斯民粵自 太祖暨于

世宗撫養生息八十有餘年庶且富矣又將教

化而粹美之 主上紹休 祖宗以潤色

洪業為務 卽位以來 留神政機革其所當革

與其所當興飭官厲俗建學養士詳刑濼議禮樂舉遺

修舊新美百為期與萬方同歸文明之治以為興化致

理必本於尊師重道於是 奠調 先聖以身先之嘗

謂侍臣曰昔者 夫子立教於洙泗之上有天下者

所當取濼迺今遺祠久不加葺且其隘陋不足以稱

聖師之居其有以大作新之有司承 詔度材庀工

計所當費為錢七萬六千四百餘千 詔並賜之仍

命選擇幹臣典領其役役取於軍匠備於民不責

亟成而責以可久不期示侈而期於有制凡為殿堂廊

廡門亭齋廚鬻舍合三百六十餘楹位敘有次像設有

儀表以傑閣周以崇垣至于握座欄楯簾櫳采思之屬

隨所宜設莫不嚴具三分其役因舊以完葺者才居其

一而增勑者倍之蓋經始於明昌二年之春踰年而土

木基址成越明年而繫漆彩績成先是羣弟子及先儒

像畫於兩廡既又以捏素易之又明年而眾功皆畢罔

有遺制焉 上既加 恩闕里則又澤及嗣人以

其雖襲公爵而官職未稱與夫祭祀之儀不備特

命自五十一代孫元措首階中議大夫職視四品兼世

宰曲阜六年又以祭服祭樂為 賜遣使策祝并以崇

成之意告之方役之興也有芝生於林域及尼山廟與

孔氏家園凡九本典役者采圖以 聞且言瑞芝之生

所以表 聖德之致廟成之日宜有刊紀敢請并書

于石又廟有層閣以備庀書願得 賜名揭諸其上以

觀示四方 詔以奎文名之而 命臣懷英記其

事臣魯人也杏壇舊宅猶能想見其處今幸以諸生備

職藝苑其可飾固陋之辭孳楹計工謹諸歲月而已乎

敢竊敘 上之所以褒崇之實備論而書之而後

系之以銘臣嘗謂唐虞三代致治之君皆相授以道至周末世不得其傳而 夫子載諸六經以俟後聖降周訖漢異端並起儒墨道德名灑陰陽分而名家而以六藝為經傳章句之學歸之儒流不知六藝者 夫子所以傳唐虞三代之道眾流之所從出而儒為之源也後世偏向曲聽沿其流而莫達其本用其偏而不得其醇自是歷代治蹟常與時政高下洪惟 聖上以天

縱之能典學稽古游心於唐虞三代之隆故凡立功建事必本六經為正而取信於 夫子之言夫惟信之者焉則其尊奉之禮宜其厚歟臣觀漢魏以來雖奉祠有封汎埽有戶給賜有田禮則修矣未有如今日之備也初廟傷得管廢池發取石甃以為柱礎卸砌之用浚井得銅以為鋪首浮漚諸飾繇是省所費錢以千計者萬四千有奇方復規畫為它日繼治無窮之利然則非獨今日之新蓋將愈久而無弊也銘曰 維古治時

以道相繼 不得其傳 粵自周季 天生 將聖 遭世不綱 垂統六經 以俟後王 六經維何 為世立道 有王者興 是惟治要 於錄 我

皇 聖性自天 玩意稽古 傳所不傳 建學蠶文 崇明儒雅 躬禮 聖師 奉先天下 乃瞻 闕

里 祠宇弗治 矧其舊制 既隘且庫 乃詔有司

乃疏泉府 揆材庀工 眾役具舉 梓人獻技

役夫効功 隘者以闕 庫者以崇 崇焉有制 闕

焉惟灑 卽舊以新 增其十八 植植其正 翼翼

其嚴 魯人來思 歎息仰瞻 魯人有言 惟今非

昔 豈伊魯人 四方是式 瞻彼尼山 及其林園

有芝煌煌 表我 聖恩 聖恩之隆

施于世嗣 顯秩峻階 視舊加異 廟樂以雅 祭

服有章 錫爾奉祠 名教是光 有貞斯石 有銘

斯勒 揚厲鴻休 以詔無極

碑陰

凡十六段承安二年月日銜名一段五行賦書局中餘十五段多元人題記及詩四周刻之字體不一附列于後

監修官從仕郎曲阜縣主簿權縣事劉寧

同監修徵事郎 宣聖廟教授聶天覺

四十九代孫 琛 瑋 璘 摹勒

五十代孫 瑱 揚 同摹勒

承安二季三月旦日詠功 揚元刊

高口等題記 四行行五字六字不等行書先行 龍山高口同弟兄範拜謁 林廟承安二年夏

日

又耿懷義等題記三行行十字十  
二字不等行書

晉臺耿懷義同雲中魏伸古修史煜敬謁 林廟承

安五年閏二月初六日

又蕭元題記七行行六  
字正書

東遼北野山黃冠蕭元從 五十一代襲封特來敬

謁 林廟壬寅歲十二月謹題

又魏璠等題記九行行十二字十  
一字不等行書

雲中魏璠上谷劉詡陳郡徐世隆汴梁李紱隆安張

澄洎男孔孫自鄆道充至曲阜恭謁 林廟凡留三

日遍覽 聖蹟時經亂已久 廟貌未復追想盛明

不勝慨嘆然聖道隆替繫時成休褒崇之典豈無所

待云甲辰秋七月廿有一日世隆謹題

又元好問等題記入行行九字八字  
不等行書左行

太原元好問劉浚明京兆邢敏上谷劉詡東光句龍

瀛蕩陰張知剛汝陽楊雲鵬東平韓讓恭拜 聖祠

遂奠 林墓乙巳冬十二月望日謹題

又嚴忠濟題記六行行八  
字正書

歲在己酉率諸將佐恭拜 林廟周覽 聖蹟留三

日而去二月四日東平嚴忠濟謹題

又王玉汝等題記六行行九  
字正書

東平王玉汝燕山畢英范湯盧武賢清亭杜仁傑從

行臺公拜奠 祠林歲舍己酉立秋日上谷劉詡謹

識

又張德輝等題記六行行十  
字隸書

太原張德輝由真定抵東平從闕里諸客敬拜 林

廟周覽勝跡留一夕而去男復侍行歲乙卯夏五月

二十五日識古充丁丕顯同來

又郝經題記五行行七字六字  
不等行書左行

乙卯秋九月十有三日陵川郝經拜謁 祠下遂奠

墳林

又高詡題詩十三行行  
七字行書

庚子歲七月上旬益津高詡敬謁 聖師祠下謹題

二絕句以誌其來

帝王而下幾興亡銷盡繁華作戰場獨有 東家詩

禮在子孫萬古讀書堂

六經不幸火于秦日月曾何礙片雲用捨從來開治

亂皇天本不喪斯文

又楊奐詩六行行十一字  
十字不等行書

會見春風入杏壇奎文閣上獨憑欄淵源自古尊

洙泗祖述何人似孟韓竹簡不隨秦火冷楷林空倚  
魯城寒颿零蹤跡千年後无分東家老一簞

又文劇詩六行行九字十  
字不等行書

萋萋野草翳零壇回首尼山一凭欄空想文風復鄒  
魯豈知俗學尙申韓虛堂晝寂禽聲雜高閣春深檜  
影寒樂道獨憐紫陽子忘情軒冕羨瓢箪

又劉詡詩六行行十二字十  
字不等草書

乘閑杖策上郊壇絕勝登樓靜倚欄千古遺蹤思  
孔孟百年雅集數楊韓泉通滄背波紋冷月照龍門  
夜色寒此去關西有東甯柳塘沙路口壺簞紫陽方  
有歸秦

之興故  
及之

又劉文等題記十行行十  
三字行書

朝列大夫山東東西道肅政廉訪副使劉文因理東  
原等處郡邑獄囚路經曲阜率分司書吏徐徐介周瑞  
秦差羅文郁從 嗣聖五十四代孫中議大夫襲封

衍聖公孔惠晦偕二氏子孫教授王不矜學錄寶淳  
德學書任明善敬謁 林廟瞻仰奠拜禮成而還時  
延祐歲次己未六月二十又五日也

又祭文二十行行十七字十六  
字十五字不等行書

大元延祐六年歲次己未六月乙酉朔越二十五日

乙巳朝列大夫山東東西道肅政廉訪副使劉文謹  
以清酌之奠敬致祭于

大成至聖文宣王

惟王爰出乎類自生而知德配乾坤道光日月總無  
極於覆載破未悟以通明為古今師懷帝王器全集  
大成之教決開榮進之源希用報章式陳明薦尚饗  
究國公

惟公位崇亞聖名冠四科鼓瑟自洽樂道為任有攀

鱗附翼之志無施勞伐善之心禮祀大賢光隆永世

尚饗

鄒國公

惟公生稟淑質名推大才立王化之基治儒術之道

遵行仁義距放邪淫垂萬世之憲言宜諸生之禮祀

尚饗

按此碑党懷英奉勅撰書篆額其立石在承安二

年三月署于碑陰檢曲阜縣志金石卷中載此碑

云明昌二年立蓋由未見碑陰但見文內有明昌

二年字遂以為明昌二年立也据碑云經始於明

昌二年之春踰年而土木基構成越明年而繫漆

綵繪成又明年而眾功皆畢六年又以祭服祭樂

爲賜歷年如此其多非明昌二年立石明矣章宗  
建號明昌只六年其第七年爲章宗承安元年玩  
文內所載至六年止則文爲明昌六年所撰書遲  
之兩年而後刻石承安二年者乃刻石之歲月也  
書碑時党懷英歷官翰林學士碑與傳合至承安  
二年則致仕矣衍聖公孔元措以承安二年二月  
始兼縣令其修廟興工時尙是他姓權縣事故碑  
陰題監修官曲阜縣主簿劉某權縣事也此數行  
雖隸書與碑文筆法迥異非党書數行之外周刻  
題記十五段內承安二年承安五年二段金人所  
題其壬寅歲蕭元題壬寅係元太宗崩後之次年  
六皇后稱制之初年甲辰七月魏璠等題甲辰乃  
元太宗六皇后稱制之三年乙巳冬元好問等題  
乙巳爲元太宗六皇后稱制之四年己酉二月嚴  
忠濟題己酉爲元定宗崩後之次年嚴忠濟乃東  
平行臺嚴實之子己酉立秋日王玉汝等題與上  
段同歲所稱行臺公亦即嚴實也乙卯五月張德  
輝等題乙卯爲元憲宗五年乙卯九月郝經題元  
世祖卽位郝經以翰林侍讀學士使宋被留此時  
謁林廟當在世祖卽位以前爲憲宗五年也庚子

七月高詡題詩庚子是元太宗十二年此下皆題  
詩不能定其年歲其末爲延祐六年劉文等題又  
有延祐六年祭文三篇以上各段皆年歲參錯今  
依碑文隨錄不加詮次云

承安鏡文

鏡圓徑三寸  
八分正書

承安四年上元日陝西東運司官造監造錄事任押提  
控運使高押

按金史百官志都轉運司使掌稅賦錢穀倉庫出  
納權衡度量之制其屬有同知副使都勾判官戶  
籍判官支度判官鹽鐵判官都孔目官知法司吏  
抄事譯史通事押遞公使惟中都路置都轉運司  
餘置轉運司陝西東西路則置漢知法一員餘官  
皆同中都此鏡題陝西東運司官造蓋陝西東路  
轉運司所造也錄事之官志惟諸府節鎮有錄事  
司錄事一員正八品又諸府鎮都軍司都指揮使  
條下有云仍與錄事同管城隍其轉運司所屬不  
見有錄事此鏡有監造錄事又有提控運使大抵  
以節鎮錄事爲監造官也

圓覺禪院鐘款

鐘界十五區每區高廣俱一尺七寸五分字多寡不等正書在韓城縣

皇帝萬歲臣佐千秋風調雨順國泰民安

圓覺禪院受業僧

都會首傳大 戒沙門廣 以下僧名及助緣姓名俱不錄

前進士何孜 保義副尉口酒同口口口 忠武校尉口酒部口高口口 口信校尉行縣尉完顏口

衛事郎行主薄石嵩 口勇大將軍行同州韓城縣

令納罕

平陽府襄陵縣郭 大鑑進義校尉許 男

許德 許全 許成 孫許一 許二 許三 元

孫泰壽 伯壽 倚壽 念四 念六 高僧

大金承安四年四月一日畢

出韓城北郭不半里許有高原突起類視城中數千家如平沙列萬幕然曰圓覺禪院閎傑壯麗俗所謂

北閣寺者是已山門東偏有亭架鐵鐘一口聲甚宏亮寺為金大定十三年重建鐘則鑄於承安四年土

人云鐘自黃河浮來今按其款有官莊邨周村薛村

少梁相里保芝州店諸地名皆屬韓城則閩邑率錢

共鑄已有明証土人之言誤或云相傳鐘初成工戒

以勿擊俟行數十里擊之工行二十里遽擊之由是

芝川以南不聞鐘聲此又因括地志所言嘉興德藏寺鐘而傳會者也至縣尉完顏某主簿石嵩縣令納罕可據以補志乘職官之缺 古石頭碑

按圓覺禪院今名圓覺寺在韓城縣北門外唐建

高爽宏麗為一邑勝槩宋咸平元年重修王欽若

書額至金時又有修建鑄鐘之事款題皇帝萬歲

臣佐千秋是向來寺觀碑識多如此此獨增風調

雨順國泰民安八字近代各處寺觀梁柱鐘鼎率

題此八字蓋昉于此矣此鐘周刻僧名及助緣男

女姓名二百餘人今俱不錄內如北流水慶善坊

水禮社官莊社周村董村相里保趙村王村馬村

庾村北薛村芝川店容義坊北里村東少良紅神

底落村張莊顏家莊西王莊論公村皆村庄古地

名可資志乘家考證者不僅如古石琅玕所云也

餘如稱謂之異者有魚吳驢馬小官人姚大行者

因學究張教書皆足供談資又有書于氏者二人

本當即錢字俗書省文已見於此併識之

驪山詩刻

石橫廣二尺七寸二分高一尺八寸連跋共一十三行行八字十七字不等正書在臨潼縣

陝西路按察使移刺霖

驪山有感

蒼苔逕滑明珠殿落葉林荒羯鼓樓渭水都來細如綫  
若為流得許多愁

詩之興也久矣其原本出於國風之什盪觴於漢魏

派演於六朝下逮唐宋汪洋大肆靡所不至大率以

鍊格鍊意鍊句鍊字為法而能少相兼自各名家而

已必求其粹然可稱道者亦不多得焉嗚呼詩道之

難也如此 按察相公人品高秀天性奇穎始以儒

業自舉一游場屋芥拾甲科已而事與願違投筆就

宦然游戲翰墨之間初未廢其寸陰大篇短什率皆

出前人用心不到處士子仰之如泰山北斗向提憲

關中嘗有題華清宮三絕句遠近傳誦不啻膾炙方

以不多見為恨頃因再遊復留一絕格愈老意愈新

句愈健字愈工恬然備四鍊體自非深於文章者其

孰能與於此友人賀吉甫已作傳遠計迺命遼東孫

吉之書諸石九嶼徐從周刻其字晉陽舊部吏聞而

喜之復識歲月于後云承安屠維協洽書雲後七日

謹跋

移刺即耶律金史有移刺履元好問集作耶律履是

其証商挺增修華清宮記有太傅移刺公疑即其人

後有跋自署晉陽舊部吏而無姓名關中金石記

按此詩不見於中州集陝西通志藝文卷載此詩

題下注云二首選一則是此題有詩二首矣據此

碑詩後跋語但云頃因再遊復留一絕是原只一

首不知通志所不選者又何詩也此跋又云提憲

關中嘗有題華清宮三絕句通志亦不錄跋後紀

歲月云承安屠維協洽書雲後七日蓋承安四年

己未歲冬至後七日也

金石萃編卷一百五十七終

金石萃編 卷一百五十七 金四





金石萃編卷一百五十八

賜進士出身 誥授光祿大夫刑部右侍郎加七級王昶撰

金五

綏德州新學記

碑連額高一丈一尺二寸廣四尺二十四行每行下缺大約六十四字正書篆額在綏德州

新修州學之記

秦并天下以赤翟故地十五縣爲上郡卽今綏德是也漢初入於匈奴唐逼於土蕃五季領於李仁福蓋其民不沐中國涵養之德爲日久矣且永關以得名者亦以夷夏錯居止欲撫綏安輯之而已至於教化遽暇及哉國朝之興今殆百年民漸知化然以州據形勝襟帶關隴控制靈夏實爲用武之地又蒞政者率多武人故學者比內地爲少表承安四年關下名進士爲軍事判官繼而亳社秦君守正復以通儒來守相與講

先聖先師而廟居州之西北夾城地污下廣不盈畝庭序像設不具惻然以爲陋謀徙而大之明年得地於州之東南極亢爽遂營新宮宮關下夫子於陳蔡者像之登於堂餘六十二子續於兩廡簠簋簞登罍樽拊春

秋祀事凡所以用之者如禮卽其宮爲學室筵齋講庖口廩庫關下所以資之者無不備整宮前土山闢其扉以

臨通達方其營宮也凡業學以吏者約割月奉餘亦率

私錢以助幾百萬市材徵工神樓關下基關下尚書工部爲

郎中高獨典其事自夏及秋六月而工畢由是境內及

旁郡來學者衆廼巨書走東垣請子爲記子以謂王者

之治教化關下本關下也古者國家黨遂之間有學有序有

庠有塾所以涵養其民爲至詩書六藝射鄉食饗以習

耳目以易心志以充其四體而變其風俗關下腹之慾日

用而不去間陞其材以爲天下用其或不率然後束之

以法令威之以刑罰其治本末如此故天下之勢安危

治亂每視其關下吏受其民而牧之者當奉教化宣之於

民至於簿書期會刑罰法令一二胥史職耳然非知治

之審則亦未嘗不本末倒置蜀舊不知關下魯柳俗卉裳

子厚不鄙其民動以禮法爲新廟學亦自矜奮噫當文

公子厚之時循吏爲多至使天子之教化遠被夷貊獨

善二子者關下而能推其本也今秦高於蒞治之始建學

校作士氣以奉 天子教化爲已任使其民知中

國涵養之德釋然以慰秦漢唐五季之不幸其功豈下

蜀與柳耶可謂知本而得爲 天子之吏之體矣

是以樂爲之書告

大金泰和改元歲次辛酉春正月上游日記

忠翊校尉綏德州司候劉完提控監修 儒生張蒼  
同口

從仕郎知法馬世安 監修命王亮

文林郎知臨洮府康樂寨事賜緋魚袋劉

徵仕郎保安州軍事判官慕容

登仕郎綏德州義合寨主簿鄒

儒林郎守平陽府霍邑縣令賜緋魚袋李

承事郎綏德州軍事判官高

鎮國上將軍同知綏德州軍州事護軍廣平郡開國

侯食邑一千戶食實封

奉訓大夫綏德州刺史兼知軍事上騎都尉天水縣

開國子食邑五百戶

碑後有綏德州義合寨主簿鄒口知臨洮府康樂寨

事劉完金史地理志云綏德州有義合寨置第二將

臨洮府有康樂縣康樂當是先為寨後升為縣也又

有知軍州事天水縣子同知軍州事廣平郡侯兩衙

文中稱秦君守正以通儒來守高君口口以名進士

為軍判官當即兩人姓名 開中金石記

按碑云秦并天下以赤翟故地十五縣為上郡今

綏德是也翟即狄通用字左傳晉侯以樂之半賜

魏絳曰子教寡人和諸戎狄以正諸華國語不窟  
失官自竄于戎翟此狄翟通用之證也狄有赤白

二種春秋宣公八年晉帥白狄伐秦此白狄也宣  
公三年秋赤狄侵齊此赤狄也史記秦本紀惠文

王十年魏納上郡十五縣此即碑所云十五縣為  
上郡也地理通釋上郡今麟延丹坊鄜銀夏綏德

保安之地皆是也又史記趙世家趙惠文王三年  
滅中山遷其王于膚施膚施在上郡即十五縣之

一也又匈奴傳武王放逐戎夷涇洛之北名曰荒  
服晉文公攘戎翟居於西河圖洛之間元和郡縣

志綏州春秋白狄所居戰國屬魏為上郡鄭氏通  
志白翟及秦同州今鄜坊綏延皆古白翟地綜此

數說皆謂白翟未有謂赤翟者此碑云赤翟故地  
恐是記載之訛也陝西通志學校卷云綏德州學

舊在州城西北金承安四年刺史秦守正移州治  
東嵯峨山南一百步秦和元年增修有記即謂此

碑也據碑則秦守正以承安四年來守是州明年  
建學自西北移於東南是為承安五年自夏及秋

六月工畢明年秦和改元撰文立石蓋自移建至

立碑首尾二年而通志乃云秦和元年增修誤也

嵯峨山漢書地理志左馮翊池陽縣嵯峨山在北

師古曰嵯峨即今俗所呼差峩山是也按差峩山

疑與此嵯峨山名同地異此山即疏屬山一名雕

陰山在州城內山海經貳負之臣曰危與貳負殺

窳窳帝乃桎之疏屬之山元和郡縣志龍泉縣有

疏屬山亦名雕陰山龍泉縣即膚施縣地唐天寶

初更名隋大業中廢綏州置雕陰郡蓋因山得名

也然以碑文按之山不甚高文云鑿宮前土山闕

其扉以臨通道其大勢可知矣年月後刻銜惟劉

完張翥馬世安王亮署名餘皆有姓無名又碑之

一例也

奉寧宮鐘款

款二一橫廣二尺五寸三分高二尺十二行行十字

至十三字不等一止書年月五行行三字正書在側

維大金泰和陸年歲次丙寅上元日

竊以將崇 至道敢忘神宇之修欲振 眞風須

假鯨音之作故鳩哲匠用鑄鴻鐘糜金索以高懸建寶

樓而迭擊庶使群迷聞至音而開覺抑令滯魄仗餘韻

以超昇伏願集此善緣仰增 聖筭時和歲稔國

秦民安普暨一切有情莫不均蒙福利

昔泰和丙寅歲癸未月丁酉日記

三原縣后土廟記

碑連額高一丈廣三尺五寸二十二行行六十字正書額題重修后土廟記篆書在三原縣

耀州三原縣荆山神泉谷后土廟記

懷城鄉貢進士王希哲撰

美田鄉貢進士劉光書并篆額

竊原混沌既判陰陽遂分穹隆而在上者謂之天盤礴

而居下者謂之地天氣資始而不能資生能資生者莫

大於地地勢坤坤至柔以和順奉天卒能生成於物易

曰至哉坤元萬物資生乃承順天坤厚載物德合無疆

此贊美坤之爲用也伊六合之外邈無端倪難以形誌

置而勿論姑以禹治九州之限論之取人易信內有嵩

泰衡華恒五嶽互列江河淮濟四瀆旁流上中下三壤

有叙山林川澤丘陵墳衍原隰五土各殊此上所產之

物並有所宜皆坤與所載而隸主之可見祖萬物子百

靈長養無極含宏有餘者矣略陳人所賴者稼穡人之

食桑麻人之衣棟宇取材於山林器用連土於埏埴珍

藏有金玉珠璣異貨有羽毛齒革以至疾病有請禱之

法出入有所向之方靜而思之人生一世未有須臾不

名之曰黃地祇小而名之曰神州亦曰后土黃地祇舉  
 八極之外地神州舉王畿千里之內地所在皆得言之  
 凡立祠廟尤所宜矣若夫三原迺漢池陽之舊境也豈  
 之東有 后土廟在神泉鄉今名龍泉鄉出郭門直  
 行十餘里至大王村右轉北向入浮山或云釋典所載  
 取象西方佛國脾浮羅原與此無異可不偉歟又名荆  
 山禹貢所載導岍及岐至于荆山疏云在馮翊懷德縣  
 南是也其實一山而兩呼之谷行不遠已達于廟清流  
 迭徑瀨數頃以常收古木凌空歷四時而俱好三門三  
 間十二架過樂臺正殿曰坤柔五間三十架獻殿并撲  
 水八間二十架仰瞻神像以婦道配天繪塑冠服一如  
 帝后之狀側有五嶽殿三間十五架兩廊靈官堂禁神  
 位子孫司客廡通計二十五間七十架次東北隅翼然  
 有亭二間十二架以上屋宇皆山節藻梲曲盡其妙亭  
 下有湫周圍與亭頗等水色澄澈深不可測餘水出于  
 正南凡遇歲旱至誠祈禱即日雨作生民蒙潤多矣三  
 輔間聞往往取水于茲登高四望東連唐高祖靈陵西  
 接武宗端陵二陵相照屹然而起為廟之肘腋也南對  
 長川瞰渭陽之春樹北依大阜背漆水之驚波為廟之  
 襟帶也谷中地勢或掩或抱或高或低奇詭不一難於

具陳據此形勝寔耀下之為取也每當季春中休前二  
 日張樂祀神遠近之人不期而會居街坊者傾市而來  
 處田里者捨農而至肩摩踵接塞于廟下不知是報神  
 休而專奉香火是縱已欲而徒為佚遊何致民如此之  
 繁夥哉粵有里人梁再興梁勝梁玘昆仲等嘗記遠祖  
 創始之日誠心所感致有祥雲瑞霧垂覆于地地係已  
 業即於其地南北取五十步東西二十五步不受鄉人  
 助緣獨力修成人稱為梁家廟至今古老猶語其事祖  
 父梁棟於宋慶曆四年重修父梁再成於紹興十年職  
 修欽遇 聖朝太平日久梁氏昆仲於大定二十五  
 年明昌元年承安五年泰和元年四次添改修建至於  
 完備一所無缺克遵先訓止辦家財亦不假鄉社一毫  
 之助難乎其入矣改世世相承居處廟之右出入廟之  
 下永為廟主噫初廟成功非是一朝之夕勒碑頌德庶  
 傳千載之名戒尔子孫敬哉無替先蒙求記僕謂池陽  
 多才俊善屬文老夫惜憤不能為也其請益堅謾索枯  
 腸而書其大槩云耳時泰和五年乙丑歲季春上休日  
 謹記

六年丙寅三月壬午朔十八日己亥主廟梁再興

梁玘 姪梁進等同立石 懷城楊玘刊

按此碑題云耀州三原縣三原縣自五代近明初

皆屬耀州宏治三年改屬西安府至今因之碑云

三原迺漢池陽之舊境漢書地理志池陽惠帝四

年置屬左馮翊自北魏太平眞君七年改名三原

相沿至今中間唐武德四年嘗更名池陽六年改

華池貞觀七年復名三原元和郡縣志三原者以

其地西有孟侯原南有豐原北有白鹿原也碑云

后土廟在神泉鄉今名龍泉鄉陝西通志后土廟

本名泰寧宮在三原縣東北四十里唐村廟神泉

谷中神泉一名白馬泉又曰白龍泉其泉澄泓早

禱卽應碑云出郭門直行十餘里至大王村右轉

北向入浮山又名荆山禹貢所載導嶧及岐至于

荆山疏云在馮翊懷德縣南是也其實一山而兩

呼之三原縣志浮山在縣北二十里孟侯原西富

平縣志荆山在縣西南十里元和郡縣志荆山在

富平縣西南二十五里禹貢導嶧及岐至于荆山

孔傳山在岐山東漢書地理志襄德縣襄與同禹貢

北條荆山在南懷德縣者卽富平縣地漢書地理

志不著建置之年屬左馮翊後漢省入煩陽晉卽

與三原之東北接壤山在富平謂之荆山入三原境則謂之浮山也碑云登高四望東連唐高祖憲陵西接武宗端陵唐書本紀高祖葬獻陵碑作憲陵與史互異据陝西通志高祖獻陵在三原縣東北四十三里龍池鄉唐朱村武宗端陵在三原縣東北三十里神泉鄉騰張村碑載二陵雖有東西之別其實同在縣東北不過遠近相去十三里耳

眞清觀牒

石高七尺一寸五分廣三尺八寸八分兩載書上載牒大小字共十二行行字多至廿九字止下截田契三十五字正書二十一字正書

尙書禮部

據登州棲霞縣第一都太虛觀丘處機狀告同懷州修武縣劉志敏狀告伏爲懷州修武縣七賢鄉馬坊村有道庵一所自來別無名額於東平府納米請買到日字号空名觀額一道乞書填爲眞清觀者

牒奉

勅可特賜眞清觀牒至准

勅故牒

大安元年五月 日令史王貝主事翟昌言奉直大夫翰林修撰同知制誥權員外郎趙

朝請大夫禮部員外郎納蘭

中憲大夫禮部郎中兼國子監丞王

翰林學士承旨中奉大夫知制誥兼禮部侍郎同修

國史提點司提口士張

皇弟開府儀同三司判禮部尙書韓王

本觀置買地土文契

出賣地業人修武縣七賢鄉馬坊村故稅戶馬愈男

馬用同弟馬和自立契將本戶下口口地二段共計

式畝叁厘立契賣与全真門弟子王太和王崇德爲

永業修蓋全真道庵準得價銀壹拾陸貫文各七口

九伯並挾印目見定交割謹具開坐如後

一出賣村南竹園地一段南北畝東長式拾陸步伍

分西長式拾陸步伍分南闊壹拾陸步北闊壹拾步

并次東一段東長式拾陸步西長式拾捌步半南闊

壹拾步北無步東至大河西自至南自至北自至並

挾永業主對目商議定所有地內差稅物力實銀照

依通檢去馬愈戶下貯脚 供輸所挾地內竹竿樹

木不係賣數

天雨水透流車牛出入一依仍舊通行

右件前項出賣地土賣与全真門弟子等爲永業並

不是畏私卑幼口交亦不是債欠準折並無諸般違

礙又加立契日一色見銀交領並口別無隱欠恐人

無信故立此文爲憑

大定二十八年十二月自立契出賣地人馬用押

同立契人馬和 押

引領人部下王守鈔 押

寫契人本村王瑩 押

稅說價銀壹拾陸貫文 廿三日

按此牒爲大安元年所賜與前大定二三四等年

勅者微有不同前牒或由本路轉運司或由戶部

差委發賣所此牒則但由尙書禮部據某縣某人

狀告而已前牒皆著錢數此牒則云東平府納米

亦不言米數前牒無字號此牒則有日字號餘式

並與前同牒後載本觀置買地土文契所列各條

與今人文契體例相仿契中年月後一曰立契出

賣地人卽今之賣主也一曰同立契人卽今之賣

主親族也一曰引領人卽今之中人也一曰寫契

人卽今之代書也自大安至今越六百餘年而買

賣地土之格大致相符可知凡事皆有緣起亦匪

心世務者所宜知也

大安磚刻

磚高一尺二寸八分廣一尺五行行六字正書

大安二年四月三十日未時老爺感化趙門白氏捨地

建廟

按此不知為何神之廟然文云老爺感化則必為山神土地之祠非仙佛廟也豈堪頑婦自昔已然存此以見陋俗之緣起

貞祐寶券

券高一尺五寸廣一尺二分作三層書第一層貞祐寶券四字與券首伍貫二字俱橫寫第二層五行中三行行六字正書旁兩行各五字篆書下層十行行十五字

貞

字料

紙祐 伍貫八十足陌

出寶

字號

券

京兆府合同

准

行寶券並同見錢行 不限年

月 京兆平涼府官庫

券

寶庫 押 專副 攢司 押

偽造者斬賞寶券參伯買人仍給犯人家產

貞祐 年 月 日

庫庫 攢司 押

寶券庫使押 副 判官

庫使押 副押 判官

尙書戶部句當官 押

平涼府合同

右貞祐寶券予辨其文一云平涼府合同一云京兆

府合同按金史食貨志金海陵遷都置交鈔與錢並

用宣宗貞祐二年五月權西安軍節度使烏林達與

言關陝軍多供億不足所仰交鈔則取於京師徒成

煩費乞降板就造便七月改交鈔名曰貞祐寶券又

百官志設交鈔庫於上京西京北京東平大名益都

蔚威平真定河間平陽太原京兆平涼廣寧等府瑞

平清通順薊等州三年罷之此券有不限年月許於

京兆平涼府庫倒換語知為京兆平涼所刻板也潤研

堂金石 文跋尾

楊振碑

碑高七尺四寸廣三尺八寸七分二

十七行行五十五字正書在乾州

前進士河東元好問撰

前進士武功口口書丹

前進士華陰口口篆額 口諱振字純夫一字德威姓楊氏唐鄜國十九世孫鄜



國□於□□以□□之□□□□□□□□□□縣人  
 鄰公以□□嗣行□生棗棗生温温生勿言勿言生嚮  
 嚮生皐皐生免免生珍珍生□贊□贊生□□□□□  
 □□□□□御史襲封□□□□乃□□人彭城  
 劉氏有子十二人長曰公次曰公神公雷公□公洪  
 公素公□公□公□公□公□始□世□□諸房  
 所居號□□□總謂之□楊氏公□之子舜靖舜靖  
 之子信信之子禹禹之子言之子□□之子□□配  
 裴氏於公為□父□金□□以太宗之家□祭祀□□  
 □楊葬皆從西臺君子超道超道配尙氏正隆□避王  
 統制之亂寓乾州南自□族人號□□翁公□□翁次  
 子也勿喜讀書與□□張子□□嘗手抄經傳尤愛王  
 符□論與賓客談時稱誦之弱冠仕州縣為屬□□與  
 郡王□□西□□知公名選之□從甚信重之公□  
 為王□□與民皆吾人奪彼與此其利安在王嘆曰我  
 正以此□罪今日之役□命□□□□言哉□□□  
 吏有□□山□□名□□一□以□□當之□公謂同列  
 □奪人之□又誣以罪豈朝廷意耶吏□□泰和□見  
 公府文移□□□□謂所□□我往在丹州時見□  
 □□□□□□□□以□文相欺比來官□殆似之□

及泰和律下閱之踰月不樂者□□之□亂□□□□□  
 □□□□□不如□□□統不□如制聖人立法□從  
 □□人情不□□□亦□我於法□未嘗見一事可與  
 相當者□比附為□□□□□□□□□□□乃  
 事□先為之防□猶□□□□以障江河必無是理知  
 不可行將□□□易紛紛不已安得不亂□□□□  
 □□□□□□□□□□□□□□□□富□□  
 □□□安□□□時皆處□僚公率為□禮又大舉顯  
 道□□□以事□上官幾□□□□□□□□□□  
 □□□喜□□大官公之知人多□□□□學古文戒  
 之曰無獨與同輩較優劣能似古人乃古文爾吾雖□  
 能想理當□□□□□□□□□□□□若欲吾  
 兒讀此耶必欲學詩□當從毛詩讀耶不然亦須讀杜  
 工部詩耳我見界上官□□兩國□□買□□□□無  
 的□□□□□□乎復何望焉所謂讀毛詩者□如□  
 □□茹欲兒輩就地頭買之耳以□祐三年三月二十  
 有五日春秋六十有三終□□□□□□□□□□  
 崔氏生子燧繼室闕鄉程氏□子□□燁輝繼室  
 晁氏生子□□炳舉進士英□辟東省□□□恒安撫  
 司經歷□□部令□諸孫六□以明年正月七日葬公

於州南小口村新塋口南翁墓次三夫人口焉禮也公  
 口雅重儀矩可觀家居未嘗有情容子弟見者必口口  
 口乃前有所問口反復思之不敢對也當官公口所口  
 反甚多嘗夜口口里口兒爲其父作黃口召諸子告之  
 曰某家作口事人口之有孝心我視之殆兒戲耳此人  
 口同列其斷獄口知之矣人有口曲世人口有不口口  
 之爲直者口欲賂神耶我平生執法過誤或有之至於  
 故以口口物口口無口也後日口不諱慎口爲此以爲  
 識者笑耀人李安口口口公嘗贈以口口引云純夫吏  
 業而儒行家貧而好客居今之世而口口金帛而口口  
 墨是四反也口口名流其口口公如此故嘗論關中風  
 土完厚習俗不數易正隆大定間去平世爲未遠公生  
 於其間世族之所口風化之所口口以資口之美君子  
 之言長口之事宜不學而能之况志於學如此口今煥  
 口學爲通儒有關中夫子之口往在口口口宰相口信  
 口口口禮口口口口口口口口口口口李都  
 口口口口司之純皆所口行與口蓋自百餘年以來  
 口中士大夫口重名者皆莫能口口右口口口口口知  
 口口銘曰

鄒唐虞口世口奉天子孫下衰混口齊編口公口口口

口口全口口口口口口口口口口口口口口口則口口口  
 口口口口口口口口口口口口口口口口口口口口口口  
 口口口口口口口口口口口口口口口口口口口口口口口  
 然則古所謂口聖口口口命所關下

唐書宰相世系表載鄒國公侑子行基行基子蔡蔡  
 子温温子幼言自幼言以下不及之碑云幼言生嗣  
 嗣生皋皋生免免生珍珍生光贊光贊生懷順懷順  
 官金紫仕至西臺御史襲封至五代漢國始除此可  
 以補唐史之缺又云西臺有子十二人長曰公侯次  
 曰公神公畱公賢公洪公素公石公祚公良公通公  
 演公伏號十二楊村公侯子舜靖舜靖子信信子禹  
 禹子言言子宗宗子懋懋子超道公爲超道之次子  
 攷唐以奉天之地四百頃賜楊氏故子孫遂爲縣人  
 好問作楊奐碑文云譜系之詳見君自叙然則此卽  
 本奐所叙述矣奐卽振子元禮華陰人見奐碑關中金石記

按碑文元好問撰開段缺泐遺山集不載無從校  
 補据楊奐碑云父振則此碑爲奐之父也首行云  
 公姓楊氏唐鄒國十九世孫鄒國公諱侑卽隋恭  
 帝遜位於唐封鄒國公据姓苑楊氏出宏農天水  
 二望是在宏農者其一也隋書高祖紀稱高祖宏

農郡華陰人推而上之東漢楊震亦宏農華陰人

則振之世居華陰不因唐之賜地關中金石記誤

矣自鄴國公以下唐書無傳僅見宰相世系表至

五世而止此碑叙振事實大都習吏事而喜讀書

者中及泰和律金史刑志承安四年覆定令文泰

和元年所修律成凡三十卷名曰泰和律義振大

意謂聖人立法從順人情今法合紛紛不已安得

不亂又論學古文無獨與同輩較優劣能似古人

乃古文爾又論學詩當從毛詩讀亦須讀杜工部

詩又言嘗夜聞里中兒為父作黃籙召諸子告曰

某家作佛事人謂之有孝心我視之殆兒戲耳後

日我不諱慎毋為此云云觀此可想見其為人矣

濟州李演碑

碑連額高一丈六寸廣三尺九寸二十二行行六十  
字正書額題大金故贈中順大夫濟州刺史李公碑  
銘十六字篆書在  
濟寧州學泮池東

大金故應奉翰林文字贈濟州刺史李公碑銘并序

朝列大夫口王府文學兼記室參軍騎都尉賜紫金

魚袋臣崔禧奉 勅撰

翰林直學士口議大夫知 制誥輕車都尉天水郡

開國伯食邑口百戶賜紫金魚袋臣趙秉文奉 勅

書

尚書省令史承直郎雲騎尉賜緋魚袋臣潘希孟奉

勅篆額

勇而易發此强悍者之喜為也然臨難畏死者有之柔

而不武此仁賢者之常行也然見義捐生者有之蓋人

之忠節皆緣心理取舍之口口在虛辭氣之強与柔也

平居之時從容自許至於行義之美孰不有是言哉負

勢而直往肆忿而輕死真佞勇也倉卒之變賊亂口撓

保身毀節向之剛猛皆虛氣所使安足恃哉其有天資

純固涵養正理响响然常有温粹之容低首斂氣退然

似不足者不幸而與禍會則明誠審决義不內顧雖狂

鋒虐饑樂口口就是豈前弱後勇哉惟其所畜之深有

激則奮必將絕世驚俗凜然為死下之英烈是可重也

然則節義者士之所素學以為名教大法豈若世間淺

淺口口苟合偷生者耶其為有國家者之旌賞也宜矣

粵貞祐之初兵久不解虜騎南下攻圍係戮肆毒侵淫

二年正月至於濟郡人李演以前應奉翰林文字口口

屈此因之口口者為備禦三日虜不能得併召其黨大  
集口城下勢不敵城陷公被執彼固疑其衣冠也日若  
非李應奉乎蓋虜中素聞其名意欲得而使之也口承

問曰然虜喜事之說曰大官可得也公曰我進士第一人重有祿位汝何禽畜吾豈為汝使哉賊忿擊其脛碎之終不屈糲中以刃至死猶罵云嗚呼懿哉是豈仁者之真勇與已而虜退 朝廷遣使宣撫山東廉得其實  
奏請加贈 上意矜恤隨以濟州刺史之章仍令勒碑致祭淵乎 聖慮其知所先務矣惟平亂定難在曉人以逆順之理而起其忠義之氣今賞典首及死節之士其於驅策將士深得口鼓舞之術也臣禮承 命拜手為之銘曰

君子所守 惟義之為 威武不屈 死生不移

世教舉此 以為常理 此而不知 安足為士

英英李公 初以文稱 循常謹甚 眾未謂能

孰知其中 慨有事在 志吞萬兵 氣蓋四海

胡鷄雖驚 甚翫而輕 袞袞雖憚 視之猶生

高節終完 素心不愧 聖主知賞 忠魂尤慰

鉅野茫茫 黃流湯湯 樹碑其側 名與之長

皆貞祐四年歲次丙子八月一日昭信校尉濟州倉

草場都監權司候字術魯監修

奉國上將軍濟州刺史兼知軍事提舉河防常平倉

事廣平郡食邑 戶獲軍統石烈立石

案金史本傳李演字巨川任城人泰和六年進士第

一官應奉翰林文字丁憂里居值元兵圍任城墨衰

守禦不屈死年三十餘特詔有司為立碑今題銜撰

書篆額皆云奉敕者此也後列銜字術魯統石烈二

人氏而不名其云濟州倉草場都監案百官志草場

使防刺仍舊置都監一員濟州中刺史也草場設都

監與史合而以倉并于草場則史未載也 山左金志

按李演以泰和六年舉進士第一至是殉難而死

首尾相去僅八年卒後二十年而金亡則當衰亂

之秋而猶能不沒其忠贈官銘墓可見朝廷之紀

綱固猶未盡壞已字術魯統石烈皆金國部落之

名碑立于貞祐四年所紀乃二年正月元兵圍濟

州之事金史宣宗紀貞祐二年正月但載大元兵

徇彰德府益都府懷州而不及濟州金貞祐二年

於元為太祖九年元史太祖紀九年不書正月事

而於八年書是秋帝與皇子拖雷為中軍取雄霸

莫安河間滄景獻深祁蠡奠恩濮開滑博濟泰安

濟南濱棣益都淄濰登萊沂等郡据此碑則濟州

之陷在二年正月既與元史異且陷而復退仍受

金人宣撫又元史所畧也元史地理志濟甯路至

太宗七年始割屬東平府而未詳其入版圖在何

年要之貞祐二年猶未為太祖所取可據碑以證

也此碑撰者崔禮篆者潘希孟史皆無傳書者趙

秉文傳稱字周臣磁州滏陽人登大定二十五年

進士第泰和末累官兵部郎中兼翰林修撰俄轉

翰林直學士貞祐二年前言願為國家守殘破一

州以宣布朝廷恤民之意上曰方今翰苑尤難其

人卿宿儒當在左右不許碑結銜與史合李演墓

在濟甯州城西二里碑應立於墓上不知何年移

立州學碑書美即美字隧同穉字

進士題名記

碑殘缺僅存高二尺九寸廣一尺七寸五分  
分字數行數無攷正書隸額在西安府

阜昌六下

第一甲 朱希一下

第四甲 劉晉錄錄事司

皇統二年狀元宋端卿勝下

第四甲 鄭之純錄事司 經立下

皇統九年狀元王堪勝下

第四甲 蕭簡咸甯縣 承安下

正隆二年狀元鄭子聃勝下 第三下

第三甲 孟師顏咸甯縣 王下

大定十六年狀元張璧勝下 恩勝下

第三甲 程少連錄事司 第口下

貞祐三年狀元程嘉善勝下 第二甲馮辰臨瀛縣

第三甲王格樸陽縣 崔元亮錄事司 下

貞祐三年經義狀元劉汝翼勝下 第二甲吳口錄事

興定口年狀元張仲安勝下 第三甲楊天德高陵縣

張徵下

按此碑殘闕玩其文乃金朝京兆府進士題名也

所題自阜昌六年迄興定口年八科進士之名下

截既闕而左右亦不能定其止於此否無記文序

述可攷見其立碑之原委金史選舉志進士舉人

之設始于天會元年十一月二年二月八月凡再

行焉五年詔南北取士號為南北選熙宗天眷元

年五月詔南北選各以經義詞賦兩科取士海陵

天德二年始增殿試之制更定試期三年併南北

選為一罷經義策試兩科專以詞賦取士世宗大

定二十二年謂宰臣曰漢進士魁例授應奉若行

不副名不習制詩之文者即與外除二十八年復

經義科章宗承安四年諭宰臣曰一場放二狀元  
 非是後場廷試令詞賦經義通試時務策止選一  
 狀元餘雖有明經法律等科止同諸科而已遂定  
 御試同日各試本業詞賦依舊分立甲次第一名  
 爲狀元經義魁次之恩例與詞賦第二人同餘分  
 爲兩甲中下人並在詞賦之下宣宗貞祐二年御  
 史臺言明年省試以中都遼東西北京等路道阻  
 宜於中都南京兩處試之興定二年特賜經義進  
 士王彪等十三人及第史志之可攷者大畧如此  
 金史本紀凡賜進士某人等及第或書或不書故  
 狀元之名不能備攷此碑首載阜昌六三字蓋是  
 阜昌六年也金史劉豫傳甚略不足據宋史豫傳  
 載阜昌四年二月策進士又七年春策進士獨不  
 及六年與碑異碑載皇統二年狀元宋端卿九年  
 狀元王堪正隆二年狀元鄭子聃大定十六年狀  
 元張璧貞祐三年狀元程嘉善經義狀元劉汝翼  
 興定口年勅一字據後題  
名碑是二年狀元張仲安宣宗紀貞  
 祐三年四月丁未詔自今策論詞賦進士第一甲  
 第一人特遷奉直大夫第二人以下經義第一人  
 並儒林郎第二甲以下徵事郎同進士從事郎經

童將仕郎但詳其授階而不詳姓名據碑知兩狀  
 元爲程嘉善劉汝翼也碑載諸狀元中惟鄭子聃  
 金史有傳餘人無攷傳稱子聃字景純大定府人  
 及冠有能賦聲天德二年廷試中第一甲第三人  
 子聃頗以才望自負常嫌不得爲第一甲第一人  
 正隆二年會試畢海陵以第一人程文問于聃子  
 聃少之海陵問作賦何如對曰甚易因自矜且謂  
 他人莫己若也海陵乃使子聃與翰林修撰等同  
 進士雜試七月癸未海陵御寶昌門臨軒親試以  
 不貴異物民乃足爲賦題忠臣猶李于爲詩題憂  
 國如飢渴爲論題上謂讀卷官翟永固曰朕出賦  
 題能言之或能行之未可知也詩論題庶戒臣下  
 丁亥御便殿親覽試卷中第者七十三人子聃果  
 第一海陵奇之此狀元鄭子聃事實之可攷者也  
 碑載進士里貫有注縣名者有注錄事司者金史  
 百官志諸府節鎮置錄事司凡府鎮二千戶以上  
 則置之是府鎮之民不隸於諸縣而隸錄事司者  
 也

程震碑

碑高八尺五寸廣四尺二十四  
 行行六十四字正書在偃師縣

金故少中大夫御史程君墓碑

河東元好問撰

東勝李微書

樂城李治題額

君諱震字威卿先世居洛陽元魏遷兩河豪右實雲中  
二州遂爲東勝人曾大父獲慶大父總質直尙氣鄉人  
有訟多就決之至於婚嫁喪葬不能給者亦借力焉父  
德元自少日用俠聞嘗與羣從分財多所推讓州里稱  
之後以君貴封少中大夫雷內翰淵述世德之舊備矣  
少中子七人長曰鼎臣孝友仁讓閭門肅睦有古君子  
之風以六赴廷試賜第調濮州司候判官次曰雷由武  
弁起身官懷遠大將軍行軍副統君其第三子也資嚴  
毅雖所親不敢以非禮犯之幼日夢人呼爲御史故每  
以諫輔自期 章宗明昌二季經重出身補將仕  
佐郎泰和中年及注授臨洮府司獄忻州司候判官以  
口幹西南路招討司奏辟提控沿邊營城糧草等擢王  
綱榜詞賦進士乙科換僊師主簿 宣宗幸汴梁  
入爲尙書省令史時相知其可用不半歲特授南京警  
巡副使秩滿例爲廣盈倉監支納官與定初辟舉法行  
用薦者除陳畱令將之官白府尹言縣務不治令自任

其責丞簿佐史輩無預焉幸無擾之使令得盡力尹諾  
之旣到官事無大小率自負荷次官奉行而已時秋大  
旱冬十月乃雨歸德行樞密院發民牛運糧徐邳君爲  
使者言吾麥乘雨將入種牛役興則無來歲矣使者不  
能寬十日程耶民事果集雖乏軍興吾不辭也使君怒  
而去君力畢農種糧運亦如期而辦行院仍奏君要譽  
小民不以軍食爲急 朝廷不罪也旣受代大司農奏  
課爲天下第一御史臺察能吏亦爲奏首且言可克臺  
諫京東摠帥府奏辟經歷官不許乃拜監察御史君蒞  
職慨然有埋輪之志卽劾奏平章政事荆王以 陛  
下之子任天下之重不能上贊君父同濟艱難顧乃專  
恃權勢滅棄典禮開納貨賂妄進退官吏從吏奴隸侵  
漁細民名爲和市其實務取諸所不法不可一二數  
陛下不能正家而欲正天下難矣書奏 宣諭御史  
臺程震敢言如此佗御史不當如是耶且有 旨切責  
荆王出內府銀償物直敕司馬杖大奴而不法者數人  
於是權貴皆爲之斂手東方頻歲饑饉盜賊蠱起特  
旨以君攝治書侍御史兼戶部員外郎運京師糧八萬  
碩賑徐邳君經畫饒道十里一置驛羅弓力以防寇斂  
具斧斤以完器用備醫藥以起病疾勸助藉以通畱滯

輦運相仍如出社席之上餓民踵來凡所以爲貸爲糴爲賑贍計度肥瘠無一失其當州民請於京東帥司願留我程御史以福殘民帥司奏君爲行部官 詔再往徐邳荆王積不平易遣諸奴誘姦民徐璋造飛語訟君於臺諸相不爲奏而王獨奏之 宣宗頗直君欲

勿問王執奏再三乃從之時 太子領樞密院事遣醫藥官王子玉諭 旨推問官程御史爲縣治行第一監

察又稱職有罪無罪勿爲留難已而璋伏誣告君當還臺在律官人與部民對訟無罪猶解職王諷大理寺御史言天下事在所皆部民竟用是罷官君泰然自處都無已仕之愠聚書深讀蓋將終身焉天不假垂以正大

元年三月二十有一日春秋四十有四終於京師嘉善里之私第積官少中大夫夫人史氏封安定郡君先君歿子一人思溫舉進士四弟皆補君廕願監西水場晉監棹州稅務恒監緱氏酒務升 宣授招撫使以是季

十月二十有七日舉君之柩耐於金昌府芝田縣官莊里少中君之新塋禮也嗚呼生才爲難盡其才重爲難使君得時行道坐於廟堂分別賢否其功烈可量也哉方行萬里而車折其軸有才無命古人所共歎雖然地遠而位卑身微而言輕乃以一御史犯強王之怒卒使

權衰落膽縮神增氣雖不遇而去信眉高談亦可以無媿天下矣尙何恨耶乃爲之銘曰

曲士賣直見豺而慄鄙夫媵姁與鳧同波犯父子之至難孰校訐而上劇橫潰我障剛瘳我詞鍊心成補天之石奮筆爲却日之戈古有之和臣不忠忠臣不和彼容容者之所得奚後福之能多有山維崧有水維河程君之名永世不磨

中統四年歲次癸亥秋七月己卯朔弟恒建

太原高簡刊

童鉉按程氏塋在今緱氏縣程家村東據元好問墓表稱太中大夫而舊府縣志俱以爲少中大夫似誤

國師縣志

億按程震金史有傳皆約取遺山此碑中有少異者傳言與其兄鼎俱擢第碑云少中子七人長曰鼎臣較史稱單名者不符碑下刻震兄內有雷亦一字單名而長獨雙名莫知其義也或臣字當作以字以字連下讀字形涉似勒石者誤耳傳載劾荆王語今舉碑文後言未幾坐爲故吏所訟質之此碑乃部民徐璋造飛語非故吏也史文欲約其事而義反不著皆此類也碑言芝田縣官莊里今官莊在緱氏鎮東南



十餘里又碑前題兩程夫子之後妄庸人附會誤鐫

耳碑中統四年立金石攷乃謂至大七年若未觀此

碑者皆疎舛之甚也又童氏據遺山集云太中大夫

當由未見石搨今碑正言少中大夫足徵舊府縣志

非誤而遺山集傳刻者誤也偃師金石遺文

按此碑為元遺山撰檢遺山文集校之有不同者

質直尙氣集下有節字後以君貴集以作用封少

中大夫集作太中凡碑言少中集俱作太中少中

子七人集作八人長曰鼎臣集無臣字孝友仁讓

集作孝弟調濮州司候判官集無判官二字官懷

遠大將軍行軍副統集無行軍副統四字以口幹

泐一字集作廉幹西南路招討司集作為西京招

討司則無來歲矣集作則無來歲計矣而欲正天

下集無欲字程震敢言如此集作程某償物直集

償上有使字杖大奴而不法者數人集而作尤史金

震傳判王計度肥瘠集作付度京東帥司集作帥

傳俱同府下文為行部官集作行為部官詔再往徐邳集

作徐宿邳時太子領樞密院事集作哀宗時在春

宮四弟皆補君廕以下二十九字集皆無以是年

十月二十有七日集作以某年月日官莊里集作

某里生才為難集作實難銘詞剛瘳我詞集作我

阿有山維崧集作維嵩蓋撰文與鐫碑定集皆不

同時宜乎文有小異也程氏墓碑見于偃師金石

遺文者有三一卽此碑一為程思廉碑思廉者震

弟恒之子也一為程思茂碑思茂者震之叔德懋

之孫也思茂碑為元翰林直學士尙野撰載程氏

世系規置遷葬事極詳凡此碑所稱少中思茂碑

皆作太中內有云贈太中大夫震可知震官止于

少中不知何年贈太中故思茂碑稱震之父仍為

少中稱震皆為太中遺山集或亦因此改之也思

茂碑叙先世云居洛陽上程聚西晉侍中咸封上

程侯元魏遷兩河豪石實雲中三州始居豐徙振

武凡四遷為東勝人較此碑更詳可以廣所未備

碑云雷內翰淵述世德之舊備矣雷淵金史有傳

字希顏一字季默應州渾源人官至翰林修撰碑

稱少中子七人長曰鼎臣次曰雷三卽震末云四

弟頤晉恒升遺山集作八人而不載震之四弟無

從考定据思茂碑載少中第四子頤第五子晉第

六子惠第七子恒第八子升是集作八子者不誤

碑所以作七子者始惠已早卒也七子皆單名獨

長子名鼎臣遺山集又無臣字

思茂碑同

武虛谷遂疑

臣當作巨字形相近而譌然碑下文即云以六赴

廷試賜第此句不當用以字與下文複且文義亦

不合虛谷之說未確也震以明昌二年經童出身

金史選舉志經童之制凡士庶子年十三以下能

通二大經三小經又通論語諸子及五千字以上

府試十五題通十三以上會試每場十五題三場

其通四十一以上為中選据碑震以正大元年卒

年四十四推其生在大定二十一年至明昌二年

年才十一也碑云西南路招討司集作西京路金

史百官志招討司有三處西北路西南路東北路

則集作西京者誤也宣宗幸汴梁乃貞祐二年事

碑云興定初辟舉法行用薦者除陳畱令金史選

舉志興定元年令隨朝七品外路六品以上職事

官舉正七品以下職事官年未六十不犯賊堪任

使者一人三年定辟舉縣令制稱職則元舉官減

一資三品以上舉縣令稱職者仍量开除五年以

舉官多濫罷辟舉縣令之制据此則震之被舉在

五年以前矣劾奏平章政事荆王金史列傳荆王

守純本名盤都宣宗第二子貞祐元年封漢王三

年為樞密使四年拜平章政事興定三年三月進

封英王時監察御史程震言其不法宣宗切責杖

司馬及大奴尤不法者數人哀宗即位正大元年

正月進封荆王蓋震劾奏之時守純封英王而文

稱荆王者從其後封也徐瑋造飛語事荆王傳不

書從略也震以正大元年十月葬遺山撰文宜即

在此時若待立碑之時為中統四年則遺山卒後

七年矣遺山生卒本傳及墓銘俱不詳惟王鶚撰

遺山文集後引云余與子同庚甲者元史王鶚傳

稱至元十年卒年八十四推其生在金昌宗明昌

元年庚戌歲金史元好問傳稱好問卒年六十八

與鶚同庚甲則亦生於明昌庚戌由庚戌下推六

十八年為元大朝丁巳歲以此知遺山撰此碑不

在中統四年也立碑者震之弟恒署名而不署其

官据思廉碑稱恒官宣授沿邊監推規遣使

茂碑載程氏先世居洛陽後遷東勝從伯父太中

震調官偃師始復先世居青龍甲午天下甫定奔

走先塋陵谷變遷尋訪百至偶自民井怵見一穴

持火下視棺志宛然贈少中大夫輕車都尉安定

郡伯德元也旁近嚙然一封鑿之乃儒林郎濮州

司候判官贈驍騎尉安定縣男鼎監察御史攝治

書侍御史戶部員外郎贈太中大夫加二輕車都

尉進封安定郡開國伯邑缺百戶賜紫金魚袋震

也然則震與兄鼎同祔父塋而爵邑皆此碑所略

碑云耐葬金昌府芝田縣官莊里金昌府者即河

南府與定元年所更芝田縣為宋之永安縣乃折

鞏縣地置者金貞元元年更名入元乃廢今官莊

里在緜氏鎮緜氏鎮舊為緜氏縣宋時省入偃師

故今偃師縣志載此碑遺山仕金終於翰林知制

誥金不仕故其所作雖刻于元例得錄入于金

後楊奐碑仿此

京兆府學教養碑

碑高六尺二分廣三尺四寸三分二十五  
行行四十八字正書篆額在西安府學

大金重修府學教養之碑

奉天楊煥書

徵事郎張邦彥篆額

蓋聞擾攘之後必有惟新之圖憂患之餘必有增益之

智不然安得動高前古措世隆平者哉 我國家應

天順民雖馬上得天下然 列聖繼承一道相授以

開設學校為急務以愛養人材為家法以策論詞賦經

義為擢賢之首天涵地育磨礪而成就之是以將相全

材磊落間出其大者俊偉雄傑光華汗簡其次者猶能

以謹朴廉潔自重從源徂流編稱多士郁郁彬彬追蹤

三代及乎妖字纏次氛翳元都素教皇風開闡未暇仰

惟 行省 參政 金源完顏郡公 卓然忠節深結

主知名高建武之功臣親沐貞觀之政化英風莪

樂北伐南征沙漠江淮威名大震輕裘緩帶歌雅投壘

碩德元勳超今邁古軍國談餘乃會 參議知府石蓋

公 尚書張公暨 潭府英髦而謂曰自兵凶以來貴

胄氏族子弟流離關中者為多伍庸隸儕浮民恣意於

蒲博彈弋之間相與扇噓為惡未見能善其後也事有

似緩而急者其此之謂乎聞之府庠瞻士田舍皆前賢

清俸所營吝而弗與何以副 明天子崇儒設學之

意乃發廩粟出帑資以為藝菹之費而教育之慮規矩

之不肅以 行省 郎中宏文裴滿蒲先外郎 集賢

上黨張士貴都事裴滿世論龍山高誼柱石 廟堂著

龜惟幄中萬卷書筆下數千言道學淵源為世摹範

俾提舉焉 奉政兀顏德正承直邳邦用皆當世聞人

老於學問俾教授焉於是檄有司督工役支傾補缺聯

斷洗昏植陪碑於茂草基廢址於鞠蔬殿宇翬飛石經

堵立齋厨廊廡煥然一新濟濟乎洋洋乎聚秀異而誦  
焉易以經之禮以緯之詩書以成之春秋以斷之標準  
語孟鼓吹韓柳博采於歷代史氏日漸月滋作為文章  
華國藩身厥績茂矣可謂過鼂董嚴卿雲誠貫道之器  
異夫雕花草而狀風雲也每月旦 二公泊學官鎖院  
私試擇掾屬馳聲場屋者同考之選猶禮貢嚴類棘圍  
明鏡前平衡下蚩妍卽辨銖兩不差士子得占榜者同  
華袞之賜其勉勵又可知已屢以 省醜百壺見貺助  
醉經之餘旨講鄉射之遺風酌唐舜薰釀味周孔醇厚  
斥諸子之澆漓黜老莊之淡泊吸幽拒籟發爲英華陶  
然於洪鈞之中豈設醴之比哉將見直玉堂待金馬謀  
王體斷國論詔感卒泣檄愈頭風一書下燕國三箭定  
天山執謂秦無人也諸生其勉旃勿負我 良相賢大  
夫教養作成之意正大二年十二月中澣日蒙泉劉涓  
謹記

直學元善長張師德 學錄吳聽 學正安濟

直學蒲察貞固顏蓋公直 學錄蒲鮮元慶 學正

蒲察成

朝列大夫長安縣令賜紫金魚袋范昂霄 少中大

夫咸寧縣令賜紫金魚袋紇石烈阿鄰督役

宣武將軍錄判張和 奉國上將軍錄判完顏得哥  
宣武將軍京兆府錄事孫立立石

承直郎 省差教授賜緋魚袋邳邦用 奉政大夫  
京兆府教授賜緋魚袋兀顏德正立石

長安樊世亨刊

右重修府學教養碑其云行省參政金源完顏郡公  
者完顏合達也金史哀宗紀正大元年三月以延安  
帥臣完顏合達戰禦有功授金虎符權參知政事行  
尙書省事于京兆合達傳則云元光元年正月遷元  
帥左監軍權參知政事行省事於京兆未幾真拜年  
月互異要當以本紀爲正傳不云封金源郡公蓋史  
文之漏也書石首者爲奉天楊煥卽元史之楊煥  
乃免之俗體非異文潘研堂金  
石文跋尾

按此碑劉涓撰楊煥書以頌行省參政金源完顏

郡公教養京兆府學諸生之德政也碑立于正大

二年十二月其時官行省參政者完顏合達金史

百官志封爵郡公有十郡金源其首也金史列傳

多不書封爵非獨合達爲然故合達傳中不言其

封金源郡公其官京兆行省傳作元光元年正月

哀帝紀作正大元年二月碑文不著到京兆歲月

不能定其孰是然以教養學校大事傳無一語及之史之略也據傳載正大二年七月陝西旱甚合達齋戒請雨兩澍是歲大稔民立石頌德碑立即在是年十二月而文中亦無一語及之或碑文作於七月以前歟陝西通志名宦傳僅節取史傳未嘗採及碑文以著其培養士子之功尤疎略之甚也文中稱參政知府石蓋公行省郎中裴滿蒲先外郎集賢張士貴都事裴滿世論教授奉政兀顏德正承直邳邦用其在年月後者有若直學蒲察貞固顏蓋公直紇石烈阿鄰皆無傳可攷金國語解姓氏門完顏漢姓曰王裴滿曰麻兀顏曰朱蒲察曰李顏蓋曰張紇石烈曰高獨於石蓋闕焉史有石蓋女魯歡傳亦不能攷其漢姓為何邳姓不見於諸史列傳惟史記晉世家有邳鄭後無聞焉

全真教祖碑

碑高一丈一尺廣五尺三十六行行八十四字正書在盩厔縣

終南山神仙重陽子王真人全真教祖碑

前金皇叔開府儀同三司上柱國密國公金源瑋謨

葆真齋諱大師前諸路道教提舉李道謙書篆

皇圖啓運 必生異人大定隆興道圓賢哲夫三教各

有至言妙理釋教得佛之心者達磨也其教名之曰禪儒教傳孔子之家學者子思也其書名之曰中庸道教通五千言之至理不言而傳不行而到居太上老子無為真常之道者重陽子王先生也其教名之曰全真屏去妄幻獨全其真者神仙也先生名諱字知明應現於咸陽大魏村仙母孕二十四月又十八日生按二十四氣餘土氣而成真人也先生美鬚髯大目身長六尺餘寸氣豪言辯以此得衆家業豐厚以粟貸貧人惠之者半其濟物之心略可見矣弱冠修進士舉業籍京兆府學又善武略聖朝天眷間收復陝西英豪獲用先生於是捐文場應武舉易名德威字世雄其志足可以知還被道氣克餘善根積著天遣文武之進兩無成焉於是慨然入道改今之名字矣會廢齊攝事秦民未附歲又饑饉時有羣寇劫先生家財一空其大父訴之統府大索於鄰里三百餘戶其所亡者金幣頗復得焉又獲賊之渠魁先生勉之曰此乃鄉黨汎荒譬如乞諸其鄰者亦非真盜也安忍陷於死地縱捨使去里人以此敬仰先生愈甚咸陽醴泉二邑賴先生得安是後於終南劉蔣村棚別業居之置家事不問半醉高吟曰昔日龐居士如今王害風於是鄉里見先

生曰嘗風來也先生卽應之蓋因自命而人云正隆己卯季夏既望於甘河鎮醉中啗肉有兩衣鴉者繼至屠肆中甚二人形質一同先生驚異從至僻處虔禱作禮其二仙徐而言曰此子可教矣遂授以口訣其後愈狂詠詩曰四句八上始遭逢口訣傳來便有功明年再遇於醴泉邀飲肆中酒家問之鄉貫年姓荅曰濮人年二十有二姓則不知也其異歎畱歌頌五命先生讓餘火之文載全真集中自此棄妻子攜幼女送姻家曰他家人口我與養大弗議婚禮畱之而去又爲詩故以猥賤語詈辱其子孫其末後句云相違地肺成歡樂撞入南京便得真後別號重陽子於南時村作穴室居之名曰活死人墓後遷居劉蔣村北窩水中坻凡肆口而發皆塵外語鄉人唯以害風謔而未始詢其意遇游則挈一壺行歌且飲有乞飲者亦不拒或以壺取水與人但覺其釀香冽異常後復遇至人飲以神漿因止酒唯飲水焉人聞先生口鼻間醞酣之氣而已醉矣大定丁亥四月忽自焚其菴村民驚救見先生狂舞於火邊其歌語傳中具載又云三年之後別有人來修此庵口占詩有修庵人未比我風流之句凌晨東邁過關携鐵瓶一枚隨路乞化而言曰我東方有緣爾七月

至山東寧海州郡家有馬從義者先夢南園仙鶴飛翥未幾先生至馬公信猶未篤先生於鶴起處築全真庵鎖門百日化之或食或不食又絕水火庵至馬宅幾百步復隔重街馬公寢於宅中樓上門戶扃閉先生遇夜親對談論不知從何而來人欲爲其神左目右轉右目左轉或見老少肥瘠黃朱青白形色無定人不能狀之馬夢母曰有客呂馬通者未嘗語人次日先生訓馬公名曰通馬復夢有梓匠周生者傳道與馬卽辭乃尊有關中之行被席出家見一道士入族人馬戶曹即馬亦隨入見先生與道士對坐有馬九官人者求術於二老先生曰公曰教馬哥代我於是馬公誦歌一首約二百餘字夢覺唯記歌尾三兩句云燒得白煉得黃便是長生不死方翌日先生訓馬公法名曰鉅号丹陽子又夢隨先生入山及旦先生便呼公曰山侗至於出神入夢感化非一有譚玉者患大風疾垂死乞爲弟子先生以潑面餘水賜之盥竟眉髮儼然如舊頓覺道氣蕭酒訓名處端号長真子又有登州棲霞縣丘哥者幼亡父母未嘗讀書來禮先生使掌文翰自後日記千餘字亦善吟詠訓名處號号春子者是也後願禮師者雲集先生誚罵極楚以磨鍊之往往散去得先生道者

馬諱丘而已八年三月鑿洞崑崙山於嶺上採石為用不意有巨石飛落人皆悚慄先生振威大喝其石屹然而止山間樵蘇者權呼作禮遠近服其神變又或餐瓦石或現二首坐 庵中人見游於肆或畱之飯預言

來餽者何神通應物不可槩舉至八月間遷居文登姜氏庵在張氏家食童子輩見目前琉璃瑪瑙珍珠象寶競來乞取餘人則不能見於文登建三教七寶會九年己丑四月寧海周伯通者邀先生住庵勝日金蓮堂夜

有神光照曜如晝人以為火災近之見先生行光明中寧海水至鹹鹵先生呪庵之井至今人享其甘潔於是就庵建三教金蓮會至福山縣又立三教三光會至登

州游蓬萊閣下觀海忽發颶風人見先生隨風吹入海中驚訝間有頃復躍出唯遺失簪冠而已移時却見逐水波汎汎而出或言先生目秀者即示以病眸或誇先生無漏者即於州衙前登瀛凡為變異人不可測者皆

此類也在 登州建三教玉華會至萊州起三教平等會凡立會必以三教名之者厥有旨哉先生者蓋子思

達磨之徒歟足見其冲虚明妙寂靜圓融不獨居一教也萊人從之者眾獨納劉處驪者号長生子有鈞罷將

歸又見鰲之什此四子者世所謂丘劉譚馬也又於寧

海途中先生擲油傘於空傘乘風而起至查山王處一庵其傘始墜至擲處已二百餘里也其傘柄內有翁陽子号王自髻鬣閒嘗遇靈庭宮主空中警化今呼云王陽子是也與寧海州署相對有卜隱郝生鬻肆先生倒坐於其間郝曰請先生迴頭先生曰爾不迴頭拂袖而去郝亦隨悟乃廣寧郝大通也馬公之妻孫不二者亦同人道早明心地世云孫仙姑者四哲之亞先生門人又有此三太 士矣先生一日告眾曰時將至矣

明日西行道友乞詩詞自且至夜畱詩曰登途上路不由吾雲霧相招本性甦萬里清風常作伴一輪明月每

為徒山青水綠程程送酒白梁黃旋旋沽今夜一杯如有意放開紅燭照冰壺 筆尚未投從外有史公者來送酒一座大驚先生勸人誦道德清淨經般若心經及

孝經云可以修證明日率馬公等四人徑入大梁於磁王家旅邸中宿止時遇歲除舉眾別曰我將歸矣眾乞畱頌先生曰我於長 安藥村呂道人庵壁上書矣枕

左肱而逝眾皆號慟先生復起曰何哭乎於是呼馬公附耳密語使向關中化人入道至十年庚寅正月四日口授頌曰地肺重陽子呼名王害風來時長日月去後任西東作伴雲和水為鄰虛與空一靈真性在不與眾

人同頌畢儼然而終是後馬公傳道四海大行伏遇世  
宗皇帝知先生道德高明二十八年戊申二月遣使訪  
其門人應命者丘與王也命丘主萬春節臘事職高功  
五月見於壽安宮長松島講論至道聖情大悅命居於  
官庵又命塑純陽重陽丹陽三師像於官庵正位丘累  
進詩曲其辭備載磻磻集中八月惡辭還山至承安丁  
巳六月章宗再詔王處一至闕下特賜号體鸞大師及  
賜修真觀一所十月召劉處鸞至命待詔天長觀自重  
陽丹陽長春暨諸師皆有文集傳於世嗚呼先生起西  
州化行山東道滿於天下名聞天子開發後人使盡逍  
遙之遊豈不偉歟後先生五十六年嗣法孫汴京嘉祥  
觀提點真常子李志源中太一宮提點洞真子于善慶  
二大士真實道行靈揚祖道者也殷勤求文於玉陽子  
友人樛軒居士居士援筆而爲之銘曰

咸陽之屬曰大魏村山川溫麗實生異人幼之發秀長  
而不群工乎談笑妙於斯文又善騎射健勇絕倫以文  
非時復意于武戡定禍亂志欲斯舉文武二進天不我  
與蓋公宿緣道氣爲主慨然 入道真仙口口口刻授  
之口訣秘語人呼害風先生承當或歌或舞以酒徜徉  
維摩非病接輿不狂肆口而發皆成文章燒却庵舍拂

袖關中乞化而往全真道東寧海因緣萊陽通融亟顯  
神異東人畢從陶汰 真實杜絕口口口長春大啓  
其門遭遇聖朝爲王之賓先生高躅望若星雲瀛海渺  
然仙跡宛存此道大行逍遙乎

至元乙亥歲中元日陝西五路西蜀四川道教提點

兼領重陽萬壽宮事洞觀普濟圓明真人高道寬

重陽萬壽宮提點悟真了一襲明真人申志信

衍真復朴純素真人張志悅立石 長安虛靜大

功德主昭勇大將軍京兆路總管兼府尹兼諸軍奧

營營繕司大使趙炳

營繕司副使王海

京兆等路採石提舉謝澤

副提舉段德續

按道家全真教至元始有此名以王重陽爲之祖

此碑蓋述重陽之道行也撰者題云前金皇叔密

國公金源壽碑刻于元世祖時故稱壽爲前金

源者建國之號也金史地理志上京路卽海古之

地金之舊土也國言金曰按出虎以按出虎水源

於此因取以建國而壽乃用以著其籍也壽史有

傳附越王傳後越王者世宗子諱承功元妃張氏



所生其昭德皇后生子諱允恭為世宗第二子允恭生子珣嗣位為宣宗尊允恭為帝廟號顯宗宣宗生子守緒嗣位為哀宗碑文撰於哀宗之世璠父越王與顯宗同為世宗子璠與宣宗同為世宗孫故哀宗稱璠為叔父也傳稱璠本名壽孫世宗賜名字仲寶一字子瑜喜為詩工真草書正大初累封密國公與文士趙秉文楊雲翼雷淵元好問李汾王飛伯輩交善天興初臥疾是時曹王出質璠見哀宗曰聞訛可欲出議和訛可年幼不苦諸練恐不能辦大事臣請副之上慰之曰承平時叔父未嘗沾漑無事則置之冷地緩急則置子不測叔父盡忠固可天下其謂朕何于是君臣相顧泣下未幾以疾薨生平詩文甚多自刪其詩存三百首樂府一百首號如庵小藁其詩今見於中州集者四十一首而文無傳焉遺山云密國公璠百年以來宗室中第一流人也少日學詩于朱巨觀學書于任君謨文筆亦委曲欲道所欲言所居有樗軒又有如庵自號樗軒老人此碑序末自稱樗軒居士者以此文敘重陽子示現神異之蹟大都皆本其法孫所陳事實多羽流夸誕之詞不足深論

其云重陽到處立會必以三教為名因以重陽比之子思達磨似欲援儒釋為輔佐使其教不孤立無他意也惟云重陽之教名之曰全真屏去妄幻獨全其真是全真之教顯然為王重陽所立据隋宗儀輟耕錄乃云金主亮貞元元年有吏員咸陽人王中孚者勅全真之教談馬邱劉和之其教盛焉云云談馬邱劉本重陽弟子七真中之四人重陽別無中孚之名與字其自關中至山左訪此四真在大定七年丁亥歲上距貞元元年癸酉且十五年重陽以正隆四年己卯遇仙成道亦距癸酉七年然則輟耕錄語或皆傳聞之訛也七真者曰馬鈺號丹陽子寧海州人曰譚玉名處端號長真子東牟人曰邱處機號長春子登州棲霞縣人曰劉處元字通妙號長生子萊州人曰王處一號玉陽子東牟人曰郝大通號太古廣寧人曰馬鈺之妻孫不二號順德世稱孫仙姑重陽化後七真皆傳其教寧海神清觀七真皆有塑像而邱處機遇元太祖於奈曼問攻戰言必在乎不嗜殺人問為治以敬天愛民為本問長生久視以清心寡欲為要太祖契其言戰伐生全者毋慮二三萬人語詳

元史釋老傳又賜號長春真人居大都太極宮改額曰長春詳見日下舊聞重陽好爲詩碑中摘取其句者九處又掖縣志載劉長生於鄴壁上見頌二句俄遇王重陽於衆中又掖縣青蘿觀有王重陽詩碑刻五言絕句一首又有詩碑刻悟真歌一篇並見山左金石志又掖縣志仙釋傳載劉處元遇王重陽時重陽遺之詩曰鈞罷歸來又見龍已知有分到僊曹鳴榔相喚知子意躍出洪波萬丈高此碑但載首句今據以補足碑云邱屢進詩曲其辭備載磻溪集中又稱重陽丹陽長春諸師皆有文集傳于世今惟邱處機磻溪集及譚處端水雲集顧氏採入元詩選餘則道藏所錄甚多曰重陽全真集十三卷王嘉同誌撰集即碑所謂文載全真集中者是也重陽教化集三卷重陽分梨十化集二卷此重陽居馬丹陽家化其夫婦賜混梨合丹陽食之凡元談妙理哀集得三百餘篇重陽金關玉鎖訣重陽授丹陽二十四訣皆論修真漸次及修養丹法附馬自然金丹口訣論性命至理又仙樂集五卷劉長生造詩詞歌頌漸悟集二卷馬丹陽集詩詞歌曲又自然詩詞集一卷洞元金玉

集十卷皆馬丹陽述詩詞歌頌又丹陽神光燦一卷亦馬丹陽撰又靈光集四卷王玉陽撰詩詞歌頌長春子磻溪集六卷邱長春所撰詩詞歌曲譚先生水雲集三卷譚長真述詩頌詞太古集詩詞歌賦序文共一十五卷郝廣寧撰皆在道藏弟同氣連枝交友七字號內蓋七真之中惟孫仙姑無專集耳重陽所爲詞今蓋屋劉蔣村重陽宮爲重陽成道處其始門人建祖師庵元初乃賜額重陽萬壽宮有重陽手書無夢令碑又有蘇武慢詞碑並見陝西通志重陽以金大定十年化去後五十六年李志源于善慶二法孫求文于璿評其時爲哀宗正大二年又五十年爲元世祖至元十二年乙亥歲始立此碑統計距重陽之化百有六年矣蓋屋縣樓觀元初改額宗聖宮又十八年乃刻高朝篆書道德經又刻正書道德經並列於說經臺皆完好無缺可知當時道士振作宮宇之勤如此此碑亦在說經臺王弼州稱之云道流李道謙書道偉有法洵不虛也碑中多空格想因石有裂文讓出之非闕字

溫泉風流子詞

石橫廣三尺三寸高一尺八寸十五行行九字後記共八行行十七字正書在臨潼縣

古齊僕散汝弼 長弼

三郎年少客風流夢繡嶺盡瑤環看浴酒發春海棠睡  
暖笑波生媚荔子煖寒况此際曲江人不見偃月事無  
端羯鼓數聲打開蜀道霓裳一曲舞破潼關 馬嵬西  
去路愁來無會處但淚滿關山賴有紫囊來進錦韞傳  
看喚玉笛聲沉樓頭月下金釵信杳天上人間幾度秋  
風渭水落葉長安

近侍副使 僕散公博學能文尤工於詩昔過華清

嘗作風流子長短句題之于壁其清新婉麗不減秦

晏四方衣冠爭誦傳之稱爲今之絕唱恐久而湮滅

命刻于石以傳不朽正大三年重九日承務郎主簿

慕蘭記

明威將軍縣尉李春

定遠大將軍縣丞楊永達

奉國上將軍臨潼縣令僕散希魯立石

僕散希魯跋云宋元至今刻石甚多殆難勝紀而當

此爲第一其詞幽麗悽惋字畫勁峭有如拱璧因

之關中金石記

石風流子詞一闕僕散汝弼所作慕蘭記稱

其博學能文尤工於詩而遺山中州集未收此詞

亦不見錄於竹垞詞綜攷萬紅友詞律云風流子

有二體一體三十四字一體雙調一百十字又名

內家嬌其一百十字者載宋張耒一闕此詞亦不

載以此詞與張耒詞較多一字下闕但淚滴關山

句按之張詞只四字不應有但字蓋是又一體爲

百十一字者詞律失採然詞律注引升庵語正謂

此詞云于驪山見石刻一詞必元人作卽詞統所

選三郎年少客一首也圖譜竟於風流子外另收

此詞別加一名曰驪山石因而分字句處與風流

子兩樣云云據此是詞統圖譜皆收此詞獨詞綜

遺之也升庵謂必元人作者蓋匆匆見石刻未及

細檢記有正大三年字耳

重摹唐太宗慈德寺詩

碑高六尺三寸六分廣三尺三寸詩共九行行二十六字後跋七行行五十一字正書在武功縣

唐太宗文武大聖大廣孝皇帝御製詩

貞觀六年幸 慈德寺舊宅四韻

新豐停翠輦朝邑駐鳴笳園荒一徑斷臺古半階斜前

池消舊水昔樹發今花一朝離此地四海遂成家

貞觀十六年重幸 慈德寺故宮十韻

壽丘唯舊跡鄴邑乃前基粵子承累聖懸弧亦在茲弱齡逢運改提劔鬱匡時指麾八荒定懷柔萬國夷梯山咸入欵駕海亦來思單于陪武帳景逐衛文豹端展朝四岳無機任百司霜節明秋景輕冰結水涓穰黃遍原照儲峙積京坻共樂還譙讌歡比大風詩

大唐太宗文皇帝登極後忽夜夢太后若平日既寤泫然不自勝越翌日詔有司發倉廩賑濟貧窮及於慶善宮側勸勸寺一所用荅劬勞之德故以慈德爲名貞觀六年幸是寺顧謂侍臣曰朕始生於此念母后永訣育我之德將何以報感而大慟左右亦爲之流涕迺嚴祀於正寢及燕羣臣題詩屋壁至十六年警蹕重還故宮復題詩十韻噫孝思不忘此聖人無加之德也住持沙門法号子寧闡道之餘博覽羣書每讀大中繼明佛堂院碑嗟御製詩章久而無聞迨正大丙戌偶獲二詩於縣令盧公處乃天聖中宰公种世衡石刻也奈風雨侵剝字畫損壞住持惜之復命工刊立于安養堂前庶使後之人得觀覽焉其帝之功業有本紀在故不書了亥歲中順大夫前平陽府判上騎都尉隴西郡開國子食邑五百戶賜紫金魚袋李文本跋首陽山老僧惠鑒書草堂嗣祖了印梁

山賈玘助教 懷遠大將軍武亨縣令盧振子成德清道明德珂德秀德珍子瑞德瑁德潤德澤幸緣幸俊都目趙昇南邠王玠刊字

按武功縣志慈德寺在縣治南卽唐慶善宮故址金大定十六年修勅賜崇教禪院宋崇寧元年趙茂會記云按唐紀太宗文皇帝以隋開皇十七年十二月戊午生于武功之別館有二龍戲門外三日而去是京兆武功之南有唐慶善宮今爲慈德寺乃其所也此碑刻唐太宗二詩一題曰貞觀六年幸慈德寺舊宅四韻一題曰貞觀十六年重幸慈德寺故宮十韻考全唐詩載太宗詩此二詩在焉貞觀六年者題曰過舊宅二首次于後十六年者題曰幸武功慶善宮次于前並未嘗謂之慈德寺也蓋慈德寺名乃宋時所題金大定十六年又賜崇教禪院額而此二詩題云慈德者當卽宋天聖中种世衡刻石時所加非舊題也此碑刻于丁亥歲爲正大四年其時已改崇教禪院而李文本跋中不云崇教者何歟豈縣志語未確耶唐書太宗紀貞觀六年九月己酉幸慶善宮十六年十一月甲子幸慶善宮與碑合其六年幸舊宅詩全唐

詩載二首碑所刻祇五言四韻尚有五言七韻一

首碑所未刻蓋正大丙戌得於縣令盧公者佚其

次首也以全唐詩校之與碑異者譙邑駐鳴笳碑

作朝邑一朝辭此地四海遂為家碑辭作離為作

成十六年重幸故宮詩十韻全唐詩亦有與碑異

者日逐衛文槐碑作景逐衛文魏無為任百司碑

作無機禾穎積京畿碑作儲峙積京坻共樂還鄉

宴碑作共樂還譙譙似全唐詩別有所本不從碑

錄也新唐書禮樂志九功舞者本名功成慶善樂

太宗生于武功之慶善宮貞觀六年幸之宴從臣

賞賜間里同漢沛宛帝歡甚賦詩起居郎呂才被

之管絃以童兒六十四人冠進德冠紫袴褶長襖

漆髻展履而舞號九功舞進蹈安徐以象文德舊

唐書樂志慶善樂太宗所造也冬正享燕及國有

大慶與七德舞借奏于庭此二條全唐詩系于十

韻詩之下而碑則以四韻者為六年作十韻者為

十六年作詳玩史志作被管絃自當用十韻不應

祇是四韻且自當以第一次幸故宮詩被管絃不  
應用第二次則六年作者為十韻十六年作者為  
四韻疑碑誤為倒互也

濟瀆靈應記

碑高五尺四寸五分廣二尺四寸十七  
行行五十二字正書篆額在濟源縣

鄉貢進士洪水韓時舉撰并書丹

河陽梁邦瑞篆額

歲在戊子 天子以去冬不雨 宵旰憂民粵春王

正月 遣資政大夫中常侍兼上林署提點宮籍監使

內□□□□□藥局直長高佑銜 命降香子

濟瀆顯祐清源王 天語一發不泱辰而雨至者三使

車在路雪復盈尺民熙熙然咸曰大哉 王言一哉

王心二月□□使高佑□自□京師由三城戴星而行

未及已刻已抵祠下謹默致 聖意及所 賜香酒

拜祝於 淵德殿等莫紙於海紙立下如掣俄頃風行

□□勢忽海涌有 神物出其間狀大數圍俗所謂

將軍者延頸被紙響首東南且進且退如舞如蹈凡數

四有望闕謝 聖恩意中使高佑敬懼醴酒 神迺

前□及數厄悠然而去觀者如堵以謂 聖主之德

至誠感 神躍魚之祥桑林之應方之 皇朝逸

不及矣 天且不違况於 神乎 神且不違况於人  
乎 中興之功日月可莫畢祀皆合爪致禮鼓舞而退  
吏□□為□□未之睹也懇請立石以紀 聖感之

萬一敬謝不敏拜手稽首以書之 至大五年春社

後二日謹記

從行降香官嘉議大夫內侍局承應御直張節用

從行降香官龍虎衛上將軍同知防禦使事上護軍

彭城郡開國侯食邑一千戶食實封一伯戶蒲察黑

廝

宣權從宜經略使奉國上將軍知孟州防禦使護軍

金源郡開國侯食邑一千戶食實封一伯戶僕散桓

端建

里人業天瑞司口劉口刊

監刻碑人州吏趙源

通真大師賜紫知廟事楊

缺

同知廟道士李

缺

碑述高佑銜命降香浹辰得雨之事稱為濟瀆顯祐

清源王按金史禮志云明昌間封濟為清源王此有

顯祐二字是史脫文也

中州金石記

按濟瀆廟在濟源縣是時都汴自汴都西至濟瀆

廟戴星而行其程甚速也碑立於正大五年春社

後二日蓋二月也文云天子以去冬不雨宵旰憂

民粵正月遣高佑降香於濟瀆顯祐清源王天語

一發不浹辰而語使車在路雪復盈尺金史哀宗

紀及五行志正大四年冬皆不書早惟五年春書

大寒二月乙巳朔雷雨雪木之華者皆敗此即碑

所云使車在路雪復盈尺也二將軍者不知何神

物能銜紙舞蹈而碑又云躍魚之祥則是魚類矣

文稱其狀大數圍延頸被紙以臆度之殆龜之屬

也是時元兵日逼不六七年而金亡文有云中興

之功日月可冀蓋亂極思治之心猶惓惓也金國

語解僕散氏漢姓曰林蒲察氏漢姓曰李僕散桓

端官知孟州防禦使其曰宣權從宜經略使者隨

時暫設之官非常制也諸州防禦使從四品而桓

端階從三品上之奉國上將軍蒲察黑廝官同知

防禦使正六品而階正三品上之龍虎衛上將軍

皆不能明其制也

重修濟瀆廟記

石連額約高五尺三寸廣三尺六寸廿二行字多寡不等連額並正書在濟源廟

種竹老人謨

河陽梁邦瑞書丹

大金正大戊子歲自前冬不雪迄今春未雨二麥頗早

百姓惶惶然

皇帝之心憂民不啻遣資政大夫中

常侍兼上林署提點

宮籍監使 內侍局令尙葉直

長高佑載星馳驛受 命呈香禱于 濟瀆顯祐

清源王復日至 祠正冠整服潔體齋心夙啓 天

誠夜獲嘉應膏雨已容耕春雪又及尺俄有神物出海

領昏吞酒朝 闕如 謝使者迴 京都異事

奏 上 上深敬悅 賜銀二万五千星委自

孟州長吏防禦使僕散桓端提控同知納蘭和尙薛職

監修構大厦之良材鳩三昧之妙手重簷疊甍操碧繪

金嚴崇 聖像謹飾從尊篤瓦紺天鳳門輝日役未十

旬功興萬數殿廊齋廚創作一新也市民嬉游無不祝

讚匪 靈應之 神君豈可達於 朝廷非 聖明

之 天子莫能肅於 廟貌物成有日易舊更新聖

哉 神力德哉 王言德即聖耶猶不能盡理述焉

正大五年六月十五日監修州吏趙源 知廟道士

楊知謙李得禎 郭知常元知一

武節將軍行濟源縣令兼管勾河防常平倉事修廟

接手官納蘭抄合

昭勇大將軍遙授歸德府治中兼同知孟州防禦使

事上輕車都尉廣平郡開國伯食邑七伯戶 省部

委差監修納蘭和尙

宣權孟州從宜經略使奉國上將軍知防禦使護軍

金源郡開國侯食邑一千戶食實封一伯戶 省部  
委差提控監修僕散桓端立石

石匠桑吉 劉通

按此碑與前碑同為正大五年紀濟瀆廟請雨降  
香之事前碑記于春社後二日此碑立于六月十  
五日蓋因神著靈異奏請賜銀修廟未十旬而工  
竣遂立此碑知孟州防禦者仍是僕散桓端同知  
則易為納蘭和尙矣金國語解有納刺氏漢姓曰  
康而無納蘭氏史傳有納蘭胡魯刺納蘭綽赤而  
納刺氏無其人此碑撰者署其號曰種竹老人而  
不署姓名文云賜銀二万五千星不知以兩為星  
抑以銖為星皆不見於他碑

金石萃編卷一百五十九

賜進士出身 誥授光祿大夫刑部右侍郎加七級王昶撰

金六

改建題名碑

碑連額高七尺二寸廣三尺七寸作三截上截二十四行行十六字中截三十行下截十三行俱人名字數參差不等正書篆額在西安府

改建題名之記

渡澤吳聽書丹

涇渭盧元撰額

府庠舊有題名然附他貫者皆闕而不書議者疑之正大乙酉 行省 外郎 集賢上黨張公以幕府餘暇

閱月校試因覽是碑謂諸生曰 國家設學之意教

育均矣每遇大比勝不乏人至於紀錄獨取此舍彼則

恐于獎厲之道未備迺命耆宿參訂名籍自高平李公

簡之而下得二十有八人刊之貞石以發幽光使朋來

求價者履跡景慕指某人隸業於此而登第某氏宦游

於此而成名思與並驅爭先其益可勝既耶舊碑之建

也制度頗狹歷年滋久得人加多凡來書榮者或投隙

抵罅僅容數字一何略也今茲告成極其宏壯前所不

載者俱見攝錄顧不俾歎噫後之登科者請隨勝如式

書之儻易舊矩而作新意非所望也敢以此告是年十

二月中澣日門人孔叔利謹記

大定十九年張行簡下 李仲略 高平 賈益 通州

大定二十二年張甫下 焦炯 開封

大定二十五年徐遜下 李秉鈞 大定

明昌五年張檝下 趙去非 定州

經義楊雲翼下 趙思文 定州

承安二年呂造下 賀天祐 三原 劉光謙 大興 高國鈞 鶴野

經義李著下 馮璧 真定

承安五年閻詠下 武洵直 武功 高嵩 遂城 劉從謙 安

泰和三年許天民下 王嗣初 同州

大安元年經義第一 邢天祐 浮山

崇慶二年黃裳下 仇庭用 扶風

貞祐三年程嘉善下 馮辰 盤屋 王元舉 扶風 高宇 勝恩

興定二年張口安下 李介 遼陽

興定五年劉遇下 口獻臣 口 蘇遼 臨晉 李獻誠 河

中 李恒亨 河津



經義喬松下 李獻甫 河中

正大元年王鶚下第二人劉繪 獻州司 張柔中 大同楊

侯大興 張邦憲 信州 李元 偃師 牛炳 河中 吳芝 澤州

邳邦用 定安

經義張介下 張瑀 京兆 張珪 京兆

正大四年盧亞下 孔叔利 平陽 吳聽 澤州 張珩 京兆

正大七年李瑋下 任嘉言 汾州 劉源 雲陽 龐漢 太原

郭士元 口晉

經義孟德淵下 盧翹 豐潤

學錄吳聽

學正安濟

承直郎 省差教授賜緋魚袋邳邦用立石

太中大夫東運司戶判兼提舉學校李暉

長安樊世亨刊

按此與前碑同為京兆府學進士題名之碑前碑

止於興定二年所載祇京兆本貫之登進士者此

碑專載他貫之肄業京兆而登進士者起大定十

九年迄正大七年凡十五科共四十三人据孔叔

利記祇得二十八人殆立碑後增刻十五人也記

文有云某人隸業於此而登第某氏宦游於此而

成名可知當時取士之途亦甚廣矣金史載狀元

姓名惟哀宗紀正大元年書詞賦進士王鶚以下

四年書詞賦經義進士盧亞以下七年書經義詞

賦進士李瑋以下追攷以前興定五年但書經義

進士考官於常額外多放喬松等十餘人其詞賦

進士劉遇則不書至興定二年但書武舉温迪罕

繳住以下一百四十人及第又書詞賦經義進士

及武舉人入見賜誥命章服而姓名不書碑書張

口安泐一字頗證以前碑知其為張仲安也自此

以前則紀皆不書矣碑載貞祐三年程嘉善為詞

賦進士第一人攷金史李獻能傳獻能貞祐三年

特賜詞賦進士廷試第一人宏詞優等授應奉翰

林文字中州集亦云獻能年二十一以省元賜第

廷試第一人皆與碑不同碑載詞賦經義第一者

凡十八人內張甫一人金史有傳係武人非此碑

張甫餘有可攷者七人張行簡金史傳字敬甫大

定十九年進士第一人除應奉翰林文字累官翰

林學士承旨貞祐三年卒諡文正中州集稱其天

下言家法言禮樂言文章言德行唯張氏為第一張樞中州集字巨濟先世泰州長春人有官於

山陰者遂占籍焉徽明昌五年詞賦第一人仕至  
鎮戎州刺史文賦詩筆截然有律度時人甚愛重  
之楊雲翼金史傳字之美其先贊皇檀山人六代  
祖忠客平定之樂平縣遂家焉明昌五年進士第  
一詞賦亦中乙科授應奉翰林文字累官禮部尙  
書兼侍讀正大五年卒年五十九謚文獻中州集  
云百餘年以來大夫士身備四科者惟公一人而  
已李著中州集字彥明真定人承安二年經義第  
一人在翰林七年累遷彰德府治中城陷避塙上  
掘塙倒而死閻詠中州集作閻長言字子秀濟南  
長清人少日慕張忠定之爲人故名詠避衛紹王  
諱改焉衛紹王諱永濟其卽位在泰和八年閻詠  
登第在承安五年爲衛紹王卽位前八年  
其時未  
避諱好學工詞賦嘗以第一流自負平生多奇  
夢果魁天下士論厭服在翰苑十年出爲河南府  
治中被召以道梗不得前卒王鶚元史傳字百一  
曹州東明人工詞賦金正大元年中進士第一人  
出身授應奉翰林文字累官左右司郎中天興三  
年蔡陷將被殺萬戶張柔救之輦歸世祖卽位建  
元中統首授翰林學士承旨五年乞致仕十年卒  
年八十四謚文康張介金史傳字介甫平州人正

大元年經義進士第一時爲國用安參議中州集  
云介彭城人歷鞏毅熟二縣令幼有賦聲以上皆  
第一人之可改者也進士四十三人中有可改者  
十一人李仲略史附李晏傳晏子字簡之澤州高  
平人登大定十九年詞賦進士第調代州五臺主  
簿累授山東東西路按察使泰和五年卒謚襄獻  
性豪邁剛介特立所任以幹濟稱買益史附賈少  
冲傳字損之通州人中大定十九年進士調河津  
主簿累爲太常卿元光九年卒趙思文中州集字  
廷王永平人明昌五年進士貞祐中陷沒都城間  
關南渡累拜禮部尙書壬辰天興二年卒官劉光謙中  
州集字達卿瀋州人泰和三年進士累官司農少  
卿碑載光謙大興人承安二年進士未審卽一人  
否馮璧史傳字叔獻真定縣人承安二年經義進  
士制策復優等累官同知集慶軍節度使致仕正  
大九年河南破北歸又數年卒年七十九中州集  
璧別字天粹致仕後居崧山龍潭者十餘年諸生  
從之游與四方問遺者不絕賦詩飲酒放浪山水  
間人望以爲神仙山中多蘭中春作華山僧野客  
人持數本詣公以香韻清絕爲勝少劣則有罰謂

之闕蘭所釀松醪東坡所謂歎幽姿之獨高者惟叔獻能盡之是後松醪闕蘭遂為山中故事馮辰

中州集字駕之臨潼人碑作監屋自祐三年進士辟涇

陽令九歲知作詩李獻誠史附李獻能傳河中人

先世有為全吾衛上將軍者時號李金吾家迫獻

能昆弟皆以文學名從兄獻卿獻誠從弟獻甫相

繼擢第故李氏有四桂堂李獻甫傳字欽用獻能

從弟興定五年登進士第歷成陽簿累遷鎮南軍

節度副使兼右警巡使死蔡州之難年四十張邦

憲史附忠義禹顯傳字正叔秦州人碑作信州人登正

大中進士第碑作正為永固令天興二年避兵徐

州卓翼率兵至城邦憲被執遂遇害張琚中州集

字子玉河中人碑作京兆人刻意於詩五言所長詩人

喜稱道之至有張五字之目不言其登進士此碑

載張琚是正大元年經義進士未詳是一是二龐

漢中州集字茂宏平晉人碑作太原人正大末年進士

待次內鄉北山兵亂遇害碑載龐漢正大七年詞

賦進士正大尚有八年未可云末中州集小異諸

進士之可攷者如是至劉從謙無攷而史有劉從

益傳潭源人大安元年進士碑載從謙安邑人貫

與渾源相近或為從益之兄弟行李恒亨無攷而

史有李復亨傳榮州河津人與碑載恒亨同貫或

亦兄弟行識以備攷題名止於正大七年哀宗紀

是年四月大元兵平鳳翔府兩行省棄京兆遷居

民於河南而國勢日蹙踰三年而亡進士之試不

復舉行然則是碑竟與金運同其終矣

黃華老人詩刻

碑四紙各高七尺廣三尺一寸五分四行行字數不等行書在大理府雙塔寺

王庭筠

王母祠東古佛堂人傳棟字自隋唐年深寺廢無僧住

滿谷西風栗葉黃

手拄一條青竹杖興來日掛百錢遊名陽欲下山更好

深谷無人不可留

帝遣名山護此邦千家落落嶺西窻山人乞與山前地

鶴托先開二十雙

掛鏡亭西掛玉龍半山飛雪舞天風寒雲欲上三千尺

人道高歡避暑宮

按此碑刻黃華老人七絕四首不著題及年月雲

南通志雜記卷載黃華老人詩金翰林王庭筠四

絕句原在黃華山嘉靖間僉事崔官攜帖至榆李

元陽重臺之今碑在大理雙塔寺所載詩正與此  
四詩大同惟字句稍異者碑云興來日挂百錢遊  
志作自挂深谷無人不可留志作深林千家落落  
嶺西窻志作千家瑟瑟窻西窻鶴託先開二十雙  
志作招客先開四十雙挂鏡亭西挂玉龍志作臺  
西寒雲欲上三千尺志作直上又帝遣名山一首  
碑作第三志作第四挂鏡亭西一首碑作第四志  
作第三此恐志別有所本也金史王庭筠傳字子  
端河東人登大定十六年進士第調恩州軍事判  
官累調館陶主簿明昌元年四月召庭筠試館職  
中選御史臺言其在館陶嘗犯賊罪不當以館閣  
處之遂罷乃卜居彰德買田隆慮讀書黃華山寺  
因以自號中州集不載此四詩其小傳云子端詩  
文有師法高出時輩之右字畫學米元章其得意  
處頗能似之平生愛天平黃華山水居相下十年  
自號黃華山主河南通志黃華山在彰德府林縣  
西二十里林慮山內山有三峯名仙人樓玉女臺  
魯般門其頂突出雲表名摩雲峯連峙若屏名連  
屏峯羣峯磊落如人名聚仙峯下有黃華谷志併  
載王庭筠詩三絕句一帝遣名山一王母祠東一

挂鏡臺西而次首手挂一條云志所不載其次  
序與碑異者王母祠東一首碑作第一志作第二  
帝遣名山一首碑作第三志作第一挂鏡亭西一  
首碑作第四志作第三其字之異則河南志與雲  
南志同大抵崔官所攜之帖詩與黃華山舊本同  
而河南志刪其一首也庭筠隱黃華在明昌元年  
以後而其作此詩不知在何年黃華山寺與雙塔  
寺兩處之刻詩亦皆無年月可繫今姑附金末

### 楊奐碑

碑上闕四字揭本高六尺廣二尺五寸二十四行每  
行存五十三字末行以後文不全正行書在乾州

金故河南路課稅所長官兼廉訪使楊君神道之碑

河東元好問撰

柳城姚燧書并篆額

君諱奐字煥然姓楊氏乾之奉天人唐鄴國公之二十  
世孫也譜系之詳見君自敘載之先大夫墓銘茲得而  
略之曾大父林大父超道父振是爲蕭軒翁及上二世  
皆在野母程嘗夢東南日光射其身旁一神人以筆授  
之已而君生蕭軒以爲文明之象就爲制名君甫勝衣  
嘗信口唱歌有紫陽閣之語扣之不能答也未冠夢游  
紫陽閣景趣甚異後因以自號年十一丁內艱哀毀如

金石萃編 卷一百一十九

成人日蔬食誦孝經爲課人以天至稱焉又五年州倅宗室永元謂翁曰若老矣守佐重以校牘相煩聞若有佳兒姑欲試之卽檄君爲倉典書時調度方殷君掌出納朱墨詳整訖歲終無圭撮之誤倅愛之謂他日當有望勸之宦學師鄉先生吳榮叔指授未幾迺出倫輩賦業成卽有聲場屋間不三十三赴廷試興定辛巳以遺誤下第同舍盧長卿李欽若欽用昆季惜君連蹇勸試補臺掾臺掾要津仕子慕羨而不能得者君答書曰先夫人每以作掾爲諱僕無所似肖不能顯親揚名敢貽下泉之憂乎正大初朝廷一新敝政求所以改弦更張者君慨然草萬言策詣闕將上之所親謂其指陳時病辭旨剴切皆人所不敢言保爲當國者所沮忠信獲罪君何得焉君知直道不容浩然有歸志卽日出國門而西教授鄉里者五年歲己丑乾州請爲講議安撫司辟經歷官京兆行尙書省以便宜署君隴州經歷皆辭不就再以參乾恒二州軍事親舊爲言世議迫隘不宜高蹇自便始一應之庚寅京師春試授館左丞張公信甫之門張公嘗謂人曰諸孫得君主善老夫沾丐抑多矣矣齊已汴梁陷徵服北渡羈孤流落人所不能堪君處之自若也冠氏帥趙侯壽之延致君待之師友間會門生朱

極自京師輦書至君得聚而讀之東平嚴公喜接寒素士子有不遠千里來見者嚴公久聞君名數以行藏爲問而君終不一詣或問之故曰不招而往禮歎且業已主諸侯矣將無以我爲三乎戊戌 天朝開舉選特詔宣德課稅使劉公用之試諸道進士君試東平兩中賦論第一劉公因委君考試雲燕俄從監試官北上謁領中書省耶律公一見大蒙賞異力奏薦之 宣授河南路徵收課稅所長官兼廉訪使 陛辭之日言於中令公曰僕不敏誤蒙不次之用以書生而理財賦已非所長又河南兵荒之後遺黎亡幾亨鮮之喻正在今日急而擾之糜爛必矣願公假以歲月使得拊摩創罷以爲 朝廷愛養基本萬一之助中令甚善之君初蒞政招致名勝如蒲陰楊正卿武功張君美華陰王元禮下邳薛微之澠池翟致忠太原劉繼先之等日與商略條畫約束一以簡易爲事按行境內親問監務月課如干難易若何有循習舊例以增額爲言者君訶之曰剝下罔上若欲我爲之邪戒元額四之一公私便之官長所臨率有餽餉君一切拒絕之亦有被刑責沒財物于官者不踰月政成官民以爲前乎此蓋未有漕司惠吾屬之如是也在官十年乃請老于燕之行臺以猶子

元楨襲職壬子九月 王府驛召入關尋被 教

參議京兆宣撫司事累上書乃得請閒居鄉郡築堂曰

歸來爲佚老之所雖在病卧猶召子弟秀民與之酒諭

之曰吾鄉密邇豐鎬民俗敦朴兒童皆當孝弟力田以

廉慎自保毋習理筆之陋以玷傷風化及病革處置後

事明了如平時敕家人吾且死勿以二家齋醮貽識者

笑遂引觴大噱望東南炷香命門生員擇執筆留詩三

章恬然而逝春秋七十實乙卯歲九月之一日也後五

十七日葬於郡東南十里小劉里先塋之次夫人陳氏

劉氏祔焉禮也君三娶吳氏子男四人保垣元肇嵩山

緱山皆早天元肇者在孕有異風骨不凡齠髻知讀書

八九歲聞君授即通大義尋爲人講說十二以羸疾至

于不幸君喪之盡然有童烏之感女四人長嫁郡人張

篋次華陰王亨二幼者在室初泰和大安閒入仕者惟

舉選爲貴科榮路所在人爭走之程文之外翰墨雜體

悉指爲無用之技尤諱作詩爲其害賦律尤甚此下碑闕

今據於經爲通儒文爲名家不過翰苑六七公而已君

授學之後其自望者不碌碌舉業旣成乃以餘力作爲

詩文下筆卽有可觀嘗撰扶風福嚴院碑宋內翰飛卿

時宰高陵見之奇其才期君以遠大與之書曰吾子資

稟如此宜有以自愛得於彼而失於此非僕所敢知也

君復之曰辱公特達之遇敢不以古道自期飛卿喜曰

若如君言吾知韓歐之門世不乏人矣與定末關中地

震乾守呂君子成徧禱祠廟請爲祝文凡二十有四首

援筆立成文不加點在鄂下日中秋燕集一寓士忌君

名諷諸生作詩請君屬和君被酒謂客曰欲觀詩者舉

酒欲和以次唱韻意氣閑逸筆不停綴長韻短章終夕

成三十九首長安中目爲郭郊卽席倡和詩傳之性嗜

讀書博覽強記務爲無所不闕真積力久猶恐不及寒

暑飢渴不以累其業也中歲之後目力漸減猶能燈下

閱蠅頭細字夜分不罷作文剗剗座爛創爲裁製以蹈

襲剽竊爲恥其持論亦然觀刪集韓文及所著書爲可

見矣禮部閑閑趙公平章政事蕭國侯公內翰馮公屏

山李公皆折行位與相問遺御史劉公光輔編脩張公

子中諸人與之年相若而敬君加等河朔士夫舊熟君

名想聞風采又被三接文衡又有在所過求見者應接

不暇其爲世所重如此暮年還秦中秦中百年以來號

稱多士較其聲聞赫奕聳動一世蓋未有出其右者前

世關西夫子之目今以歸君矣有還山集一百二十卷

槩言十卷紀正大以來朝政號近鑑者三十卷正統六

十卷其自敘曰正統之說所以禍天下後世者凡以口出於孔孟之前故也且夫湯武之應天順人後世莫可企及猶曰予有慙德武未盡善後世僻王桀以正統之傳非私言乎今立八例曰得曰傳曰襄曰復曰與曰陷

曰絕曰歸始皇十年貶絕陷者何懲任相之失也太宗傳之而曰得者何志奪宗之惡也責景帝者何短通喪也責明帝者何啟異端也與明宗者何有君人之言也與周世宗者何世宗而在禮樂可與也如是八例其說

累數十萬言以謂不如是則是非不白治亂不分勸戒不明雖綿歷百千萬世正統之為正統昭昭矣此書往往人間見之有詰難者則曰吾書具在豈復以口舌為辨後世有賞音者君不治生產不取非義仕宦十年而家無十金之業然其周困急卹孤遺扶病疾助葬祭習

以為常力雖不贍猶強勉為之與人言每以名教為言有片善則委曲獎藉唯恐其名之不著或有小過失必以苦語勸止之怨怒不計也評者謂君志立而學富器博而用遠使之官奉常歷臺諫掌辭命治賓客必有大

過人者白首見招日暮途遠有才無命可為酸鼻丙辰冬十月予閒居西山之鹿泉員生自奉天東來持京兆宣撫使商挺孟卿所撰行狀以墓碑為請且道君臨終

念念不相置畱語殷重以誤述為顧惟不腆之文曷足為君重竊念風俗之壞久矣冰雪互寒往復四千里為其師為不朽計門弟子風詣如生者幾人此已不可辭况於平生之言乃勉為論次之而系以銘其銘曰

有文者螭於跌者龜是為關西夫子楊君之碑顧瞻佳城泣焉涕洟學道之難成使人傷悲君擅名場深聚孤罷追乎駢儷而變古雅快潛蛟之雲飛謂君不逢歟奪

回谿而灑池一命而佩金紫何若若兮鼎鼎鄙資於唐世久表微河潤九里蔚松檟兮增輝謂君為逢歟徒以文窮而自喜斬伐俗學力涸筋疲世無元聖之矣望伯起其庶幾白首太元坐為悠悠者之所譏繫正統之無

適從職予奪之非宜君排諸儒斥偏執與詭隨彼月旦之有評且曩是而今非豈有一定罪功之名而槩終世之成虧我黜我升我招我麾不主故常不貸毫釐自我

作古奚竊取為自非慨然任當仁之重能不懼於西河之見疑維鼎之為器也雖小而重屹神寶而弗移孰謂漢唐甚盛之際亦不免於窮運之攸歸我車司南爾轍背馳傳者嗟誰異時有如君家子雲者出邈千載兮

知

中統五年建巳月立元好問撰文姚燧正書并篆額

在乾州碑文往往與史合惟作萬言策未及上歸教  
授鄉里後安撫使辟經歷官京兆行尚書省以便宜  
署君隴州經歷皆辭不赴應參乾恒二州軍事庚寅  
春試授館張公信甫之門等事史不及之耳又史言  
著還山集六十卷天與近鐘三卷碑云還山集一百  
二十卷紀正大以來朝政號近鐘三十卷亦異燧負  
之弟三女壻

關中金  
石記

按此碑全文二千六百餘字當時或有碑陰或刻  
二石今搨本僅得一紙自於經爲通儒以下全闕  
約一千六百餘字此搨上載每行整闕四字又間  
有泐文左上角石已損闕今取元遺山文集補全  
不復旁注取其瞭然可讀也立碑歲月元集不載  
據關中金石記稱中統五年建巳月立當由得見  
全搨也元遺山卒于丁巳歲此碑撰于丙辰十月  
在未卒之前一年姚燧書篆自署柳城人元史燧  
傳稱燧字端甫世系見燧伯父樞傳樞傳則云柳  
城人後遷洛陽碑署柳城者從其祖貫也史言燧  
生三歲而孤育於伯父樞樞謂燧蒙暗教督之甚  
急燧不能堪楊奐馳書止之曰燧令器也長自有  
成爾何以急爲且許黥以女年十三見許衡於燕

門十八始受學於長安二十四始讀韓退之文試  
習爲之云云此碑云女四人長嫁郡人張覲次華  
陰王亨二幼者在室不言第三女許姚燧考燧傳  
至大元年年七十餘承旨學士四年得告南歸明  
年復召不赴卒于家年七十六當爲延祐元年甲  
寅歲推其生在元太宗己亥歲至丙辰遺山撰文  
之年得十八歲若燧書碑在是年碑文應有三女  
嫁姚燧之明文何以云幼在室也與史傳僅五百  
七十字較碑祇存十之二然皆取碑文有則無增  
京兆府學教養碑奉天楊煥書當卽此楊奐是楊  
名又作煥也碑云壬子九月王府驛召入關所稱  
王府卽世祖故傳云世祖在潛邸驛召奐參議京  
兆宜撫司事元史世祖紀壬子帝駐桓撫問奏立  
從宜府於京兆夏遣王府尙書姚樞立京兆宜撫  
司以李蘭及楊惟中爲使關隴大治奐之參議正  
在是時碑云兵以乙卯歲九月一日卒後五十七  
日葬是十月二十七矣而文以丙辰十月始撰又  
九年而始立碑皆不與葬同時中統無五年是年  
八月丁巳改元至元碑以巳月立故仍稱中統傳  
稱賜諡文憲而不著何年此碑亦未載則在立碑



以後矣真之葬所碑稱在郡東南十里陝西通志載楊諫史振墓在乾州東南十里子真與父振葬同處振以貞祐四年正月七日葬於州南小劉甘新塋城南翁墓次據碑不詳父振爲諫史而振號蕭軒翁不號城南翁未知通志又何本也碑云戊戌試東平兩中賦論第一耶律公薦之宣授河南路徵收課稅所長官元史食貨志太宗甲午年始立徵收課稅所凡倉廩院務官并合干人等命各處官司選有產有行之人充之其所辦課程每月赴所輸納邵遠平元史類編楊奐傳引奐自著還山集云歲己酉中書耶律公以軍國大計舉近世轉運司例經理十路課稅易司爲所黜使稱長相豐歉察息耗以平歲入聽中書省總之此碑題課稅所長官正是易司爲所黜使稱長之時則當在己酉年矣碑云所著有還山集一百二十卷集言十卷記正大以來朝政號近鑑者三十卷正統六十卷史傳載還山集六十卷天興近鑑三卷正統書六十卷今攷四庫全書有還山遺稿文一卷詩一卷乃明嘉靖初南陽宋廷佐掇拾殘賸之本而永樂大典未經錄入則其集之亡在明以前矣又

四庫提要云考集中臂億記稱所著有還山前集八十一卷後集二十卷近鑑三十卷韓子十卷集言二十五篇硯纂八卷北見記三卷正統記六十卷所載與碑詳略不同然則當撰碑時奐所著書已多亡逸也正統記雖亡幸碑載其序例可以得其大指近鑑一書碑傳卷數懸殊至其紀號碑曰正大傳曰天興天興距金亡僅三年若正大以來尙得十年據碑稱正大初朝廷一新敝政君草萬言策指陳時病後知直道不容浩然有歸志然則近鑑一書因不上策而成者似碑所載爲確也顧彼君元詩選錄奐詩百零五首不知與宋廷佐所輯同否邵氏元史類編所引還山集中語亦不知所見何本皆當俟攷碑云丙辰冬十月員生自奉天東來持京兆宣撫使商挺孟卿所撰行狀以墓碑爲請員生似卽奐臨終時執筆畱詩之門生員擇其人無攷元詩選有員炎小傳稱其字善卿衛州人歲己亥故人楊奐主漕洛師愍其饑用監嵩州酒已而隨所徵上謁奐方據案坐堂上吏鳧雁行立炎挂布囊掖下杖巨梃直前曰楊使君不相知置我于此吾不能爲汝再辱遂揖而去此人當

是員擇族人碑不載己亥年事亦可廣碑所略史  
商挺傳字孟卿曹州濟陰人年二十四汴京破北  
走依冠氏趙天錫與元好問楊奐遊東平嚴實聘  
為諸子師癸丑世祖在潛邸受京兆分地間挺名  
遣使徵至鹽州楊惟中宣撫關中挺為郎中明年  
惟中罷廉希憲來代陞挺為宣撫副使據此則其  
時宣撫使是廉希憲挺實為副疑遺山集脫副字  
也

國書碑

碑連額高七尺廣二尺五寸二十  
三行字數多寡不等連額並國書

馬利也戊天文伏丢夏冬早良額

良題  
馬利也戊天文伏丢夏冬早良

口戛又与无乱夫成戊乘史孟支午土月

五日右丙言馬土宅斥吏道

右口 祖人丁吳當夏若夫早斥天勇中

又千口矢口口占別东全昂戊口反口口

口屏百力亦斥也半北榮夏又刮宙外焉杰

尸犬并卒良弓竿东斥殊并口字五又外

史在右穴斥史斥卓初东全央口反戊庚中

走夷帝人米斥于巾史口文史夏升口升

口舌戍右子口艾东口中口史夫斥牙利

金口亩丑吳又巾亩并支外文庚史斥各為

更更天竿判金若父亩五九夫天支太升史

并父先布史口口乃生阜亩立丹亩 光中斥

口口戊更夫号口口致口口冬父冬米用

夫冬而吳草盾刻吉丙史父为休父手卦反戊类

夷壳大仕在初岸余亲男艾采文父文孔鼎

口口右反早米未米天亩斥今父冬米風

丢丙艾艾芳休太为早卒車全平口先口口右

夫亩人男小由夫号亩茶此初並庚戊于偏央

而牛殊味史亩六中戊文辛甫保夫九甫史斥

口斥布今斥关束朱更全亮文志并布又手妻并

夫赤母辰土阿亲果丑丑五偏并史并史合天奇

及我天文正卷兮

初成布外史何房口口口厚父行更及史手庚

由英父与去 胤代余胤亮文吳崇崇素

史又也

显至亮夷单并林斥久火斥右半丞外灵祇申以

付口口英灵

伏氏斐致

舟利注 市为刃布 不吏天旅 命角飛 侯于

亦天天旅 其何忍 啜戾史 丢灵用 又事于

林伐天旅 迄火若 卒悉休 豈友半 申以义 余

麻生

麻灭茶 故天旅 补岂 早令 更人 祿 祭 券 壹

丑月廿日 取东 表 稟 草 天 斐 矣 芳 芥

十月廿三日

呈道王 及 伐 畝 吏 虎 岸 每 更 丙 斥 亮 大 斥 外 斐 戈

冬后 半 伴 斥 可 矣 久 均 丈 矣 豈 采 予 受 此 案 兩

茂日

冬友 父 亥 古 并 袁 夫 比 半 命 更 厚 斥

冬友 苗 中 斐 亥 冬 右 斧 何 戈 宗 史 瓊

尤 伍 父 斥 斥 丙 申 斥 九 五 禾 口 史

有 父 氏 苗 友 压 示 肩 别 口 口 口 史

冬 米 厥 余 口 口 口 口 卉 口 亩 逆 市 口 口 口 史

冬 火 車 丙 亥 朝 末 丙 亥 丙 亥 申 年 亥 米 冬 合 亥

冬 亥 元 口 保 肉 皮 申 年 亥 米 六 口 口 口 史

冬 亥 元 口 亥 苗 中 冬 亥 米 冬 亥 米

冬 亥 元 口 卓 美 也 亥 存 口 口 口 史

出矣 口 口 口 口 口 口 亩 孟 育 辰 米 五 辰

尤 伍 今 各 口 口 口 口 卉 半 亦 因 口 口 口 史

禾 申 兕 申 年 亥 米 尚 丙 丙 亥 申 亥 米 亥 亥

禾 个 类 口 口 史 口 史 亥 禾 米 亥 亥 亥 亥

口 亥 及 舌 口 口 口 口 厚 洋 丙 米 可 口 口

口 尤 伍 斧 冬 斧 仁 丙 史 五 亥

犀 竿 兼 及 丙 口 口 口 口 命 角 胤 此 别 口 口 口 史

口 禾 武 苦 冬 斧 亥 亥 亥 亥 亥 亥

夫 甬 元 亦 口 口 口 口 禾 口 口 束 口 口 口 史

欠 休 无 余 禾 口 口 束 口 口 口 史 未 亥 亥 亥

申 年 亥 米 亥 并 口 口 口 口 禾 亥 亥 亥

口 口 口 口 口 口 亥 亥 米 五 口 口 口 史

申 金 斧 弔 口 子 月 七 廿 日 尚 火 亥 古 早 午

甫 市 丑 乘 吳 达 世 刃 余 卒 禾 央 斥 天 亦

侏 反 亥 卅 乃 五 达 口 口 口 史 致 呆 舌

按 此 碑 全 是 國 書 無 譯 文 不 能 知 其 所 紀 何 事 姑

依 碑 摹 錄 備 致 碑 文 間 有 漫 漶 僅 据 現 存 點 畫 摹

之 其 訛 與 否 俟 諸 博 識 者 攷 定 焉

齊 附

重 置 饒 益 寺 石 刻 記

石高一尺七寸二分廣二尺八寸  
二十行行十三字正書在朝邑縣

左馮之東南踰三十里縣曰朝邑由縣之直南林木蒼鬱小徑縈紆約十里有鎮曰新市鎮有寺曰饒益乃陝右之名藍也路當秦晉要衝枕山河之形勢自唐宋以來名臣賢士經由往返莫不稅駕投憩於此或題名於壁或留詩於牌不可勝數前後主僧慮歲漫滅悉勒之于石寺遭兵火焚毀殆盡如前人石刻往往埋沒於頽垣遺基之下抃承之領鎮事至此恨不及見饒益全盛之時實為不足每暇日命僮僕事錘築搜抉于荆榛瓦礫之間雖獲名公大臣行記詩刻例皆斷折訛缺讀之令人悲惋即其稍完者萃而置之於藏春軒壁莫後之游觀者興葺之不替然周覽環視必思其人焉特阜昌癸丑九月初一日東萊新市監趙抃謹記

饒益寺住持僧道顯立石

抃自署為新市監金史地里志朝邑縣有新市鎮是也寺在鎮之西梁天監中建唐貞觀二年起浮圖以明嘉靖地震圯文稱自唐宋以來名人賢士經由往返莫不於此題名主僧勒之于石案今題名惟宋政和中賈炎謝卿材二石尚存唐人名跡皆無之矣

金石記

按今之同州府在後漢時謂之左馮翊建安初乃

置馮翊郡碑故云左馮之東南縣曰朝邑也饒益寺在縣南十里今尚有鎮名新市者藏春軒壁即藏春塢關中金石記云今惟宋政和中賈炎謝卿材二石尚存謝卿材賈炎二題名已錄見前謝題乃元豐六年三月賈題亦宣和六年四月皆非政和中關中記偶誤耳此記刻於癸丑為阜昌三年劉豫自阜昌二年金太宗定陝西以其地賜豫故同州境地為豫所有刻石紀年乃用阜昌也趙抃為監鎮之官而乃哀聚石刻於兵亂之餘俾垂久遠可謂好古者矣

孟邦雄墓誌

石高三尺七寸廣三尺八寸四十四  
行行四十四字正書在偃師縣亭

大齊故贈通侍大夫徐州觀察使知河南軍府事兼西京留守河南府路安撫使馬步軍總管兼管內勸農使孟公墓誌銘

朝奉大夫前祕書少監編修國史賜紫金魚袋李杲卿撰

尚書禮部太史局中官正賜緋魚袋李肅書口篆蓋公諱邦雄字彥國西京永安人也 曾祖諱順妣安氏

祖諱晏妣趙氏累葉不仕 考諱恩贈口口大夫母

口氏封恭人 公為兒詩已剛介不羣既壯強鷲善騎

射以氣聞里中賢豪有能談兵者必屈折禮事以異有

得焉而後已用是諸家兵法略知大義前宋靖康建炎

間中原喪亂盜賊蜂起嗣王走江浙海內洶洶遽相殘

噬公乃招集亡命旬月間得萬人號曰義師保全一方

力拒羣盜京城留守使司嘉其忠義便宜借補進義校

尉兼差權永安縣尉既而借補承信郎權知永安軍事

累遷修武郎京西北河東路招捉使以 公有心力

能撫軍眾便宜補敦武郎兼閭門祗候仍差河南府西

六縣都巡檢建炎三年三月本路安撫使司改差知汝

州寶豐縣四年正月累獲大功京城留守使司便宜遷

武功大夫榮州刺史仍差權知河陽南城兼管內安撫

使四月差充京城留守司同簽書判官廳公事兼主管

侍衛步軍司仍遷右武大夫榮州團練使許從便宜五

月遷翊衛大夫六月遷中亮大夫改忠州防禦使

大齊開基阜昌改元 公適時知變乃以中亮大夫忠

州防禦使權知河南府兼西京留守管內安撫馬步軍

總管司公事兼管內勸農使歸附 聖朝 朝廷

優加顯秩遷中侍大夫依舊忠州防禦使餘並如故

公迺謂人曰大丈夫事主當一心建功立名期不朽豈

可乍服乍叛以速夷滅哉方思建立以固恩寵適京西

北路安撫總管翟興阻兵負險隔絕道路跳梁不軌殘

忍尤甚 公迺厲志竭忠乘機奮發勸督將士協力赴

功竟致渠魁破蕩巢穴厥績顯著 天子嘉之乃遷

徐州觀察使自是西至關中南至漢上凡兵火隔絕曠

日人迹不通之地一旦水陸舟車田野耒耜賈游於市

商通於路 朝廷得以車書隴右開拓巴蜀皆 公

之力也十月 皇帝遣使賜金帶以光寵之三年六

月 宣詔赴關上殿 皇帝問以邊事辯對稱

旨無所凝滯 天子愛之賜廣撫封俾臨一路仍

正使號增重帥權特授依前中侍大夫徐州觀察使知

河南軍府事兼西京留守河南府路安撫使馬步軍總

管兼管內勸農使明年正月西賊叛逆順商號三州相

繼變亂虜掠百姓攻圍城邑大兵未集遽入西洛 公

不幸被執賊留之軍中意欲活而用之公乃毅然不屈

請即死之遂力被害享年四十六先是厥 父恩被傷

致殞男安世同日被禍三世忠孝萃于一門舍生取義

不失全節方之古人殆無媿也 朝廷哀憫其忠義

贈通侍大夫賜錢千緡及賻贈羊酒米麥等差諸縣夫

人

役百人以助葬事許其弟武經大夫闔門祇候河南府  
路副總管邦傑不妨本職以領葬事七月二十日癸酉  
葬于永安軍芝田鄉蘇村之原公娶劉氏封恭人男一  
人安世贈朝奉郎女二人並未嫁俟嫁日各賜夫承節  
郎 公天性純厚明敏辯博事父母尤孝能以智帥人

與士卒同勞苦資糧與均故人棄任使多立奇功其在  
西洛不唯威聲四馳見於將略至於撫衆治民政平訟  
理皆出慈歎有古良吏風古之爲將者或以智略或以  
壯勇或以死節苟得其一不害爲名將後世將弱兵驕  
其能智略壯勇與夫死事奇節顯顯名世者幾希故其  
何敵之來往往內懷怯心外露威色畏避矢石不敢前  
臨時去就心挾二三幸勝則要功力屈則降敵若人者

安能死節王事願死馬革中以報 國家哉 公獨  
能兼是數者卒死忠義並驅古人非天賦英烈未易如  
是也僕不識 公之面友人將仕郎黃億實客於  
公之舍一日狀 公行事之實見祝爲文辭不獲已因  
爲之銘曰

帝造區夏 志清多壘 兇醜跳梁 速詠千紀 公  
適時變 赤心款附 氣吞羣盜 亂庶遏沮 帝用

嘉之 以廣撫封 正彼使號 以旌有功 留鎮西

洛 克服商號 舟車隴蜀 咸底偉績 董賊亂常  
兇焰熾張 死節被執 斷頭不降 以忠捐軀  
禍及三世 死馬革中 是謂得志 帝用憫之 厚  
葬斯舉 錫以千緡 贈以異數 口安窀穸 永口  
幽宅 巍巍嵩高 與功無極

汴京楊青刊

碑新出土字蹟工秀得虞褚規模良可愛也阜昌爲

劉豫年號豫以宋建炎四年爲金所立 中州金石記

億按孟邦雄事附劉豫傳後云孟邦雄發永安陵即

其人也今邦雄墓亦爲土人掘井出之獨匿此石五

十餘年予宛轉屬覓構之乃詳其始末蓋邦雄永安

人自劉豫僭號遂降豫授僞職至中侍大夫徐州觀

察使知河南軍府事兼四京留守河南路安撫使馬

步軍總管兼管內勸農使案四京以史證之豫升東

平爲東京改東京爲汴京又僭位大名及河南府西

京并爲四京誌文所云四字蓋謂是也誌稱京西北

路安撫總管翟興阻兵負險隔絕道路跳梁不軌殘

忍尤甚公乃厲志竭忠乘機奮發勸督將士協力赴

功竟致渠魁破蕩巢穴攷與本傳爲京西北路安撫

制置使兼京西北路招討使此文乃易安撫招討名

爲總管又傳劉豫將遷汴以興屯伊陽憚之遣蔣頤持書誘興以王爵興斬頤焚其書誌文謂興跳梁不軌殘忍尤甚當指於此至傳所云豫計不行乃陰遣人啗裨將楊偉以利偉殺興攜其首奔豫則此誌以邦雄勸督將士竟致渠魁是於興之隕歿皆由邦雄所致與史頗不相符惟與本傳內小註或云路偉爲內應以兵徑犯中軍與奮擊墜馬死則邦雄乘機奮發卽當時以兵犯中軍者事亦或然也然則史小註宜爲可據而傳故兩存之也

僞師金石錄

按誌云邦雄西京永安人也葬于永安軍芝田鄉

蘇村之原今河南府鞏縣宋景德四年析置永安

縣金貞元元年改名芝田縣元時廢入鞏縣所謂

芝田縣者蓋卽以鄉爲名則邦雄葬所當在鞏縣

地此石不知何以入於僞師誌載翟興阻兵負險

事以宋史傳攷之在紹興二年亦卽阜昌二年此

誌蓋脫二年字也其云西賊叛逆順商號三州相

繼變亂虜掠百姓攻圍城邑云云宋史劉豫傳紹

興二年二月知商州董先以商號二州叛附豫十

二月襄陽鎮撫使李橫敗豫兵於揚石乘勝趨汝

州僞守彭玘以城降三年正月庚申李橫破頰頤

軍僞守蘭和降壬戌敗豫兵于長葛甲子橫引兵

至頰昌府攻下之三月豫聞橫入頰昌求援于金

豫亦遣將逆戰橫敗績橫軍本羣盜恃勇無律勝

則爭取子女金帛故及於敗四月陷號州誌所稱

西賊似卽指李橫然銘詞有云董先亂常兇焰熾

張死節被執斷頭不降是邦雄死于董手不知董

爲何人豈卽董先耶誌云黃德狀公行事之實見

祝爲文祝與囑同音猶今人言見囑也據本字文

義亦卽祈禱之意猶言祈求也

### 勅祭忠武王碑

碑連額高九尺廣四尺作兩截上截祭文省牒共三十一行行二十四字下截記二十三行行二十七字

正書篆額在宜川縣

將仕郎臣王龍書

進功郎臣孟醇篆額

維阜昌六年歲次乙卯九月辛未朔二十一日辛卯

皇帝遣武節大夫閭門宣贊舍人權知丹州軍州事兼

管內安撫司公事兼勸農事劉議昭薦于 咸寧郡

王維 神昔奮節義爲時名臣當奉天之難唐室傾

危致命匡主克殄妖氛載在信史勳庸蔚然故能死而

不朽廟食咸寧英爽靈靈如生有所必應民受賜焉迺

者時兩入憲官僚精禱挹彼 靈祠之清泉遂獲嘉

樹槁苗勃興歲事有成長吏以聞深切嘉歎是用祇遣

使人持此名薰式陳明薦庶蒼 神休維 神其監

之尚 饗

尙書禮部

都省付下本省奏禮部呈丹州知州劉議奏為春旱率

吏民詣唐 咸寧郡王謚字犯 武渾城廟祈雨不

及旬日遂獲霑足契勒渾城前朝雖曾用當時謚號真

封兼所賜封爵今來正犯 徽祖皇帝廟諱合行

迴避欲望以今來祈禱有應民賴生全特加美號八月

十三日奏得 聖旨指揮封爵犯 廟諱字依已

降 指揮不須別改外內祈雨感應事依已降 指揮

只特嚴潔 勅祭以謝今具下項須至符下一恭

依 聖旨差使臣張整賞 御香祝版前去

一勅祭用籩豆貳簋簋壹牲牢止用少牢壹牲幣帛壹

其合用篚箱壘洗酒罇爵盞燎草差官行禮儀制並令

本州差長吏依祭祀社稷禮數排辦行禮簋貳壹實鹿

脯壹實魚脯貳壹實芹壹實鹿藿闕以 羊代 簋壹實稻米

盛壹實黍米俎案壹羊脰幣帛壹長壹丈捌赤小赤丹

州主者仰恭依前項 聖旨指揮排辦行禮施行

符到奉行

阜昌六年八月 日下

員外郎押

員外郎押

唐將咸寧郡渾王在德宗朝為時名臣履折衝之任禦

侮定亂休功偉績著在信史貞元中繇樓煩郡王徙封

咸寧追謚忠武後世興建祠宇血食茲土從本封也丹

陽之民蒙賴德澤凡有祈禱應若影響阜昌乙卯歲自

春徂夏久旱不雨民心皇皇郡刺史躬率吏民敬謁祠

下屢獲嘉應前此以守臣有請雖錫真封然止因舊謚

未足以稱褒崇之意仍以封號犯 徽祖廟諱抗

章有請乞別加美號以荅 神休九月辛卯

天子遣使者頒 尺一詔書賞 御香祝版

太常定儀式以祀社稷禮遣守臣武節大夫閭門宣贊

舍人權知丹州軍州兼管內安撫司公事兼勸農事劉

議 勅祭祠下是日也秋高氣爽祥烟瑞靄飛浮

棟宇巖谷生光士民口口 神人交慶咸以謂自

貞元迄今寥寥數百年 神之功烈被民垂光後世

荐被褒嘉寔一時之盛事而 聖天子不以踈遠

為間嘉良吏二千石愛民之意特垂 聽納如與



輔相近臣都俞於一堂之上以成康濟之功盛美流口

口口歆羨莫不嘆服而仰慕豈不韙歟阜昌七年正月

初四日奉議郎權丹州軍事推官臣王蔚謹記

承議郎權丹州軍事推官臣王蔚

朝奉大夫特差權通判丹州軍州事兼專一管內勸

農事臣張元

武節大夫閤門宣贊舍人權知丹州軍州兼管內安

撫司公事兼勸農事臣劉議

立石 刊字人臣麻永

碑為偽知丹州軍事安撫使劉議立議以渾忠武王

諡犯徼祖廟諱抗章請避徼祖者豫之祖也李心傳

繫年要錄稱紹興二年四月庚寅豫遷都汴奉祖考

于宋太廟尊其祖忠曰毅文皇帝廟號徼祖宋史以

為四月丙寅非庚寅者誤也是月壬戌朔庚寅月之

廿九日也史又云豫召迪功郎王寵不至此記為寵

所書不至之說恐未必是孟醇趙宗室王蔚字叔文

史有傳關中金石記

按忠武王渾城廟在延安府宜川縣城東南五里

鳳翅山谷廟中有惠澤泉歲早禱於此唐書渾城

傳城以平朱泚論功受封孫樓煩郡王徙咸寧唐

之咸寧至宋太平興國初省入宜川屬丹州故宜

川有廟即城所封之地也城在唐本封咸寧郡王

宋元豐中追封忠武王亦即城之蓋也文避劉豫

祖諱仍稱咸寧郡王此碑因旱禱雨有應有司上

請遂降香勅祭所謂挾彼靈祠之清泉者即惠澤

泉也碑首云阜昌六年歲次乙卯劉豫以宋建炎

四年九月為金所立奉金正朔仍稱天會八年十

一月改明年元為阜昌明年者辛亥年也則乙卯

是五年此云六年者連初立之始年勅祭在六年

而立碑在七年逾年十一月而豫廢矣

禹蹟圖

圖高廣各三尺四寸二分在西安府

禹蹟圖

圖不繪 圖劉豫時刻效豫以宋紹興元年為金所立則是年

當丁巳亦金天會之十五年也每折地方百里所載

山川多與古合唐宋以來地圖之存惟此而已攷宋

毛晃禹貢指南稱先儒所刻禹蹟圖黑水在雍州西

北而西南流至雲南之西南乃有黑水口東南流而

入南海中間地里潤遠今此圖黑水與毛說合是為

宋以前相傳之舊也唐書稱賈耽繪海內華夷圖廣

三丈縱三丈三尺以寸爲百里中國本之禹貢外夷  
本班固漢書古郡國題以墨今州郡題以朱豈此圖  
之權輿與圖象之學自古重之山海經前五篇乃伯  
益經其後十二篇爲周秦以來釋圖之言故往往雜  
以後代郡縣今案其文有云在其東或在其北云捕  
魚水中云兩手各操一蛇云右手指青邱北之屬皆  
據形言之耳山海經本有圖故陶潛以之入詩張駿  
郭璞以之作讚始知班固載文志入之形家有以也  
不知者乃以爲域外之言堪輿之學非聖經矣又史  
記言蕭何收秦圖書大宛傳言昆侖天子案古圖書  
三王世家有御史奏輿地圖漢書言李陵圖所過山  
川地形元帝示後宮人單于圖明帝賜王景禹貢圖  
又班固案秦地圖虞喜志林薛瓚注漢書皆案漢輿  
地圖晉書言裴秀自製禹貢地域圖十八篇李吉甫  
元和郡縣圖志言起京兆府盡隴右凡四十七鎮每  
鎮皆圖在篇首今俱不存則此圖之傳良足寶矣地  
理之學古今互異試條其得失附以鄙証爲讀禹貢  
者有所採也 又案圖嶠冢山在秦州東南深合自  
漢以來相傳之說放水經禹貢山水澤地所在言嶠  
冢在隴西氏道班固地理志言在隴西縣漢氏道

及西縣治皆在今秦州自魏收地形志以嶠冢山爲  
在華陽郡嶠冢縣括地志元和郡縣志並承其誤山  
乃移今之寧羌州矣然唐人猶兩存其說據魏收以  
駁班固自胡渭禹貢錐指始 又案圖西漢水出秦  
州南至涪州入江東漢水出興元府東至漢陽入江  
亦合于班固地理志之說其圖西漢水不通于東漢  
則不合于古何則余嘗謂禹貢言嶠冢導漾是言水  
之在今甘肅秦州者也東流爲漢是言水之在今陝  
西漢中府者也又東爲滄浪之水則言水之在今湖  
北省者也西漢至寧羌州西北有水通于東漢班固  
所云東漢水首受氐道水郭璞爾雅音義謂之潛水  
水經注謂之通谷水括地志謂之復水云出利州縣  
谷縣龍門山今俗以爲燕子河也其水于圖當自興  
元府南承東漢水流至利州北合于西漢而殊未之  
及今四川廣元縣是唐宋利州治寧羌州是其東北  
境龍門山在州北百五十里卽李吉甫所云利州東  
北有龍門山者也樂史又云龍門山下有燕子谷或  
水之所以名矣郭璞旣稱舊云卽禹貢沱潛缺之非  
也 又案圖黑水是三危之黑水黑水實有二余攷  
華陽黑水惟梁州孔安國言東據華山之南西距黑

水張守節史記正義案括地志黑水源出梁州城固

縣西北太山以此釋梁州黑水較長酈道元案諸葛

亮賸稱朝發南鄭暮宿黑水卽此諸家解書以二黑

水爲一非也今水在漢中府城固縣西北五里案圖

漆沮之洛至同州南入于河古說皆入渭是洛自宋

金時改流入河近韓邦靖著朝邑縣志云洛水明成

化改流入河不察甚矣 又案圖無漆沮蓋洛卽漆

沮孔安國書傳水經見史記注晉灼所引今本無之闕駟皆言是也

李季卿三墳記石刻亦云漆沮泛溢馮翊昏墊是唐

人猶存其說矣漢人言漆縣西有漆水入渭在今麟

遊縣合雍入渭者爲詩自土沮漆之漆古但有兩漆

水耳水經注洛水下又有漆水又遁甲開山圖長安

西有漆渠俱非禹貢之漆然自樂史宋敏求以來所

在多漆水矣關中金石記

華夷圖

圖高廣各三尺四寸二分在西安府

華夷圖

右華夷圖不著刻人名氏題云阜昌七年十月朔岐

學上石蓋劉豫時所刻其年十一月豫爲金人所廢

阜昌之號終于此矣唐貞元中宰相賈耽圖海內華

夷廣三丈從三丈三尺以寸爲百里斯圖蓋仿其製

而方幅縮其什之九京府州軍之名皆用宋制開封

爲東京歸德爲南京大名爲北京惟河南不稱西京

未詳其故也碑云四方蕃夷之地賈魏公圖所載凡

數百國今取其著聞者載之又參考傳記以敘其盛

衰本末至如西有沙海諸國西北有奄蔡北有首利

幹東北有流鬼以其不通名貢而無事于中國故略

而不載此亦見其去取之不苟矣潛研堂金石文跋尾

按禹蹟華夷二圖高廣尺寸相同禹蹟圖界方格

每方折地百里列禹貢山川名古今州郡名古今

山水地名阜昌七年四月刻石華夷圖阜昌七年

十月刻圖中所載多及宋朝通貢之語有建隆乾

德寶元年號其爲宋時所圖固無可疑然其稱契

丹云卽今稱大遼國其姓耶律氏似乎作圖猶及

遼盛時又渤海夫餘之間有女貞國名女貞一作

女真避宋仁宗諱改名女直然在宋則避之遼人

尙仍其舊稱以此證之疑是遼人所繪故有大遼

字若是宋人則當避貞字若金人則宜加大金之

稱說矣然遼以幽州爲南京此圖仍作幽字而宋

之四京獨詳其三又似宋人所作甚不能臆定也

劉豫以七年十一月丙午被廢而十月朔尙刻華  
夷圖者蓋廢豫之舉不過奉詔降封並無干戈擾  
攘之事僞齊全境恬然安之當刻此圖之時初不  
料逾月卽亡也兩碑但紀歲月不著所以刻石之  
故而華夷圖則有岐學上石字殆由學校中得此  
二圖舊本刻石以示諸生耳餘說已詳關中金石  
記不複述

金石萃編卷一百五十九終

金石萃編

卷一百五十九

齊

十二



金石萃編卷一百六十

賜進士出身 誥授光祿大夫刑部右侍郎加七級王昶撰

南詔

南詔德化碑

碑前半已剝蝕殆盡石約高一丈三尺一寸廣八尺六寸行數不可考每行約九十字行書在雲南大理府

清平官鄭同撰

恭聞清濁初分運陰陽而生萬物川嶽既列樹元首而定八方道治則中外寧政乖必風雅變我贊普鍾蒙國

大詔性業合道智觀未萌隨世運機觀宜撫衆退不負

德進不慙容者也王姓蒙字閣羅鳳大唐特進雲南王

越國公開府儀同三司之長子也應靈傑秀含章誕生

日角標奇龍文表貴始乎王在儲府道隆三善位卽重

離不讀非聖之書嘗學字人之術撫軍屢聞成績監國

每著家聲唐朝授右領軍衛大將軍兼陽瓜州刺史洎

先詔與御史嚴正誨謀靜邊寇先王統軍打石橋城差

詔與嚴正誨攻石和子父子分師兩殄兇醜加左領軍

衛大將軍無何又與中使王承訓同破劍川忠續載揚

賞延于嗣遷左金吾衛大將軍而官以材遷功由幹立

朝廷照鑒委任兵權等拜特進都知兵馬大將二河既

宅五詔已平南國止戈北朝分政而越折詔餘孽千胎

待鋒稍驅瀘江結彼兇渠授我邊鄙飛書遣將皆執拒

違詔弱冠之年已負英斷恨茲發醜敢逆大隊固請自

征志在掃平曩千贈之頭傾伏藏之穴鑿稍盡獲寶物

竝歸解君父之憂靜邊隅之嚴制使奏聞酬上柱國天

寶七載先王卽世皇上念功旌孝悼往撫存遣中使黎

敬義持節用襲雲南王長男鳳迦異時年十歲以天寶

入朝授鴻臚少卿因用襲次又加授上卿兼陽瓜州刺

史都知兵馬大將既御厚眷思竭忠誠子弟朝不絕書

進獻府無餘月將謂君臣一德內外無欺豈期奸佞亂

常撫虐生變初節度章仇兼瓊不量成敗妄奏是非遣

越嵩都督竹靈情置府東發通路安南賦重役繁政苛

人弊被南寧州都督樊歸王昆州刺史樊日進梨州刺

史樊祺求州巽守懸螺山大鬼主巽彥昌南寧州大鬼

主巽崇道等陷然竹倩兼破安寧天恩降中使孫希莊

御史韓洽都督李宓等委先詔招討諸蠻畏威懷德再

置安寧其李宓忘國家大計躡章仇詭縱務求進官榮

宓阻扇東巽遂激崇道令歛歸王議者紛紜人各有志

王務漫亂萌思紹先績乃命大將軍段忠國等與中使

黎敬義都督李宓又赴安寧再和諸蠻而李宓矯僞居

心尚行反間更令崇道謀煞日進東粵諸酋竝皆驚恐

日歸王崇道叔也日進弟也信彼讒構煞戮至親骨肉

既自相屠天地之所不祐乃各興師召我同討李宓外

形中正伴假我郡兵內蘊奸欺妄陳我違背賴節度郭

虛己仁鑒方表我無辜李宓等彼貶流崇道因而亡潰

又越嶺都督張虔陀嘗任雲南別駕以其舊識風宜表

奏請為都督而反誑賊中禁職起亂階吐蕃是漢積讐

遂與陰謀擬共滅我也誠節王之庶弟以其不忠不

孝貶在長沙而彼奏歸擬合問我二也崇道茂盟構逆

罪合誅夷而却收錄与宿欲合讐我三也應與我惡者

竝授官榮与我好者咸遭抑屈務在下我四也築城收

質繕甲練兵密欲襲我五也重科自直倍稅軍糧徵求

無度務欲餓我六也于時馳表上陳屢申冤枉皇上照

察降中使賈奇俊詐覆屬登臣無政事以賄成一信虔

陀共掩天聽惡奏我將叛王乃仰天嘆曰嗟我無事上

蒼可鑒九重天子難承咫尺之顏萬里忠臣豈受奸邪

之害即差軍將楊羅頭等連表控告豈謂天高聽遠

點成瑕難布腹心不蒙矜察管內西渠等皆曰主辱臣

死我實當之自可齊心戮力致命全人安得知難不防

坐招傾敗於此差大軍將王毗雙羅時口牟苴等揚兵

送檄問罪府城自秋畢冬故延時序向竹王命賈雪事

由豈意節度使鮮于仲通已統大軍取南谿路下大將

軍李暉從會同路進安南都督王知進自步頭路入旣

數道合勢不可守株乃宣號令誠師徒四面攻圍三軍

齊奮先靈冥祐神炬助威天人協心軍羣全拔

虔陀飲醜察庶出走王以為惡止虔陀罪豈加眾舉城

移置猶為後圖即便就安寧再申哀懇城使王克昭執

敬味權繼違拒請遣大軍將李克鐸等帥師伐之我直

彼曲城破將亡而仲通大軍已至曲靖又差首領楊子

興雲南錄事參軍姜如之齋狀披雪往因張卿讒構遂

令蕃漢生猜贊善今見觀嬰淚穹或以眾相威或以利

相導儻若蚌鵝交守恐為漁父所渝伏乞見存見亡在

得思失二城復置幸容自新仲通殊不招承功至江口

我又切陳丹款至于再三仲通拂諫棄親阻兵安忍吐

發唯言屠戮行使皆祇訊呵仍前差將軍王天運帥領

驍雄自點蒼山西欲腹背交襲於是具牲牢設壇理叩

首流血曰我自古及今為漢不侵不叛之臣今節度背

好貪功欲致無上無君之討敢昭告於皇天后土史祝

盡詞東北稻自舉國痛切山川黯然而誠感神風雨震

需遂宣言曰彼若納我猶吾君也今不我納即吾讐也

斷軍之機疑事之賊乃召卒伍惘然登陣謂左右曰夫至忠不可以無主至孝不可以無家卽差首領楊利等於溟穹參吐捧御史論若贊御史通變察情分師入救時中丞大軍出陳江口王審孤虛觀向背縱兵親擊大敗彼師因命長男鳳迦異大軍將段全葛等於丘遁和拒山後贊軍王天運懸首轅門中丞逃師夜遁軍吏欲追之詔曰止君子不欲多上人况敢凌天子乎旣而合謀曰小能勝大禍之胎親仁善鄰國之寶遂遣男鐸傳舊大酋望趙佺鄧揚傅磨仲及子弟六十人齎重帛珍寶等物西朝獻凱屬贊普仁明重酬我勳効遂命宰相倚祥葉樂持金冠錦袍金寶帶金帳狀安扛金鞍銀獸及器皿珂貝珠毬衣服駟馬牛糶等賜爲兄弟之國天寶十一載正月一日於鄧川冊詔爲贊普鍾南國大詔授長男鳳迦異大瑟瑟告身都知兵馬大將凡在官僚寵幸咸被山河約誓永固維城改年爲贊普鍾元二年漢帝又命漢中郡太守司空襲禮內使賈奇俊帥師再置姚府以將軍賈權爲都督僉曰漢不務德而以力爭若不速除恐爲後患遂差軍將王兵各絕其糧道又差大軍將洪光乘等神州都知兵馬使論綺里徐同園府城信宿未踰破如拉朽賈權面縛士卒全驅三年漢又

命前雲南郡都督兼侍御史李宓廣府節度何履光中使薩道懸遜忽素隴英豪兼安南子弟頗營隴坪廣布軍威乃舟楫備修擬水陸俱進遂令軍將王樂寬等潛軍襲造船之師伏屍遍昆舍之野李宓猶不量力進逼遂川時神州都知兵馬使論綺里徐來救已至巴嶼山我命大軍將段昉克等內外相應斃角競衝破弓不暇張刃不及發白日晦景紅塵翳天流血成川積屍壅水三軍潰衄元帥沉江詔曰生雖禍之始死乃怨之終豈顧前非而忘大禮遂收亡將等屍祭而葬之以存恩著五年范陽節度安祿山竊據河洛開元帝出居江劍贊普差御史贊郎羅于惹結齋勅書曰樹德務滋長去惡務除本越勳會同謀多在我圖之此爲美也詔恭承上命卽遣大軍將洪光乘杜羅盛段附克趙附于望羅邏王邏羅奉清平官趙佺鄧等統細于藩從昆明路及宰相倚祥葉樂節度尙檢贊同伐越嶺詔親帥太子潘圖逼會同越嶺固拒被僉會同請降無害子女玉帛百里塞途牛羊積儲一月館穀六年漢復置越嶺以楊庭堪爲都督兼固臺登贊普使來曰漢今更置越嶺作授昆明若不再除恐成滋蔓旣舉奉明旨乃遣長男鳳迦異駐軍瀘水權事制宜令大軍將楊傅磨仲欺急歷如數



道齊入起舊再掃臺登滌除都督見擒兵士盡擄於是

揚兵邛部而漢將大奔迴師昆明傾城稽顙可謂紹家

繼業世不乏賢昔十萬橫行七擒縱略未足多也爰有

彝傳疇壤沃饒人物殷濟南通渤海西近大秦開闢以

來聲教所不及義皇之後兵甲所不加詔欲革之以衣

冠化之以義禮十一年冬親與寮佐兼總師徒刊木通

道造舟為梁耀以威武喻以文辭欽降者撫慰安居抵

口者頸繫盈貫矜恩解縛擇勝置城裸形不討自來祁

口望風而至且安寧雄鎮諸巽要衝山對碧雞波環碣

口鹽池鞅掌利及祥歡城邑綿延勢連戎楚乃置城監

口輯捕離遠近因依間櫛比十二年冬詔候隴省方

觀俗恤隱次昆川審形勢言山河可以作藩屏川陸可

以養人民十四年春命長男鳳迎異於昆川置拓東城

居二詔佐鎮撫於是威懾步頭恩收曲端頌誥所及翕

然俯從我王氣受中和德含覆育才出人右辯稱

世雄高視則卓爾萬尋運籌則決勝千里觀數而動因

利興功事叶神衷有如天啓故能攻城挫敵取勝如神

以危易安轉禍為福紹開祖業宏覃王猷坐南面以稱

孤統東偏而作主然後修文習武官設百司列尊叙卑

位分九等闡二教賓四門陰陽序而日月不愆賞罰明

而奸邪屏跡通三才而制禮用六府以經邦信及豚魚

思需草木巨塞流潦高原為稻黍之田疏決陂池下隲

樹園林之業易貧成富從有之無家饒五畝之桑國貯

九年之廩蕩穢之恩屢沾勤珍帛之惠遍及昔年設

險防非憑隘起堅城之固靈津蠲疾重巖湧湯沐之泉

越映天馬生郊大利流波濯錦西開等傳露輦出麗水

之金北接陽山會川收瑟瑟之寶南荒滌漢覆詔願為

外臣東慕悉歸步頭已成內境建都鎮塞銀生子墨箭

之鄉候隙省方駕憩于洞庭之野蓋由人傑地靈物華

氣秀者也於是屏象珍奇貢獻畢至東西南北煙塵不

飛遐邇無剽掠之虞黔首有鼓舞之泰乃能驥首邛南

平睥海表豈惟我鍾王之自致實賴我聖神天帝

贊普德被無垠威加有截春雲布而萬物普潤霜風下

而四海颯秋故能取亂攻昧定京邑以息民兼侮亡

而致理君主之美也時清平官段忠國段等銓等咸曰有國

立功效以建業業成不紀後嗣何觀可以刊石勒碑志

功頌德用傳不朽俾達將來成家世漢臣八王稱乎

晉業鍾銘代襲百世定于當朝生遇不天再罹衰敗頹

先君之遺德沐求舊之鴻恩改委清平用兼耳目心懷

吉甫愧無贊於周詩志効奚斯願齊聲於魯頌紀功述  
績寔曰鴻徽自願下才敢題風烈其詞曰

降祉自天 福流後孕 瑞應匪虛 正祥必信 聖

主分憂 遐夷聲振 襲久傳封 受符兼印 兼瓊

秉節 食榮構亂 開路安南 政殘東羸 竹倩見

屠 官師潰散 賴我先王 懷柔伏叛 祚不乏賢

先庸是繼 郡守詭隨 貶身遐裔 禍連虔陀

亂深豎髮 殃咎匪他 途豕自殲 仲遁制節 不

詢長久 徵兵海隅 頓營江口 矢心不納 白刃

相守 謀用不滅 逃師夜走 漢不務德 而以力

爭 興師命將 置府層城 三軍往討 一舉而平

面縛羣吏 馳獻天庭 李宓總戎 猶尋覆轍

水戰陸攻 援孤糧絕 勢屈謀窮 軍殘身滅 祭

而塋之 情由故設 贊普仁明 審知機變 漢德

方衰 邊城絕援 揮我兵戎 攻彼郡縣 越嵩有

征 會同無戰 雄雉嬌嗣 高名英烈 惟孝惟忠

乃明 乃哲 性性溫良 才稱人傑 邛瀘一掃 懷

軍郡雙滅 觀兵尋傳 舉國來賓 巡幸東嘉 懷

德歸仁 碧海效祉 金穴薦瓊 人無常主 惟賢

是親 土字克開 煙塵載寢 殺擊犁坑 輯熙華

品 出入連城 光揚衣錦 業匪万代之基 倉貯

九年之廩 明明贊普 揚子之光 赫赫我王 實

賴之昌 化及有土 業著無疆 河帶山礪 地久

天長 辯稱世雄 才出入 右 信及豚魚 潤深瓊

玳 德以建功 是謂不朽 石以刊銘 口口可久

其二 碑陰

四十一行俱書官名下 半刻餘字數無考正書

帶段忠國 清平官大軍將大金告身賞錦袍金

帶口口口 關下上 關口 垂皮衣楊傍佺 清平官小頗弥

告身賞錦袍金帶 關下上 關口 頗弥告身賞二色綾袍金帶燕

守口 清平官大金告 關下上 李口口 大軍

將開南城大軍將 關下上 關口 大大臣皮衣趙眉丘 大

軍將士曹長大頗弥口口賞紫袍金 關下上 口衣楊細口

大軍將賞一色綾袍金帶王琮羅鐸 大軍 關下

關口袍金帶兼大夫垂皮衣張驃口于 大軍將前

戶曹長拓東口 關下賞二色綾 關下上 綾袍金帶王波鐸

大軍將前法曹長大頗弥告身賞二色綾袍金帶

楊 關下 關口 軍將小金告身賞二色綾袍金帶楊羅望

大軍將小金告身賞錦袍金帶 關下 大軍將賞二色

綾袍金帶尹瑑遷 大軍將小金告身賞紫袍金帶

楊龍棟關身賞二色綾袍金帶尹附酋 大軍將

賞紫袍金帶趙口口口 大軍將兵曹關紫袍金帶

趙逸羅口關色綾袍金帶兼大皮衣孟綽望

軍將士曹長小銀告身賞紫袍金帶楊鄧佐關法

曹長小頗弥告身賞口口綾袍關大軍將小銀告身

賞二色綾袍金帶楊各酋 大軍將賞一色綾袍金

帶趙龙細利 客曹口口口弥告身賞二口綾袍關

上賞一色綾袍金帶口口羅疋 大軍將兵曹長小

頗弥告身賞紫袍金帶段君利 大軍將 小

銀告身賞關大軍將小銀告身賞二色綾袍金帶尹

口口 大軍將小銅關綾袍金帶周關賞二色

綾袍金帶唐酋口 大軍將賞紫袍金帶喻酋口

大軍將賞關倉曹長小銀告身賞二色綾袍金帶

兼大大臣皮衣口盛顯 大軍將賞紫袍金帶關

口定 大惣管小銀告身賞二色綾袍金帶兼大丞

皮衣口口口 軍將口法曹關綾袍金帶洪羅

棟 大惣管小銅告身賞二色綾袍金帶口

軍將兼關色綾袍金帶段旋忙湊 軍將戶

曹長小銅告身賞紫袍金帶口口堅 大惣管關

關忙湊 軍將羣牧大使小銀告身賞紫袍金帶楊

瑑白奇 都口口兼知表語小銀告身關和 大

惣管兼押衙小鑰石告身賞二色綾袍金帶石覆直

大軍將小銀告身口口口口段口口邏關帶李

奴鄧 客曹長賞紫袍金帶王 大軍將

小頗弥告身賞口口帶口諾地關弥告身賞紫袍

金帶阿忍 大軍將小頗弥口口紫關大軍將

賞二色綾袍金帶黑背口口 大軍將賞紫袍金帶

關口口 大口編賞紫袍金帶口白伽 軍將口

瑜石告身賞紫關軍將賞紫袍金帶兼大皮衣劉

望口口 軍將賞口袍金帶關軍將前兵曹口官小

銅告身賞紫袍金帶杜顯仰關趙充口口 軍將

兵曹副小銀告身賞紫袍金帶關盛 軍將士曹

副賞紫袍金帶楊鄧四羅 口口口口袍金帶口口

口口關軍將大鑰石告身賞紫袍金帶段關伽瑑

軍將賞紫袍金帶楊潯口口關軍將儻人佐揚

邏欵 軍將口紫關紫袍金帶尹求寬關將賞

紫袍金帶張趙邏 軍將賞紫袍金帶關軍將賞

紫袍金帶口口利 軍將口紫袍金帶關斂 詔

親大軍將大金告身賞二色綾袍金帶李外成直關

軍將兼白崖城大軍將大金告身賞二色綾袍金帶李  
下上 詔親大軍將小銀告身賞二色綾袍金帶李些豐  
下上 淨下上 詔親大軍將賞二色綾袍金帶放直 詔

親下上 金告身賞錦袍金帶獨磨下

按此碑文約三千八百字存者約八百字蓋泐其

三千字矣今取雲南通志所載文補其泐字注於

旁乃可讀也碑稱王姓蒙字閣羅鳳大唐特進雲

南王越國公開府儀同三司之長子也唐朝授右

領軍衛大將軍兼陽瓜州刺史累拜特進都知兵

馬大將加上柱國天寶七載先王即世上遣使持

節冊襲雲南王長男鳳迦異入朝授陽瓜州刺史

都知兵馬大將初節度章仇兼瓊奏遣越嚮都督

竹靈倩李宓等委先詔招討諸蠻王乃命大軍將

與李宓和諸蠻而李宓行反間東爨諸酋乃各興

師召我同討李宓妄陳我違背又越嚮都督張虔

陀誑惑中禁職起亂階于時馳表上陳屢申冤枉

皇上一信虔陀奏我將叛王乃連表控告天高聽

遠不蒙矜察節度使鮮于仲通等統大軍至曲靖

又齋狀披雪仲通殊不招承仍自點蒼山西欲腹

背交襲於是昭告皇天后土縱兵親擊大敗彼師

口口口鐸傳及子弟六十人西朝獻凱贊普賜為  
兄弟之國天寶十一載正月一日冊詔為贊普鍾

南國大詔授長男鳳迦異都知兵馬大將改年為

贊普鍾元二年十四年春命長男鳳迦異於昆川

置柘東城居二詔佐鎮撫時清平官段忠國段尋

銓等刊石勒碑志功頌德云云以唐書南蠻列傳

攷之南詔或曰鶴拓曰龍尾曰苴咩曰陽劔本哀

牢夷後烏蠻別種也夷語王為詔其先渠帥有六

自號六詔曰蒙雋詔越析詔浪穹詔邏跋詔施浪

詔蒙舍詔蒙舍詔在諸部南故稱南詔居永昌姚

州之閒鐵橋之南東距爨東南屬交趾西摩伽陀

西北與吐蕃接南女王西南驃北抵益州東北際

口巫王都羊苴咩城別都曰善闡府王蒙氏父子

以名相屬自舍危以來有譜次可考舍危生獨邏

亦曰細奴邏高宗時遣使者入朝賜錦袍細奴邏

生邏盛炎邏盛炎生炎閣武后時盛炎身入朝妻

方娠生盛邏皮喜曰我又有了子雖死唐地足矣炎

閣立死開元時弟盛邏皮立皮邏閣授特進封臺

登郡王炎閣未有子時以閣羅鳳為嗣及生子還  
其宗而名承閣遂不改開元末皮邏閣逐河蠻取

大和城又襲大釐城守之因城龍口夷語口坡陀  
 為和故謂大和以處閭羅鳳天子詔賜皮邏閣名  
 歸義當是時五詔徵歸義獨彊乃厚以利啖劍南  
 節度使王昱求合六詔為一制可歸義已并羣蠻  
 遂破吐蕃寢驕大入朝天子亦為加禮又以破溷  
 蠻功馳遣中人冊為雲南王于是徙治大和城天  
 寶初遣閭羅鳳子鳳迦異入宿衛拜鴻臚卿七載  
 歸義死閭羅鳳立襲王以其子鳳迦異為陽瓜州  
 刺史初安寧城有五鹽井人得煮鬻自給元宗詔  
 特進何履光以兵定南詔境取安寧城及井復立  
 馬援銅柱乃還鮮于仲通領劍南節度使下忿少  
 方略故事南詔嘗與妻子謁都督過雲南太守張  
 虔陀私之多所求丐閭羅鳳不應虔陀數詬斬之  
 陰表其罪由是忿怒反發兵攻虔陀殺之取姚州  
 及小夷州凡三十二明年仲通自將出戎舊州分  
 二道進次曲州靖州閭羅鳳遣使者謝罪願還所  
 虜得自新且城姚州如不聽則歸命吐蕃恐雲南  
 非大唐有仲通怒囚使者進薄白崖城閭羅鳳遂  
 北臣吐蕃吐蕃以為弟夷謂弟鍾故稱贊普鍾給  
 金印號東帝揭碑國門明不得已而叛當曰我上

世世奉中國累封賞後嗣容歸之若唐使者至可  
 指碑澡洗吾罪也按字書無洗字史文與碑詳畧  
 不同攷雲南通志古蹟載閭羅鳳刻二碑一曰南  
 詔碑在城西南注云天寶間閭羅鳳歸吐蕃揭碑  
 國門明不得已而叛西瀘令鄭回撰文今無可考  
 一曰蒙國大詔碑即德化碑也是南詔羣臣頌德  
 之碑注云在城北鄭回撰文杜光庭書今剝落殆  
 盡云云是南詔有二碑皆鄭回撰文其刻石國門  
 之碑朱子綱目系其事於天寶十一載此碑則在  
 大歷元年兩碑之立相距十五年而前碑已亡則  
 此碑雖剝落亦可貴矣碑陰上下皆闕中所存者  
 若姓名及告身袍帶之類皆無可攷其官名有口  
 平官大軍將兵曹士曹法曹倉曹戶曹客曹並口  
 長有副又有大惣管羣牧大使唐首口喻首口等  
 名色唐書南詔傳云官曰坦綽曰布燮曰久贊謂  
 之清平官所以決國事輕重猶唐宰相也曰首望  
 曰正首望曰員外首望曰大軍將曰員外猶試官  
 也幕爽主兵琮爽主戶籍慈爽主禮罰爽主刑勸  
 爽主官人厥爽主工館萬爽主財用引爽主客禾  
 爽主商賈皆清平官首望大軍將兼之然碑中所

載諸曹長副及總管羣牧之官則史所不載雲南  
通志雜紀卷載南詔官職王左右有羽儀長八人  
清平見王不得佩劍惟羽儀長佩之為親信有六  
曹長曹長有功補大軍將大軍將十二與清平官  
等列自曹長以降繫金佉苴尚絳紫有功加錦又  
有功加金波羅即虎皮也此所載較史為詳可與  
碑陰參攷然史有云西人不蠶剖波羅樹實狀如  
絮紐縷而幅之則波羅是樹名非虎皮也

崇聖寺鐘款

款作上下兩層每層各界六區皆像上層區高二尺  
五寸餘廣二尺二寸餘下層區高一尺三寸餘廣一  
尺七寸正書在  
大理府崇聖寺

金剛波羅蜜

智寶波羅蜜

大輪波羅蜜

妙法波羅蜜

勝業波羅蜜

口響波羅蜜以上上層

增長天王

大梵天王

廣目天王

多聞天王  
天主帝釋  
持國天王

維建極十二年歲次辛卯三月丁未朔廿四日庚午  
建鑄以上上層  
建鑄下層

銅鐘高丈餘在大理府崇聖寺前樓鑄作兩層上層  
鑄金剛智寶大輪妙法勝業梵似作響波羅蜜下層  
鑄增長大梵廣目多聞天皇帝釋持國各天王像未  
鑄建極十二年建益南詔世隆年號在唐武宗懿宗  
僖宗時也杜鈞

按崇聖寺在大理府城西北蓮花峯下雲南通志  
稱寺有觀音像高二丈四尺唐蒙氏時董善明鑄  
又稱唐天寶間崇聖寺僧募造大士像未就夜驟  
雨且起視之溝澮皆流銅屑即用鼓鑄立像高二  
十四尺如吳道子所畫細腰跣足像成白光彌覆  
三日夜云云而不及鑄鐘之事此鐘但詳年月亦  
不言鑄者何人鐘為建極十二年鑄建極者乃南  
詔世隆年號世隆唐書南蠻傳作首龍傳云閣羅  
鳳子鳳迦異鳳迦異子異牟等請歸天子為唐藩  
輔德宗嘉之冊為南詔王元和三年異牟等死子

尋閣勸立明年死子勸龍晟立長慶三年死弟豐

祐立宣宗崩時豐祐亦死坦綽酋龍立遂僭稱皇

帝建元建極自號大禮國懿宗以其名近元宗嫌

諱絕朝貢史文如此按唐元宗諱隆基惟南詔名

酋龍是以云名近嫌諱如果名世隆則直犯元宗

正諱不得謂之嫌諱然據馮黈演攷實是世隆演

攷云大中十三年八月宣宗崩命內臣告哀世隆

初立卽凶狠悖慢謂我國亦有喪朝廷不弔問詔

書亦賜先王子是以草具進使者而遣還又南詔

向係父子以名相屬獨豐祐之子世隆名不相承

新安倪蛻撰演雲歷年傳云蛻按豐祐或云勸利

晟之弟或云勸利晟之子諸葛元聲演史稱豐祐

慕中國始不連父名但南詔野史云名晟豐祐當

是勸利晟之子而又曰石刻爲勸豐祐則又承尋

樂勸而爲勸利晟之弟矣且以後世隆之子隆舜

隆舜之子舜化依舊父子相承則不連父名者僅

世隆一代耳演史未確也至唐書斥世隆爲酋龍

以其觸犯僭悖而削辱之非果名酋龍也昶按此

語亦未確南詔官名有酋望龍爲鱗蟲之長酋龍

二字並非削辱之稱當由朝廷避諱改稱酋龍而

史沿其舊文耳建極十二年在唐爲懿宗咸通十

二年跋者杜鈞江西新建人官大理府太和縣令

崇聖寺中塔題字

石二各高四尺六寸廣一尺六寸五分每石各四字正書在雲南太和縣

法界靈通 明真乘塔

右八字作兩行書在崇聖寺前三塔中最高一塔第

一層重簷蔽之故完好無剝蝕痕中間一碑磨平無

一字蓋南詔時立不知何代刻去也杜鈞識

按雲南通志崇聖寺有三塔其一高十餘丈十六

級其二差小各鑄金爲頂頂有金鷹世傳龍性敬

塔而畏鵬大理舊爲龍澤故以此鎮之此所題字

二行在三塔中最高一塔卽十六級之第一級一

大理

石城碑

石刻高四尺四寸廣二尺六寸五分作上下兩截書上十一行行十三字左行下八行皆人名行書在南

縣

明政三年歲次辛未宣諭踴奉承 峇官統率戎行

委服皆 恩撫安邊塞是以剪除逆衆鎮長奇宗求州

首領代連弄免覆磨乃等三邑口暨返衆鎮以二月八

日廻軍至三月七日到省城更討打賊即羽芳阿房田

洞合集卅七部姆伽諾十二將弄略等於四月九日研  
羅沙一過兼須賜職賞放迺其約盟誓務存人長上對  
衆 聖之鑒知下揆一德而跼亟

三軍都統 皇升布燮段子玩

都監三軍禮樂夾長附馬布燮段彥貞彥賞 宇覽

揚連永揚永彥

侍內官久贊段子惠李善

啓爽王清志

貼侍內官贊衛揚定存

摸陀道揚定福

陞挹袁永智菴晟興

按雲南通志石城廢縣在曲靖府城北二十餘里

唐貞觀四年置莊州領縣七石城其一也石城碑

在城北二里許昔段氏破楊千貞與三十七部落

會盟立東方黑巒松巒共有三十七部其名曰賜

城堡部休臘部囉部囉部強現三部王弄部

中郎師宗部落蒙部彌沙部尼庫部推摩部彌勒

部摩羅部羅部仁地部白鹿部摩鳩部法口部口統

部于矢部維婆部洪農部勅部華竹部口中部休

制部步雄部羅仰部其會盟之所在曲靖北十五  
里  
康熙十八年營兵於土中掘出碑字猶存文云  
明政三年歲次辛未明政一作明正辛未爲宋太

祖開寶四年滇史載開寶二年段素順立改元明  
正在位十七年卒私謚應道皇帝南詔之事唐書  
所載自昭宗以後中國亂不復通史無可攷宋史

載大理國傳始於熙寧九年以前亦無可攷故自

唐末迄宋初僅見滇考及南詔野史二書稱唐宣

宗大中十三年豐祐死子世隆立改元建極號太

理國僖宗乾符四年世隆死子隆舜立改號大封

民國建元貞明昭宗乾寧四年隆舜爲楊登所弒

子舜化真嗣天復二年清平官鄭買嗣弒舜化真

自立爲帝僭號大長和國改元安國蒙氏遂絕梁

太祖開平三年鄭買嗣死子旻立唐莊宗同光四

年鄭旻死子隆亶立改元天應明宗天成元年南

詔東川節度使楊千貞弒鄭隆亶而立侍中趙善

政改元尊聖次年改天應四年楊千貞自立改國

號曰大義寧改元光聖又改興聖長興元年又改

大明晉高祖天福元年通海節度使段思平討楊

千貞千貞自縊死二年段思平自立號大理國改

元文德晉齊王開運二年段思平死子思英立改

元文經三年羣臣廢思英而立其叔思良改元至

治周太祖廣順元年段思良死子思勵立改元明



德居位十七年改元順德是年死傳子素順宋太

祖開寶二年段素順立改元明正即此碑所稱之

明政也雲南當宋初為太祖所棄史稱乾德三年

正月王全斌平蜀欲以兵威取滇進滇地圖帝鑒

唐之禍以玉斧畫大渡河唐書作大渡河在建昌城北源出吐蕃合金沙入大江此外非吾有

也由是滇南與中國不通趨東海其所經繞在嵩昆明之間素順之立史既不載而此碑所

載明政三年集三十七部討賊約盟之事即滇考

野史亦不詳此碑出土逾百二十餘年文僅泐一

字餘完好可貴也

地藏寺梵宇塔幢

幢八面二面廣二尺三寸二面二尺二寸餘各一  
尺一寸五分高九寸三分一面二十行二面十九行  
一面二十四行二面二十七行一面二十一行一面  
二十二行字數八字或十字十一字不等正書在雲

南府

佛說般若波羅蜜多心經

大日尊發願文不錄

發四宏誓願文不錄

大理國佛弟子口事布變 敬造佛頂尊勝陀幢

記

皇都大佛頂寺都知天下四部眾洞明儒釋慈口大

師段進全述

原夫一氣始弁二儀初分三光麗於穹隆五岳鎮於磅  
礪爰有璇秀愚智辦立君臣掩頓於八區宰籠於四海  
隨以而設理運口而舍風常讀八索之書非學六邪之  
典淨邊邊役定遠郊姦東海浪澄於驚波楚天霄淨於  
讒霧君臣一德州罔一心只智詰才能乃神謀理運者  
則袁氏祖列之義也由乃尊卑相承上下相繼協和四  
海媿同親而相知道握九州訝連枝而得意承斯鋒銳  
不起飢荒無名鍾鼓義而明明玉帛理而穆穆可謂求  
人而得人亦袁氏之德也至口教高明生則大將軍高  
觀音明之中子也其高明生者文列武列萬國口實而  
宣威神氣神風千將口摧而留世悲夫四大无主六  
蘊空去來天地橫口不慈大運口將不意口哉雲郁郁  
兮窮天口雨霏霏兮盡山悲楚方罷暄口京口昭本州  
為兄弟之土將相口上下之權子小紹運系口亞脫其  
布變口口者至忠不可以無主至孝不可以無親求殺  
術於宋王口王異成功於務本得本將乃後嗣踵口化  
及口口霜風口而一海殿秋春雲布而万物普潤懷其  
義者日用不知挹其源者游泳莫測此袁口口口口口  
口也聖人約法君子用口口德而不可不傳以傳而備

遠有義而不可不記以記而口常口夕復哀終朝威威  
尋思大義孔聖宣於遠遠慎終欲月元文釋尊勸於酬  
恩拜德妙中得妙靈理知靈善住復七返輪廻如來說  
一部殊教日如來智印口尊勝瑤幢託其填際而建之  
鐵圍口成極樂臨其寒林而起矣地獄變為蓮花卽到  
於菩提道場速會於常寂光土次祝非口口於生我育  
我而先口於恩余建余復利於重義輕生盡口於亡身  
報主大義事事以懷此敬節日日以惟新建梵幢而圖  
功勒斯銘而標記

護法明公德運碑贊

碑高八尺八寸廣六尺五寸二十五行  
行四十六字左行行書在雲南楚雄府

口口護法明公德運碑贊

大理國高相國公仲子之孫諱日量成自幼有大器及  
長思欲立大功定寰宇而道未合俄然四夷八蠻叛逆  
中國途路如蝟毛百姓離散天不早命公斯民墜矣公  
於時領義兵口鄉勇掃除烽燧開拓乳坤安州府於亂  
離之後收遺民於虎口之殘四海清肅路不拾遺帝勅  
号曰口口口口口口周道不行商道商以播爲實  
周以會爲實公累與諸蠻會而不會播故行周道非獨  
行周道代亦周代口口口口口口口口口口關門不閉

傳曰進賢受上賞蔽賢受誅戮齊有仲父鄭有子產竹  
帛稱之爲民之父母孔子口誠之爲口進賢也口口賢  
口口有德口口八紘宗族同一心四海爲一家詩曰濟  
濟有衆此之謂也語云生而知之者上也公自幼孤久  
失進訓不喜盤遊弱冠歲餘天地合德日月同明温良  
五備口六藝三口隨而有之所謂生而知之者上也公  
不閉書史而所爲動作皆合書史公以禮義爲衣服以  
忠信爲甲冑以智勇爲心肝口之來者割地而封之不  
歸化者與兵而討之自是天下大化公明口口地了了  
性源興修白口喜建伽藍衆山蘭若無不周備所謂灑  
其根而口其實種其福而積其基帝憫其精勤有道爲  
口濟民皆在斯焉再勅号曰護法公公在位几年乃讓  
位與其姪中園公中園公心腹股肱瓜牙皆公之爲也  
公爵地威楚府牟州石乘弄口處威楚府西隅去府五  
十里地名口溪山林茂盛是賊巢穴採樵刈草皆爲賊  
所口公口口勅居處建官室賊散去不知其幾千里也  
泉甘而山茂公之口處仲尼有云仁智者也四夷八蠻  
累會於此八方羣牧口口於此雖夷狄之深仇部曲之  
怨恨到此善歸方寸惡竟冰釋抽刀懷刀一時捐弃甘  
辭艷語以發喜戲古人有云人傑地靈也八紘四海關

命於此可謂大矣樹異山靈□□□松杉□□□

□□□白雲□□連前栖一□兩□端□明月侍座清

風掃門喜聽法鼓明心不聞塵囂聒耳真□□□□

□□□□□□□□□□□□□□□□□□□□□□

蓋天地道德高古人尚和光同塵而不負自高自太之

意□□□□□□□□□□□□□□□□□□□□□□

危詩不云乎愷悌君子民之父母伍員者古之智勇忠

孝之士也□□□□□□□□□□□□□□□□□□□□

軍而代楚破塚鞭骨而冤未消□如公雖□深仇大讐

胥襟坦然□□不□此皆能仁之行□□□□□□□□

宋國建武軍進士兩戰場屋畫虎无成□□南國十有

六年蒙公情照如□□人□命□□□□□□□□□□

而發微言曰知我者其惟春秋乎罪我者其惟春秋乎

□□□□□□□□□□□□□□□□□□□□□□

尚未盡善也□之高氏如有聰明俊□克己復禮能□

□□□□□□□□□□□□□□□□□□□□□□

□□亦高□世世之□也與叙之不足乃作銘曰

□出社□ □位克己 □君奇□ □□□□ □眾

星其北 是水潮東 道毋古今 公比周公 外掌

部城 內泥真流 □□□□ □□□□ 樂山樂

水 仁哉智哉 紫雲□□ □□□□ 手拓山河

化洽軋坤 □□□□ 公名常存

時□□□□□□□□□□□□□□□□□□□□□□

□□□□□□□□□□□□□□□□□□□□□□

按載記段正淳立於宋哲宗紹聖三年號後理國高

泰明相之稱為高國主此碑年代劉落篇首稱高最

成為相國仲子之孫則當在南宋之中葉繫國仍以

大理則改號之說恐無据又通志古蹟云高量成碑

在楚雄城西四十里紫溪山獼猴箐此碑當是也

李榮 陸識

按碑在楚雄城西四十里紫溪山獼猴箐雲南通

志山川卷不載獼猴箐而紫溪山則云在楚雄府

城西三十里薇溪山之右松竹陰森峯巒秀麗梵

宇琳宮踞一郡山水之勝又古蹟卷載德江城在

府城西北二里宋段氏時高昇泰執國柄封其兄

子明亮於此因築此城又名德江村昔高量成避

位居此一村化其德是即碑所云威楚府西隅去

府五十里地名紫溪公勛居處建宮室也今之大

理府在宋時大理段氏以其地屬姚州名當節檢

後改威楚郡碑故謂之威楚府也高相國之始由  
于段氏以南詔野史滇攷滇史滇記叅攷之段氏  
之先爲武威郡人自段儉魏從鳳仰異敗鮮于仲  
通于西洱河蒙氏擢爲清平官易名忠國六傳而  
至思平爲通海節度使楊干貞忌之晉高祖天福  
元年討平楊干貞二年自立號大理國開運二年  
思平死子思英立三年羣臣廢思英而立其叔思  
良周太祖廣順元年思良死子思聰立宋太祖開  
寶二年思聰死子素順立太宗雍熙三年素順死  
子素英立真宗大中祥符三年素英死子素廉立  
仁宗乾興元年素廉死姪素隆嗣天聖四年素隆  
避位爲僧禪于素真康定元年素真死孫素興立  
慶歷三年國人廢素興而立思平曾孫智恩之子  
思廉神宗熙寧十六年思廉避位爲僧子廉義嗣元  
豐三年廉義爲其臣楊義貞所弑義貞自立篡位  
四月岳侯高智昇命子昇泰起東方兵誅之而立  
廉義之姪壽輝以靖難功加高智昇太保封德侯  
此高氏之始子昇泰封鄯闡侯代智昇爲相于楚雄築  
外城號德江城以封其姪子量成此高量成之始四年壽  
輝避位爲僧立思廉孫正明哲宗紹聖元年正明

避位爲僧國人奉高昇泰立之號大中國二年昇  
泰有疾遺命還國段氏而卒四年昇泰子泰明遵  
遺命立段氏正明之弟正淳改稱後理國以高泰  
明爲相徽宗大觀二年正淳避位爲僧子正嚴嗣  
政和七年徽宗詔使勅封正嚴爲大理國王是年  
高泰明卒追封國師以其弟高泰運爲相國高宗  
紹興十七年正嚴避位爲僧子正興嗣十八年六  
月高量成討三十七部叛夷平之以姪壽貞爲中  
國布變自號中國公退居楚雄卽此碑所載之事  
也據此碑則中國公乃其姪壽貞之號非量成自  
號量成固勅號曰護法公也高國主之稱始于高  
泰明而連及于高量成滇記載政和三年高正嚴  
向慕中國與國主高量成謀入貢從廣南東道請  
之倪蛻換滇雲歷年傳疑之曰此時高泰明爲相  
何以又有國主高量成國主非官名恐是柵主之  
謫高泰運曾爲柵主或量成繼之耳此蓋倪氏未  
及詳玩此碑所謂國主者卽中國公之稱非謂大  
理國之主也碑無歲月以量成退居楚雄考之于  
時爲段正興永貞元年在宋爲紹興十八年

稽肅靈峯明帝記

石刻高五尺二寸廣一尺八行行五十字左行正書在姚州興實寺

褒州陽派縣嵇肅靈峯明帝記

夫自人而粹者天之道也自天而純者神之道焉運乾坤而變化何窮妙萬物而陰陽不測至哉自天地凡岳得其道者無不以清以寧以淵以靈故流為汧河結為山嶽者民之象也易曰終萬物始萬物者莫盛乎艮言其止而不動也噫含澤布氣以調五神積高厚下而安四極山岳之理可得而言歟有褒州陽派縣嵇肅靈峯明帝者德標鎮地高極配天秀出太虛之中結成元氣之始育靈孕聖懷寶含章誰足生甫之神獨稱應昂之傑千年卓立驚神口之千宵万仞削成口青蓮之出海霏霏膏澤豈道徐州之車雷轟丹靈似擁芒碭之蓋風泉相渙松竹共清靈變无端雲雷未惻蓋天府之巨鎮此方之靈祐也 公奉命登庸政成清謐雅頌一變山川再榮顯此靈峯鬱為保障乃修柴望之理備方伯之儀口口無窮永申如礪之約令聞不已豈無勒石之功余志望郭生愧述崑峯之贊才非謝子敢題盧嶽之文畧敘風口以旌盛烈

時元亨二年敦牂歲徂暑月哉生明 口口楊才照

奉命記

按此碑在姚州興實寺右側題稱褒州陽派縣嵇肅靈峯明帝記唐書地理志諸蠻州有哀州武德七年置本弄棟地南接姚州縣二楊彼樂疆据方輿紀要姚州有揚波廢縣在大姚縣東武德四年置褒州領揚波強樂二縣後廢二書所載州縣名互異不能定其孰是然以此碑證之題曰褒州與紀要合則唐書作哀者疑譌縣名陽派則唐書紀要二書之作揚彼揚波似皆以形似而訛雲南通志稽肅山在姚州城西七十里山有泉入陽派河據此則縣以河得名似陽派為有據也惟碑稱明帝無攷文云天府之巨鎮此方之靈祐似明帝謂稽肅山神下文又云公奉命登庸政成清謐修柴望之理與禮通用備方伯之儀似係守此土者奉祀稽肅山神而立此碑但未詳所謂公者何人碑無姓名可攷碑立于元亨二年敦牂歲徂暑月哉生明

段氏自宋孝宗乾道八年正興避位子智與嗣改元利貞又改盛德嘉會元亨安定滇雲歷年傳不詳元亨之號建于何年碑但稱敦牂歲是午年而不畧何干据下碑二年丙午則元亨建于乙巳碑立于丙午歲六月三日也雲南通志古蹟卷姚州

州有稽肅碑在城西十七里上有天福二字今此碑未見有此二字是所搨未全也

興寶寺德化銘

碑高五尺二寸廣三尺二寸二十七行行五十字凡六行刻於右側側寬六寸五分左行正書在姚州興寶寺

大理國上切高踰城光再建弄棟華府陽派郡興寶寺德化銘并序

皇都崇聖寺粉圍侍郎賞米黃綱手披釋儒才照僧錄闍梨楊才照奉命撰

蓋聞率性之謂道妙物之謂神混成天地之先獨化陶均之上體至虛之宅无毒无門運不隅之方何固何執未嘗不出入五物誰惻至變之端周流六虛旁行大衍之數知大始者由之揆務作成物者宗之致能行象分而變化斯奇動靜常而剛柔乃斷元凝易簡之理昭升久大之功引而申之觸類而長之天下之能事畢矣異哉仰觀俯察弗昧幽明之宗原始反終遂知生死之說由有口有難保口於幻夢之常從迷積迷几窮况於風浪之起至寂豈虛靈覽大覺忽目隨眠弗諉四誓之言永矢大千之化觀淨姓於日種孰類鄙人驗白岩於腸生豈疋虹渚昭四門之遠誠忻馱馳而交懷甘口歲之

幽求苦樂審其非道術求舊於往證之口濟惟新於所化之生發神足於道場吉祥暫鋪草座入慈定於樹下波旬立慟與尸光縱鹿園五老頓忘於本制德勝火室三愚遂服於仁風示化橋而摧我人指恒河以明生滅大教旁收於五性不化而自行法輪妙衍於三時不言而自治旭亡照之極耀幽葩圍鑿動希聲之大音盲聵俱圻遂使九十六種貫覓而聽命罕品拔茹以成羣門微塵而開大經傾寶口而賑諸有莫不十度成叙六趣捐關束名實者息肩於羣圍尙清淨者同味於大道時來舍衛鴛子奉命於祇園暫上天宮優王遂與於僧像卽穢土以闢淨糾奇有相以述真常欲使在三界之歸依爲像法之洲渚妙哉恍惚无得而稱焉蓋此寺者大蒙知軍事布變楊禎之所勅也年鐘建極口佐兵口口蜀衝蕃惟公是倚外則兩諧帝道事竭於君內則翼扇真風心亡於法卜茲勝地勅此精藍歲月已淹痛哉圯毀有公子高踰城光者曾祖相因明公高泰明祖定遠將軍高明清已備因史考口公高踰城生者定遠將軍之長子也口剛柔之粹德鍾岳瀆之休靈清明在躬鑑澄波之千傾風神絕倍擬巨岳之万尋辜匪授於明朝善玆縫於霸業降德惟忻口種口恩未憚及人口口如

神鄙圮橋之取履政則凝化踵合浦之還珠□□□  
功高五伯懿哉寔□期之明哲也公高踰城光□□□  
再索慶龔餘芬天質白朱龍章特異夙蘊風雲之□□  
實仁義之懷和□內凝英華外發器茂識□之歲□□  
有芬志高还洛之年情暉自遠敬義无失忠節更堅□  
行而異虺吞聲鷄□而群翔殺□噫未及進訓傷□□  
之兢兢□□天倫慕花萼之韡韡恭盡秋霜之戒友垂  
冬日之暄肅肅焉稷稷焉輸至誠於君兄循肌膚於伯  
父嗟乎義以道合事由□□不意蠅玷成瑕南箕自遠  
及與□□公及先君諸舊臣等議曰大義不可無方□

不可无主惟其平園大宰之遠將軍君臣之義家高  
叔姪之分尤重不異霍光輔漢姬且匡周盛衰惟終安  
危同力在我子孫後嗣弁茲歷世垂休孤立一隅介□  
大罔其不謂事之末乎然狐首正葵能衛足不忘本  
也姑可忽諸乃與中罔行成獨與廟計自此散從釋衛  
縮甲抑戰公兄弟之力也至哉難不讓於歷試位則□  
以居謙鬱其千里之才擢以百成之命奉旨則仁聲已  
洽下車則清風載興簞食壺漿歌來甦而滿路逸民傲  
吏輟考盤以登朝乃煦以秋陽威以夏日坐甘棠而聽  
訟設蓮燎以思賢振□惠而字小人宏義讓以勗君子

民識廉耻咸習管子之風家足農桑旁□孟軻之制緝  
理之暇澡德馨源恨不手布黃金幸齊肩於善施日用  
畱心白馬庶接武於漢明傷德本之未滋痛斯藍之煽  
燬遂乃役子來之衆鳩心竟之工妙啓新模式仍舊貫  
喜得上棟下宇盡合大壯之宜矢棘鞏飛屬起斯干之  
勢窮山水之幽致溢煙霞之□趣西則松風發□驚□  
苦空之音南則江月殘朝忽認靈臺之鏡東臨霧閣近  
接應供之賢北枕平坡遠兼釣鼈之客一一美麗事事  
新奇盛矣哉信華州之嘉境也夫作而不紀非盛德焉  
乃揖儒流粗陳風烈其辞曰

率性曰道 妙物稱神 混成天地 獨化陶均 其一  
形象乃分 劉柔斯判 幽明迭興 生死相攬 其二  
幻夢勿固 風浪非常 至寂豈默 一覽獨彰 其三  
四口弗諉 八相斯假 瑞景固天 徵鳥衛社 其四  
四門昭戒 六載幽求 道成樹下 法演鶯頭 其五  
鶯子標藍 填主刻像 三界歸依 群生瞻仰 其六  
口哉此寺 肇自楊公 心亡於法 事竭於忠 其七  
荆此德基 忽遭煽燬 不絕人望 挺生公子 其八  
寧祖靜域 顯孝佳邊 積善餘慶 口嗣口延 其九  
口事天倫 敬而无失 恭履秋霜 友垂冬日 其十

難則歷試 位乃居謙 擢以百里 德化清廉其一十

政理之餘 留心喜捨 想布黃金 思題白馬其一十

乃仍舊貫 式建仁祠 斯于盡制 大壯得宜其三

樂功既疑 貞氓可紀 共彼天長 盡善盡美其十

元亨二年歲在丙午七月十五日

按雲南通志古蹟卷載姚州有興寶寺碑在城西

十八里段智興元亨二年立寶宋淳熙十三年即

謂此碑也又通志寺觀卷興寶寺在姚州城西十

五里元宣光間建元無宣光之號其誤顯然据碑

則寺為大蒙建極年知軍事布變楊楨之所勅蓋

建于蒙氏時矣建極之元建于唐宣宗大中十三

年則元宣光者或是唐宣宗之訛碑題稱高踰城

尤再建自勑建至是閱歲三百四十餘年宜乎再

建也高踰城光會祖即高泰明祖高明清考高踰

城生高泰明即大中國王高昇泰之子宋紹聖四

年昇泰臨死遺命還國段氏段正淳立以昇泰為

相語已詳前此碑益紀興寶寺興建之由因述高

氏之世德謂之德化者猶言功德也前碑題褒州

陽派縣此碑題弄棟華府陽派郡唐書地理志哀

州即褒本弄棟地方輿紀要姚州唐天寶末没于

南詔為弄棟府治大理段氏仍置姚州据此碑則

段氏尚稱弄棟未改姚州然謂之華府又以陽派

縣為陽派郡其建置諸書皆無攷碑載釋儒才照

之官曰粉團侍郎又曰賞米黃繡手披似即袈裟

之屬皆僅見此碑銘詞十四章章各四句又一體

也碑書千頃作千傾百城作百成考槃作考盤似

皆借用字

淵公塔銘

碑高五尺廣三尺厚八寸五分三面刻前面二十三  
行側五行後面二十行行俱五十字左行正書在雲  
南

大理國淵公塔之碑銘 并序

楚州趙佑撰

淨徹昭融精真冲遠虛明靈體曠闊靈微豈可以闕狹

知其邊際稱量議其深淺且倏熹亡照之所覺勞而照

性已迷觀彼太虛之形翳本圓明之體四大都起萬象

交羅夢中重夢迷衰又迷故頭無得失之非見有忽狂

之客自此已往相去遠矣因差路殊非法身大士奚能

破塵出經安往法界者我 淵公隨緣白地誕粹于高

氏之族故相國公高太明之曾孫政國公明量之孫護

法公量成之子也母則王女諱成宗厥考護法公口武



定天下仁政法乾坤威行如秋仁行如春戎夷口口  
 遠遁朝連高枕而无虞中國蒙其惠異俗震其聲恩俾  
 造化而澤潤草萊德被生民而模範天下則公之為公  
 之子也英姿卓茂氣韻清遠昂昂若雲鶴之處群雅也  
 自有不羈之態視榮貴如幻炎執身心我人為甚倒憮  
 然有出世之心不肯為凡夫年象二十一日辭父兄出  
 家知其志不可奪不得已壯而許之公侯將相朝士大  
 夫及輿臺阜隸等皆曰今失命世之才莫不銜恨者茲  
 等經論以言之將入道門欲得其正如人造象先辦真  
 金象成之後體無增減用真心修无上菩提如將金為  
 器器器皆金用妄心修无上菩提如將瓦為器器器皆  
 瓦故若於因地以生滅心為本修因欲求佛乘不生不  
 滅无有是處此諸聖之要言修行者之正因今公之發  
 菩提心也可謂得其正矣如不以喜怒哀樂發菩提心  
 富貴榮利發菩提心即當以離前塵分別性發菩提心  
 稱法界性發菩提心如此則文殊師利菩薩不動智佛  
 主伴明矣如清涼謂啓明東廟智滿不異於初心寄位  
 南求因圓不逾於毛孔則龍女善財豈迂滯哉是以鬢  
 髮自茲而落俗裳自茲而變戒品水潔威儀調順號智  
 元字皎淵衣鉢之外分寸无餘猶虛室煩煩妙用難窮

因自念創學之流未諳教跡執權為實迷不進修不以  
 聖教為繩墨明師作指南菩提涅槃尚在遙遠豈能會  
 諸地於先心短長劫於一念遂師於元疑尊者所以  
 崇德廣業虛心外身拂傲慢於貴法除人我於進修攝  
 漏塵之妄識餅裏之雀密遮捨放逸之幻身井中之蛇  
 深怕緣緣自淨物物无心謙尊而光昇而不可踰增上  
 慢者見之而暴慢革无明固者遇之而智慧生為法修  
 忍三忍之行圓為法除蔽六蔽之元淨振古佛之宗風  
 尋祖師之公案本分作家手段量度銀佛鉗鎚毀屬露  
 珠電掣讚善水月空花故當進齊乎佛果行弥於法界  
 難能而能不能於能者也 疑師於是曰真个光昭先  
 覺可謂不忝後昆自非得恁口人安能有如是法乃機  
 緣俱會遂悟旨於言下即以證入法界智如來果德理  
 體妙慧為修行之正因如王寶印一時普印无前後成  
 文也故乃得生空之摠持除闇提之不信臻妙有之不  
 極起万行以無疲 利貞皇叔於公世則消陽之規口  
 達磨西來之口祖祖相傳燈燈起焰自漢暨于南國口  
 不共人至於王弟甚的見公之於法也機深於教門口  
 進求以身為逆旅未曾尋於身以心為緣相豈可滯口  
 心貪如瘴海而不入嘆比詠我而常離於是相與為口

知識无二三其心以無作根本智□□行之因修法空  
之妙慧行□利以無窮出聲聞之清水濯凡夫之淤泥  
如彼蓮花斗頓馨香无物以喻也又與戒遵長老求  
法界之游爲新漫之友以无言之深言詮言絕之深理  
以无爲之妙行應无作之妙心融真俗以無跡鎔靜亂  
而不偏壞其可壞遠離諸離智慧拂跡而雙入行願忘  
照以競興五蘊付於雲夢三界寄於電泡張四心之仁  
羅諸類以无遺展四攝之義導生品以咸歸大哉生死  
無以牽其慮涅槃无以住其心悲智交羅自在運用真  
大丈夫之學佛者也乃尋經論以符契心无證微言以  
俯同元旨良以因深果奧行廣位高當處發揮无非佛  
事貴與泰山之高利與滄溟之深而无以爲心則其□  
□□□之善无不爲塵點之惡无不翦則其戒深矣  
舟本无人奚司其吝則其忍廣矣因果交馳慣習功濟  
則其進大矣境□□□□□□□則其定凝  
矣妙有昭廓而臨機變化靈鑒无極則其慧明矣觀其  
臨時三昧觸事解脫者如或有憚公之調深行遠規矩  
難摹故致燒之不置公嗒焉似喪其偶而不知其所也  
公之友謂於公曰此不尊其尊无禮甚矣□當叱之公  
曰何謂其然也彼其之子焉能使我子不類哉吾之所學

者佛也所貴者法也可以小不忍而亂法界大謨乎子  
不聞乎菩薩□□如飲鴆酒子當怒以怨乎公之友曰  
吾儕闖茸未能至於此也然吾不忍見公之修忍也以  
餅錫雲游乎又有畔婁之役公之弟公子□戰敗績而  
爲人所擒拘之久矣而守者依公之友奏於公曰當解  
拘以送之謂子不信有如敝日公曰无之文王拘於羑  
里而天命有歸天其有命矣信則信矣以吾弟之賢而  
汝曹送之則其事必矣然非吾佛法中事菩薩見詐如  
畏豺狼吾可以行詐乎其万行芬披手帶窮萌多類於  
此可同日而語哉抑迺唯心回轉而善成同時具足而  
相應盡如來之境界同異之性亦滅淨昭廓而明生明  
圓徹而覺滿異同之所不知无爲之理分明盡法界云  
一真如際發妙用而鑑窮沙界蔭慈雲而覆涅槃海非  
歷劫之功濟離念之蘊修豈能以定慧照用身心如此  
之圓通也公以病故辭凝尊者鳳臺之元庚申之冬  
栖託於茲山焉順行而至已矣由是德行星羅寶澤□  
涌智周萬法而不爲悲等眾情而非已雖修万行不□  
世間因果交徹單復互融如昆楞伽寶一切皆現其□  
如夜夢千秋覺已隨滅矣且夫子以經義推其始終之  
事行位重重事理融徹如此觀之則文殊初心普賢□

行彌勒極果明矣其家譜宗系者自觀音傳于施氏施氏傳于道悟國師道悟傳于元凝元凝傳於公公之族子有慧辨追蹤景行唯嗅薈荀而嘗醒醐者公器之因傳焉嗚呼公其來也化身歟其去也補處歟方綱三昧之運用歟非世俗準儀言論云為之所及耶以天開十年甲戌歲十月二十四日端坐泊如也一念圓融具德安住法界矣公以己巳歲生修行位中四十有六夏父母之生六十有六年其嗣法弟子起塔于山辦事如法已 帝命禮號塔曰實際諡曰頓覺禪師餘事備如畫贊文具載孫高明生姪高善祐雖妙年而義誘其衷謂開國已來一人而已可以將示來者故俾公弟高觀音政檢校措意如公弟扶危撫弱防巢之義深者因申奏上聞琢石立碑命臣佑輒書其大略也如公之大者遠者非吾所與焉銘曰

法界之滓 天地是生 法界之靈 聖人是明 高不可仰 深不可撐 緣謝歸无 獨悲衆情 千秋万歲 物是人非 松風疎散 苔葉因依 白雲其住 山鳥猶歸 塔以表靈 碑以傳徽

時天開十六年庚辰歲八月十五日 貴國先生會 孫蘇難陀智奉命書 釋戒護檢校 金彌杜隆義

雕書 王長連琢石

按淵公即相國護法公高量成之子高量成事已詳前碑淵公年二十一出家天開十年甲戌歲端坐而化年六十有六天開乃大理段智祥建元智祥以宋寧宗開禧元年立改元天開至十年淵公卒推其生在宋高宗紹興十九年是時其父高量成討平三十七部叛夷以姪壽貞為中國布變自乃退居楚雄也

憶自乾隆壬寅之夏少司寇述庵先生方丁內艱里居  
適浙中大吏重修西湖志請先生總其成館寓湖上就  
莊友人項君金門爲先生問字弟子談讌閒齒及文藻  
姓名遂詣就莊晉謁獎許過當旋俾文藻與分纂之列  
每執卷商榷之餘輒鬯論讀書稽古詩文格律從源泝  
流皆切要實學逾年先生奉

恩命起復直隸臬使道移關中公事之暇蒐訪金石書  
來致屬謂文藻館武林所交皆藏書家凡山經地志說  
部文集有涉金石題跋悉爲採錄以資考證因隨見隨  
鈔每積數百條卽附陝客緘致迨先生移節滇南道遠

而止癸丑歲先生以少司寇請假暫歸文藻適有濟寧  
之行紆棹謁先生於三泖漁莊把酒話別於清華閣欵  
洽甚摯是冬先生假滿入都甲寅春蒙

恩予告歸里棹經任城時文藻尙畱黃小松司馬署中  
獲侍杖屨至州學摩挲漢碑畱連竟日互相唱和而別  
先生嗣是林泉清暇發篋陳編取所錄金石摹文詳加  
考訂閱數年而次第成編嘉慶辛酉歲主講武林敷文  
書院文藻候問出示所定初槁百餘鉅冊尙須刪汰訂  
定招文藻襄其役是夏卽携具山齋與嘉定錢君同人  
共晨夕明年春先生辭講席歸漁莊仍令文藻與錢君

供其事旋付梓人校寫校刊迄于今始竣蓋文藻之常  
得親炙先生言論丰采者五年于茲矣竊幸文藻畢生  
能窺金石之美富殆有天焉先是客京師寓大學士韓  
城王文端公邸第值文端充續西清古鑑館總裁得見  
內府儲藏尊彝古器摹本三百餘種後客任城小松  
司馬署得見濟寧一州古今碑拓數百種遂手自摹錄  
成濟寧金石志繼客濟南赴阮中丞芸臺先生之招時  
視學山左遍蒐碑碣得見全省拓本千數百種贊成山  
左金石志刻以行世今又得見先生所藏寰宇碑摹幾  
一千餘種刻成金石萃編一百六十卷夫拘墟寒士雖

金石錄  
有金石之好欲購藏則無貲欲遠訪則無事茲文藻前後所見多至四千餘種自幸以爲海內嗜古之士企及此者亦難矣文藻年逾七旬桑榆景迫快覩鉅編之成爰詳叙顛末以誌忻幸之私懷云爾嘉慶乙丑秋仲仁和朱文藻跋

侗世父詹事公博通經史尤愛蒐羅金石文字少與青浦少司寇王述庵先生同學長而同登進士第凡讀書疑義無不相與參互攷訂勉爲名山不朽之業司寇與世父嗜好旣同敷歷中外四十餘年足跡幾遍天下所至輒喜訪求金薤遺文雖山陬海澨窮幽極險悉能摹而致之故兩家所蓄亦相等世父中年解紱得以從容稽攷先後刻潛研堂金石跋尾四集頗爲藝林愛重而司寇亦據生平所得宗歐陽文忠公遺旨繫以跋語繼欲仿洪文惠公隸釋隸續之例寫錄全文綴以前人論議一一訓釋而證明之葺爲專書用示後學卒以吏牘



旁迂未之成也歸田後屢主書院講席又以事往返京師者再亦無暇悉心撰次迨嘉慶壬戌春却軌家居乃盡出篋笥所藏拓本自三代迄遼金幾一千通重整舊稿刪其繁蕪補其漏失以侗侍世父年久稍習歐趙以來諸家之書招致三泖里第畀以編校之役因偕仁和朱先生文藻同堂商榷司寇摠爲詳定凡三易稿五易寒暑始竣事而後付之梓人蓋其體大思精海涵地負集衆說之異同正史文之譌缺實爲嚮來金石家所未有而侗等得以皮傅淺學廁名簡末誠厚幸矣所可慨者是書至今年冬剗剗甫竟而世父先於去冬辭世末

由一見其成此則司寇不能無伯牙絕弦之感而侗之  
所爲退而泣然者巳時乙丑十一月門下士嘉定錢侗  
敬識